

門二叔  
815  
卷一

# 重刻增補圖像

萬卷樓周如泉刊行

## 本草蒙筌

土產藥性

炮製俱全

撮要本草蒙筌序

清川

本草蒙筌十二卷初月朋陳君而  
纂輯祛家蓋本以便初學者也  
侍神農本草其書僅一  
一卷下圖  
弘景而後更危本蜀本至於慎微  
品類圖釋十倍其初不啻詳矣習

商氏  
杏庭

之者蓋窮年不能竟也乃遂併所  
侍神者之產買而不講近之雖有  
集要云編等書芟繁就約迄鮮朽  
衰或者又病其不該夫洪鈞播氣  
散為萬物茁秀環飛根莖蠕動與  
含靈之衆共稟五華具為五性蓋

為五味章為五色產于五方協于  
五臟和液調劑於是乎取之補偏  
救溢於是乎用之若枯根朽骨遺  
華委斃皆天地之氣也至於觀色  
咀味辨性察宜分陰陽別升降等  
寒溫標淋區織悉畢具微徃俟來

効而不爽自祀神聖曷能如斯故  
神農本草子黃帝素問越人難經子  
古並侍与日月俱遠祀焉而已也  
其在儒術則仲尼六藝周公爾雅  
夫素難結經者六藝也本草者爾  
雅也不明六藝者降不可以為儒

不通爾雅訓詁不可以明經自漢  
以來注疏日繁爾雅不復列于學  
宮六藝之道鬱而不暢儒者苟誦  
帖括以僥倖于名波弘景慎微之  
倫其為注疏繁矣意固將以羽翼  
神農而正其未也乃併神農之書世

為廣矣是驅天下之異雜以奉業  
以遂以禁方為帖括也夫嚳所幾  
悞鉤吻為訛自古嗚呼今陳君故  
業儒通爾雅明六藝之蒙筮之作  
善本之編之例廣集其之遺約大  
規之繁以紹神農之絕嘗手是編

過予而語曰余之輯是書也徒以  
覺悞童蒙之從事於訓詁明君臣  
佐使之理而因以探素問之奧啓  
漁夫之筌云爾若夫得魚而忘筌  
則存乎其人余既嘉君之志又惟  
山東刻龐氏本先正商文毅公常

為之序今君之纂輯視山東左弥  
精其用心勤在顧余此文毅言不  
足以為君重也君名嘉謨字廷采  
天性朴茂以賢行聞又緣飾以文  
雅而點壺市肆中每清夜宴坐對  
月朗吟因自號月朋子然則之

刻月朋者當又不獨以其學也

昔

嘉靖乙丑季秋菊旦

賜進士第翰林院庶吉士龔西野

人許國撰



重刻本草蒙筌序

夫本草之名尚已古聖人愛民深切故羲皇有八卦之畫炎帝有百草之嘗畫卦以示趨吉避凶嘗草以使攝生救死蓋自結繩以後本草一書即與民生民行均重于世

區像本草旁各  
所當務于急者也傳漢末共三百  
六十五種以象周天厥後陶蘓李  
韓諸賢相繼增益唐慎微於圖經  
外旁摭遠引而再益其品至千五  
百餘種經八百餘家我  
明李時珍集驗補遺又益三百七

十四種蔚乎富矣然品類既煩玼  
瑕不少學者攷究窮年如入海筭  
沙徒益其苦耳新安月朋先生憂  
之乃取諸本會折衷之博而約之  
撰集章句排偶聲律使學者便讀  
而易精可謂集大成于斯而加惠



之心渥矣余質成鈍椎長耽典籍  
賦性羸弱時讀神農本經究軒岐  
家言以自衛每閱先生方書豁然  
有得若千古對談一燈相契恨不  
與之同時也因見蒙筌一書行世  
已久板籍蒙壞中間不無舛謬余  
不忍其湮沒乃闕者補之斷者續  
之詳增精繕付之剞劂庶幾不負  
余私泚之深心矣醫者得一冊存  
之則不蹈費人之誚養生者得一  
冊存之則共躋仁壽之域大千世  
界受益者寧有涯哉

昔

崇禎改元之中和月既望

潭陽劉孔敦若樸子漫書于金

陵萬卷樓



本草蒙筌目錄

歷代名醫像

總論

出產擇地土

收採按時月

藏留防耗壞

貿易辨真假

咀片分根梢

製造資水火

治療用氣味

藥劑別君臣

四氣

五味

七情

七方

十劑

五用

修合條

服餌先後

各經主治引使

用藥法象

卷一草部上

人參

黃耆

甘草

白朮○蒼朮

生乾地黃○熟地黃

當歸

牛膝

黃精

遠志○小草

石菖蒲

天門冬

麥門冬

五味子

菟絲子

靈芝草

甘菊花

石斛

薏苡仁

薯蕷藥 卽山

知母

肉蓯蓉瓊陽草

補骨脂

羌滑滑 獨

柴胡芸 子

升麻

車前子

地膚子

決明子

蒺藜子

藍實青靛 青黛

天麻赤 箭

蘭葉

蒲黃香 蒲

卷栢

何首烏

益母草

續斷

漏蘆

忍冬

巴戟天

薯蕷

五加皮

卷二草部中

芎藭燕 藤

芍藥

黃芩

黃連胡 黃連

桔梗薺 鹿

栝蒌實天 花粉

貝母龍 睛

款冬蕪

紫苑女 苑

馬兜鈴木 香

木香

大茴香小 茴香

香附子卽 莎 草 根

益智

縮砂蜜

草果

肉豆蔻

白豆蔻

草豆蔻

藿香

高良薑紅 豆 蔻

胡椒草 澄 茄

防風

防己

紫蘇

荊芥

白芷

細辛

麻黃

葛根

歲靈僊

秦艽

藁本

薄荷

香薷石 香薷

姜藜女 姜

泉耳實耳即蒼

天名精

防葵

蛇床子

草龍膽

澤瀉

瞿麥

通草脫木通

玄參

沙參

丹參

青箱子

木賊

惡實即牛蒡子

薇衙

敗醬

白薇

白前

白蘚

狗脊

菴藷子

茵陳蒿

草蒿即青蒿。白蒿。邪蒿。牡蒿。角蒿。蘆蒿。尚蒿。馬先蒿。

茅根花。管。

僊茅

耳蕉根芭蕉根。

景天

徐長卿

黃藥根

石龍荔收。

石龍芮

絡石薛荔。木連。蛇錦。石血。

卷三草部下

附子鳥頭。鳥喙。天雄。側子。木鱉子。

天南星

半夏

京三稜黑三稜。石三稜。

蓬莪茂

骨碎補

牡丹

大小薊

劉寄奴草

紅藍花臙脂。

延胡索

鬱金

薑黃

艾葉

地榆

紫草

茜草

馬鞭草

夏枯草

百部

百合

前胡

旋覆花即金沸草。

大黃

連翹連。

射干音夜。

篇蓄

苦參

牽牛子

葶藶

澤蘭地笋。益苾草。

葫蘆巴

葶藶葶。

預知子

菴燕

鶴蟲

酸醬實

石草○尾

海金沙

海藻○海帶

常山○蜀

井遂

白欬

白芨

白附子

白頭翁

商陸

王不留行

蒲公英○即地

穀精草

早蓮草

金星草

佛耳草

燈籠草

三白草

燈心草○燈

蛇含草○女

水紅草○即天蓼○馬

毛蓼○白

山茨菇根

山豆根

萱草根○即鹿葱

蘆根○蓬

菰根

苧根

羊蹄根

芫花○蜀

莢花

貫衆

鳧茨

水萍

大戟○澤

蚤休○一名紫

蘭茹○草

衛矛○一名鬼

狼毒

淫羊藿○即仙

羊躑躅

藜蘆

黃芩○音

續隨子○一名千

葶麻子

葶撥

鬼臼

乾苔○屋遊○垣衣○陟釐○土馬駭

鬼督郵

蜀葵花○黃蜀

大青○小

王瓜

卷四木部

桂○崩桂○牡桂○官桂○木桂○筒桂

栢實○板桂○柳桂○肉桂○桂枝○桂心

淡竹葉○敗船茹○竹瀝○竹

松脂○根白皮

黃蘗皮○黃

黃蘗○黃

天竺黃○仙人杖

天竺黃○仙人杖

茯苓神

琥珀瑩

墨

槐實

枳實枳殼

女貞實白蠟

棟實

蕤核

厚朴

桑根白皮

秦皮桑寄生

樗根白皮白椿皮

榆皮

枸杞子地骨皮

海桐皮

山梔子

杜仲

辛荑

酸棗

接骨木折傷木

山茱萸

合歡

蔓荆實

木槿

伏牛花

紫葳即凌霄花

牡荊實荊

猪苓

茶茗

南燭枝葉

烏藥一名旁其

乾漆生漆

蜀椒秦椒 崖椒 蔓椒

吳茱萸

蜜蒙花

鈎藤

檳榔

大腹子支

皂莢

櫻櫚子

五倍子藥煎

巴豆

蘇方木

訶黎勒

麒麟竭一名血竭

楓香脂

一名白膠香。大楓子。楓菌。

檀香紫真檀香。降真香。

沉香

棧香。煎香。雞骨香。馬蹄香。牛頭香。

龍腦香即冰片。龍腦油。膏香。

安息香

蘇合香

胡桐淚

乳香

丁香

燕萸

阿魏

蘆薈

沒食子

沒藥

木鱉子

使君子即無食子

雷丸

杉材

柳花

卷五穀部

粳米

陳廩米。籼米。秈米。秠米。秠稗。秠頭糠。秠穗。

小麥米

浮小麥。大麥。薛米。

蕎麥米

粟米

秣米。陳粟米。諸粟米。黍米。稷米。新粟米。

鴛粟米

雜穀米

菑子米。稗子米。東廬米。漆。草子米。蠶子米。

生大豆

赤小豆

莢豆。豌豆。刀豆。筋豆。蛾眉豆。虎爪豆。羊。豆。

眼豆

白扁豆

白油麻

胡麻

火麻

神麩

酒

醋

醬

飴糖

漿水

卷六菜部

冬葵子

生薑

白芥

紫芥

萊菔根

葱

韭

薤

葫

甜瓜

白冬瓜

蕨

瓠

茄子

蕨

苧實

胡荽

水蘓

卷七菓部

青橘皮

桃核仁

杏核仁

木瓜實

梅實

梨

大棗

柿

栗

安石榴

椰子

荔枝肉

龍眼肉

榧

枇杷葉

郁李仁

蓮子

鷄頭

甘蔗

覆盆子

金櫻子

山查子

葡萄

橄欖

白菓

胡桃肉

圖象本草卷之五

卷八石部

玉屑玉泉

瑪瑙琉璃

丹砂水銀

靈砂琅玕

雲母起石

禹餘糧石中黃子

紫白石英青

石膏即翠

空青曾青

雄黃

雌黃

赤石脂

凝水石即寒水石

石鍾乳

代赭石

井泉石

花蓋石

青礞石

滑石

礬石白礬

磁石玄石

石鱗石蛇

金屑諸金

銀屑諸銀

鉛鉛母

赤銅屑白銅

自然銅

鐵諸鐵

朴硝芒硝

石風化

砒礪

蓬砂一名

礪砂

食鹽或鹽

諸水

伏龍肝銅底墨

梁上塵一名烏龍

卷九獸部

虎豹

象牙齒

白馬脛眼齒

牛黃諸皮

象牙齒

阿膠

猪膚諸物

野猪黃江猪

熊脂熊膽

鹿茸麋

犀角諸

羖羊角諸

羚羊角

牡狗陰脛諸

狐陰脛狸

麝香

獾肝諸

膾臍臍



卷十禽部

鷓鴣

兔頭骨

丹雉鷄

雌鷄

雉

白鴨屎

野鴨肉

白鵝膏

鴈肪

鴿肉

鷺屎

雀卵

卷十一蟲魚部

伏翼

蛤蚧

牡鼠

螻蛄

石蜜

露蜂房

蚱蟬

五靈脂

斑蝥

蝸牛

蝮

蜘蛛

木蚤

白殭蠶

蠶絲

桑螵蛸

蜈蚣

白頸蚯蚓

蟾蜍

鼈甲

白花蛇

龜甲

蛤蜊

文蛤

真珠

瓦礫子

貝子

牡蠣

水蛭

龍骨

田螺

鯽魚

鱧魚

鯉魚

河豚魚

鱧魚

烏賊魚

鱈魚

卷十二人部

紫河車

人乳汁

髮髮

人糞

人牙齒

人溺

人牙

人溺

天靈蓋死屍

浣裙汁婦人禪帶故屍枕

草部一百九十八種附名者八十種

木部七十一種附名者四十二種

穀部一十八種附名者三十四種

菜部一十六種附名者一十六種

果部二十六種附名者八種

石部四十二種附名者四十四種

獸部二十一種附名者七種

禽部九種附名者七種

蟲魚部三十七種附名者三十五種

人部九種附名者二十二種

總共七百四十二種

圖像本草蒙筌總論

出產擇地土

凡諸草木昆蟲各有相宜地產氣味功力自異尋常諺云一方風上  
 養萬民是亦一方地土出方藥也攝生之士寧幾求真多憚遠路  
 艱難惟採近產克代殊不知一種之藥遠近雖生亦有可相代用  
 者亦有不可代用者可代者以功力緩緊略殊儻倍加猶足去病  
 不可代者因氣味純駁大異若妄餌反致損人故本經謂參耆雖  
 種異治同而芎歸則殊各治足微矣他如齊州半夏華陰細辛銀  
 夏柴胡甘肅枸杞茅山玄胡索蒼朮懷慶乾山藥地黃欬白朮綿  
 黃耆上黨參交趾桂每擅名因地故以地冠名地勝藥靈視斯益  
 信又宜山谷者難混家園所栽芍藥牡丹皮為然或宜家園者勿  
 雜山谷自產菊花桑根皮是爾云在澤取滋潤澤傍匪止澤蘭葉

也。云在石求清潔。石上豈特石菖蒲乎。東壁土及各樣土至微。用亦據理。千里水。併諸般水。極廣。烹必合宜。總不悖於圖經。纔有益於藥劑。書曰。慎厥始。圖厥終。此之謂夫。

採按時月

草木根梢採惟宜。秋末春初。春初則津潤始萌。未克枝葉。秋末則氣汁下降。悉歸本根。今卽事驗之。春寧宜早。秋寧宜遲。尤盡善也。莖葉花實。四季隨宜。採未老枝莖。汁正克溢。摘將開花莖。氣尚包藏。實收已熟。味純。葉採新生。力倍。入藥誠妙。治病方靈。其諸玉石禽獸蟲魚。或取無時。或收按節。亦有深義。匪爲虛文。並各遵依。此恣孟浪。

藏留防耗壞

凡藥藏貯。宜常隄防。儻陰乾燥。乾烘乾未盡。去濕則蛀蝕。微垢朽爛。

不免爲殃。當春夏多雨水浸淫。臨夜晚。或鼠蟲嚙耗。心力弗憚。遂月堪延。見雨久着。火頻烘。遇晴日向。日旋曝。簷糙懸架上。細膩貯罈中。人參須和細辛。冰片必同燈草。本經云和糯米炭相思。同藏亦不耗蝕。麝香宜蛇皮裹。硼砂共菉豆收。生薑擇老砂藏。山藥候乾。灰窖。沉香真檀香甚烈。包紙須重。繭水臘雪水至靈。埋窰宜久。類推。隅反。不在悉陳。庶分兩不致耗。輕抑氣味。盡得完具。辛烈者免走泄。甘美者無蛀傷。陳者新鮮。潤者乾燥。用斯主治。何慮不靈。

貿易辯假真

藥自藥。貿易多在市家。辯認未精。差錯難免。諺云。賣藥者兩隻眼。用藥者一隻眼。服藥者全無眼。非虛語也。許多欺罔。略舉數端。鍾乳令白醋煎。細辛使直水清。當歸酒灑取潤。枸杞蜜伴爲甜。蝶蛸膠於桑枝蜈蚣。硃其足赤。此將歹作好。仍以假亂真。齊芫指人參。木通

混防已。古壙灰云死龍骨。首蓿根謂土黃耆。麝香搗荔枝攪。霍香  
採茄葉襍。研石膏和輕粉。收苦蕒當菊花。薑黃言鬱金。土當稱獨  
滑。小半夏煮黃為玄胡索。嫩松梢鹽潤為肉菴蓉。金蓮草根鹽草  
豆蔻將草仁克。南木香以西呆抵。煮鷄子及鱈魚枕造琥珀。熬廣  
膠入蕎麥麵。黑炒作阿膠。枇杷蓋代款冬。驢脚骨捏虎骨。松脂攪麒  
麟竭。番硝插龍腦香。桑根白皮。株榦者豈真。牡丹根皮。枝梗者安  
是。如斯之類。巧詐百般。明者竟叱其非。庸下其受其侮。本資卻病  
反致殺人。雖上天責報於冥冥中。然倉卒不能察實。或誤歸咎於  
用藥者之錯。亦常有也。此誠大關緊要。非比小節尋常。務考究精  
詳。辯認的實。修製治療。庶免乖違。

咀片分根梢

言人口咬碎。故稱咬咀。今以刀代之。惟憑剉用。猶曰咀片。不忘本源  
諸藥剉時。須要得法。或微水溲。或略火烘。濕者候乾。堅者待潤。纔  
無碎末。片片薄勻。狀與花瓣相侔。合成方劑。起眼。仍忌剉多。留久  
恐走氣味。不靈旋剉。應人。速能求効。根梢各治。尤勿混淆。生苗向  
上者為根。氣脉行上。入土垂下者為梢。氣脉下行。中截為身。氣脉  
中守。上焦病者用根。中焦病者用身。下焦病者用梢。蓋根升梢降  
中守不移故也。

製造資水火

凡藥製造。貴在適中。不及則功效難求。太過則氣味反失。火製四。有  
煨。有炮。有炙。有炒。之不同。水製三。或漬。或泡。或洗。之弗等。水火共  
製造者。若蒸若煮。而有二焉。餘外製。雖多端。總不離此二者。匪故  
巧弄。各有意存。酒製升提。薑製發散。入鹽走腎臟。仍使軟堅。用醋  
注肝經。且資住痛。童便製。除劣性降下。米泔製。去燥性和中。乳製

滋潤回枯助生陰血蜜製甘緩難化增益元陽陳壁土製竊真氣  
驟補中焦麥麩皮製抑酷性勿傷上膈烏豆湯甘草湯漬曝並解  
毒致令平和羊酥油猪脂油塗燒咸滲骨容易脆斷有剗去瓢免  
脹有抽去心除煩大槩具陳初學熟玩。

治療用氣味

治療貴方藥合宜方藥在氣味善用氣者天也氣有四溫熱者天之  
陽寒涼者天之陰陽則升陰則降味者地也味有六辛甘淡者地  
之陽酸苦鹹者地之陰陽則浮陰則沉有使氣者有使味者有氣  
味俱使者有先使氣後使味者有先使味後使氣者不可一例而  
拘有一藥兩味或三味者有一藥一氣或二氣者熱者多寒者少  
寒不爲之寒寒者多熱者少熱不爲之熱或寒熱各半而成溫或  
溫多而成熱或涼多而成寒不可一途而取又或寒熱各半晝服

之則從熱之屬而升夜服之則從寒之屬而降至於晴日則從熱  
陰雨則從寒所從求類變化猶不一也仍升而使之降須其抑也  
沉而使之浮須其載也辛散也其行之也橫甘緩也其行之也上  
苦瀉也其行之也下酸收也其性縮鹹軟也其性舒上下舒縮橫  
之不同如此合而用之其相應也正猶鼓掌成聲沃水成沸二物  
相合象在其間也有志活人者宜於是而取法。

藥劑別君臣

諸藥合成方劑分兩各有重輕重者主病以爲君輕者爲臣而佐助  
立方之法倣此纔靈往往明醫不踰矩度如解利傷風風宜辛散  
則以防風味辛者爲君白朮甘草爲佐若解利傷寒寒宜甘發又  
以其草味甘者爲主防風白朮爲臣痰瘧寒熱往來君柴胡葛根  
而佐陳皮白朮血痢腹痛不已君芍藥甘草而佐當歸木香大便

瀉類。茯苓炒白朮為主。芍藥甘草佐之。下焦濕盛。防已草龍膽爲主。蒼朮黃柏佐之。眼暴赤腫。黃芩黃連君也。佐以防風當歸。小便不利。黃柏知母君也。佐以茯苓澤瀉。諸瘡疹。金銀花爲主。多熱佐梔子連翹。多濕佐防風蒼朮。諸欬嗽。五味子爲主。有痰佐陳皮半夏。有喘佐紫苑阿膠。如是多般。難悉援引。惟陳大要。餘可例推。又恐本草各條。亦以君臣例載。名雖無異。義實不同。彼則以養命之藥爲君。養性之藥爲臣。治病之藥爲使。優劣勻分。萬世之定規也。此則以主病之藥爲君。佐君之藥爲臣。應臣之藥爲使。重輕互舉。一時之權宜也。萬世定規者。雖前聖復起。猶述舊弗遠。一時權宜者。固後學當宗。貴通變無泥。醫家活法。觀此可知。

四氣

凡稱氣者。是香臭之氣。其寒熱溫涼。是藥之性。且如鴛條中云。白鵝

脂性冷。不可言其氣冷也。况自有藥性論。其四氣。則是香臭腥臊。故不可以寒熱溫涼配之。如蒜阿魏鮑魚汗襪。則其氣臭。鷄魚鴨蛇。則其氣腥。狐狸腎。白馬莖。近陰處。人中白。則其氣臊。沉檀腦麝。則其氣香。如此方。可以氣言之。其古本序例中。併各條內氣字。恐或後世誤書。當改爲性字。于義方允。仍寒熱溫涼四性。五味之中。每一味各有此四者。如辛之屬。則有硝石。石膏。乾薑。桂附。半夏。細辛。薄荷。荆芥之類。甘之屬。則有商陸。苦酒。硫黃。烏梅。五味子。木瓜。芍藥之類。苦之屬。則有大黃。枳實。厚朴。酒糯米。白朮。麻黃。竹茹。梔子之類。鹹之屬。則有澤瀉。犀角。陽起石。皂莢。文蛤。白華。水蛭。牡蠣之屬。此雖不足以盡舉。大抵五味之中。皆有四者也。

五味

天地既判。生萬物者。惟五氣耳。五氣定位。則五味生。五味生。則千變

萬化不可窮已。故曰：生物者氣也。成之者味也。以竒生則成而耦以耦生則成而竒。寒氣堅，故其味可用以熯；熱氣熯，故其味可用以堅；風氣散，故其味可用以收；燥氣收，故其味可用以散。土者中氣所生，無所不和，故其味可用以緩；氣堅則壯，故苦可以養氣；脈熯則和，故鹹可以養脈；骨收則強，故酸可以養骨；筋散則不攣，故辛可以養筋；肉緩則不壅，故甘可以養肉。堅之而後可熯，收之而後可散，欲緩則用甘，不欲則弗用。用之不可太過，太過亦病矣。治疾者，不通乎此，而能已人之疾者，吾未之信焉。

七情

有單行者，不與諸藥共劑，而獨能攻補也。如方書所載獨參湯、獨桔湯之類是爾。有相須者，二藥相宜，可兼用之也。有相使者，能為使卒引達諸經也。此二者不必同類，如和羹調食，魚肉葱豉各有宜

合共相宜，發是爾。有相惡者，彼有毒而我惡之也。有相畏者，我能而彼畏之也。此二者不深為害，蓋我雖惡彼，彼無忿心，彼之畏我，我能制伏。如牛黃惡龍骨，而龍骨得牛黃更良；黃耆畏防風，而黃耆得防風其功愈大之類是爾。有相反者，兩相讐隙，必不可使和合也。如畫家用雌黃、胡粉相近，便自黧，妬粉得雌則黑，黃雌得粉亦變之類是爾。有相殺者，中彼藥毒，用此即能殺除也。如中蛇虺毒，必用雄黃，中雄黃毒，必用防己之類是爾。凡此七情共劑，可否一覽即瞭然也。或云藥有五味，以通五臟：肝藏魂而有怒，一也；肺藏魄而有憂，二也；心藏神而有喜，三也；脾藏意與智而有思，五也；腎藏精與志而有恐，七也。五味以治五臟，通有七情也。

七方

大君一，臣三，佐九，制之大也。

其用有二。一則病有兼證。邪氣不專。不可以一二味治之。宜此大方之類是也。二則治腎肝在下而遠者。宜分兩多。而頓服之是也。小君一。臣二。佐四。制之小也。

其用有二。一則病無兼證。邪氣專一。不可以多味治之。宜此小方之類是也。二則治心肺在上而近者。宜分兩少。而頻服之是也。

緩治主當緩。補上治上。制以緩。凡表裏汗下。皆有所當緩。緩則氣味薄。薄者則頻而少服也。

其用有五。有甘以緩之。為緩方者。蓋糖蜜棗葵甘草之類。取其戀膈故也。有丸以緩之。為緩方者。蓋凡此湯散藥力行遲故也。有品味群眾之緩方者。蓋藥味眾多。各不能勝其性也。有無毒治病之緩方者。蓋藥無毒。則攻自緩也。有氣味薄之緩方者。蓋氣藥味薄。則常補上。比至其下藥力已衰。此補上治上之法也。

急治客當急。補下治下。制以急。凡表裏汗下。皆有所當急。急則氣味厚。厚者則頓而多服也。

其用有四。有熱盛攻下之急方者。謂熱燥前後閉結。譫妄狂越。宜急攻下之類是也。有風淫疎滌之急方者。謂中風口噤不省人事。宜急疎滌之類是也。有藥毒治病之急方者。蓋藥有毒。攻擊自速。服後上涌下瀉。奪其病之大勢者是也。有氣味厚之急方者。蓋藥氣味厚。則直趨下。而力不衰。此補下治下之法也。

奇君一。臣二。奇之制也。近者奇之。下者奇之。凡在陽分者。皆為之奇也。

其用有二。有藥味單行之奇方者。謂獨參湯之類是也。有病近而宜用奇方者。謂君一。臣二。君二。臣三。數合於陽也。故宜下之。不宜汗也。  
王安導曰。奇方力寡而微。凡下宜奇者。謂下本易行。故宜之。偶則藥毒內攻太過也。



偶 君二臣四。偶之制也。遠者偶之。汗者偶之。凡在陰分者。皆為之偶也。

其用有三。有兩味相配之偶方者。謂沉附湯之類是也。有兩方相合之偶方者。謂胃苓湯之類是也。有病遠而宜用偶方者。謂君二臣四。君四臣六。數合於陰也。故宜汗之。不宜下也。王安導曰。偶方宜偶者。謂汗或難出。故宜之。奇則藥氣外發不足也。

奇與偶有味之奇偶。有數之奇偶。並當察之。則不失其寒溫矣。天之陽分為奇。假令升麻湯。升而不降也。亦謂之奇。以其在天之分也。

汗從九地之下。假令自地而升天。非苦無以至地。非溫無以至天。故用苦溫之劑。從九地之下。發至九天之上。故為之偶。地之陰分為偶。假令調胃承氣湯。降而不升也。亦謂之偶。以其在地之分也。

下從九天之上。假令自天而降地。非辛無以至天。非涼無以至地。故用辛涼之劑。從九天之上。引至九地之下。故為之奇。

複 奇之不去。複以偶。偶之不去。複以奇。故曰複。複之再也。重也。潔古云。十補一瀉。數瀉一補。所以使不失通塞之道也。

其用有二。有二三方相合之為複方者。如桂枝二越婢一湯之類。是也有分兩勻同之為複方者。如胃風湯。各等分之類是也。又曰重複之複。二三方相合而用也。反複之複。謂奇之不去。則偶之是也。

### 十劑

宜 可去壅。薑橘之屬是也。故鬱壅不散。宜宣劑以散之。

有積痰上壅。有積瘀上壅。有積食上壅。有積飲上壅。

宣湧吐之劑也。經曰。高者因而越之。又曰。木鬱則達之。以病在上而湧吐之也。若瓜蒂散。薑鹽湯。人參蘆薈蘆之屬。

通 可去滯。通草防已之屬是也。故留滯不行。宜通劑以行之。此中

汗 痺留也。飲留也。痛亦留也。

補 可去弱。人參羊肉之屬是也。鹿肉亦可。故羸弱不足。宜補劑以扶之。

有氣弱。有血弱。有氣血俱弱。

補滋補之劑也。不足為虛。經云虛則補之。如氣虛用四君子湯。血虛用四物氣血俱虛用八珍十全大補之屬。又云精不足者。補之以味。蓋藥味酸苦其辛鹹各補其臟。故此為云。雖然善攝生者。使病去而進。以五穀此尤得補之要也。

瀉 可去閉。葶藶大黃之屬是也。故閉結有餘。宜瀉劑以下之。

有閉在表。有閉在裏。有閉在中。

滑 可去着。冬葵子榆白皮之屬是也。故澁則氣着。宜滑劑以利之。

有經澁。有小便澁。有大便澁。

瀉滑利之劑也。周禮曰滑以養窶。如大便結燥。小便淋澁。用大麻仁郁李仁冬葵子滑石之屬。

澁 可去脫。牡蠣龍骨之屬是也。故滑則氣脫。宜澁劑以收之。

前脫者遺尿。後脫者遺尿。陽脫者自汗。陰脫者失精。失血。澁收斂之劑也。如大便頻瀉宜肉豆蔻訶子之屬。小便勤通宜桑螵蛸益智之屬。冷汗不禁宜黃耆麻黃根之屬。精遺不固宜龍骨牡蠣之屬。血崩不止宜地榆阿膠之屬。

燥 可去濕。桑白皮赤小豆之屬是也。桑豆亦可。故濕則為重。宜燥劑以

除之。有濕在上。有濕在中。有濕在下。有濕在經。有濕在皮。有

濕在裏。

燥除濕之劑也。如夾食致瀉。停飲成痰。宜白朮蒼朮茯苓半夏之屬。肢體浮腫胸腹脹滿。宜桑白皮大腹皮赤小豆之屬。又沉寒痼冷。吐利腥穢。宜高良薑附子川椒之屬。非積寒冷之症。不可用也。

濕 可去枯。紫石英白石英之屬是也。故枯則為燥。宜濕劑以潤之。

有減氣而枯。有減血而枯。

濕潤燥之劑也與滑雖類略有不同經曰辛以潤之蓋辛能散氣能化液故也若夫硝石性雖鹹本屬真陰之水誠潤燥之要藥人有枯涸絀竭之病匪獨金化為然亦有火化乘之非濕劑莫能愈也

重 可去怯磁石鐵粉之屬是也故怯則氣浮宜重劑以鎮之

神志失守驚悸不寧

重鎮固之劑也如小兒急驚心神昏冒宜金銀箔珠砂丸之屬傷寒下利不止心下痞硬利在下焦宜赤石脂禹餘糧湯之屬

輕 可去實麻黃葛根之屬是也故實而氣蘊宜輕劑以揚之

腠理閉悶噎塞中蘊

輕散揚之劑也如寒邪客于皮膚頭疼身熱無汗宜麻黃湯升麻葛根湯之屬

五用

湯 煎成清液也補須要熟利不嫌生並先較定水數煎蝕多寡之

不同耳去暴病用之取其易升易散易行經絡故曰湯者盪也

治至高之分加酒煎去濕加生薑煎補元氣加大棗煎發散風寒

加葱白煎去膈病加蜜煎止痛加醋煎凡諸補湯渣滓兩劑併合

加原水數復煎待執飲之亦敵一劑新藥其發表攻裏二者惟前

項藥取効不必煎渣也從緩從急之不同故爾

膏 熬成稠膏也藥分兩須多水煎熬宜久渣滓復煎數次絞聚濃

汁以熬成爾去久病用之取其如飴力大滋補膠固故曰膏者膠

也

可服之膏或水或酒隨熬滓猶酒煮飲之可摩之膏或油或醋隨

熬滓宜搗敷患處此蓋兼盡藥力也

散 研成細末也宜旋製合不堪久留恐走泄氣味服之無効爾去

急病用之不循經絡只去胃中及臟腑之積故曰散者散也

氣味厚者白湯調服氣味薄者煎熟和粗服

丸 作成圓粒也治下焦疾者如梧桐子大治中焦疾者如菉豆大

治上焦疾者如米粒大因病不能速去取其舒緩逐旋成功故曰九者緩也。

用水丸者或蒸餅作稀糊丸者取至易化而治上焦也。用稠麩糊丸者或飯糊丸者取略遲化能達中焦也。或酒或醋丸者取其收散之意。犯半夏南星欲去濕痰者以生薑自然汁作稀糊為丸亦取其易化也。神麩糊丸者取其消食。山藥糊丸者取其遲化而氣循經絡。蠟丸者取其難化能固護藥之氣味勢力全備。直過膈而作効也。

漬酒 漬煮酒藥也。藥須細剉。絹袋盛之。入酒罐密封。如常法煮熟。地理日久。氣烈味濃。早晚頻吞。經絡速達。或攻或補。並著奇功。滓漉出曝乾。微搗末別漬。力雖稍緩。服亦益人。為散亦佳。切勿傾棄。補虛損證宜少飲。旋取効。攻風濕證宜多飲。速取効。

### 修合條例

古之方劑。錙銖分兩。與今不同。云一升。即今之大白盞也。云兩銖者。六銖為一分。即今二錢半。二十四銖為一兩也。云三兩。即今之二兩。云一兩。即今之六錢半。

凡散藥有云刀圭者。十分方寸七之一。准如梧子大也。方寸七者。作七正方。一寸抄散。取不落為度。錢五七者。今五銖錢邊五字者。以抄之一撮者。四刀圭也。十撮為一勺。

凡丸藥。云如細麻者。即胡麻也。如黍粟亦然。以十六黍為一大豆。如大麻子者。准三細麻也。如胡豆者。即今之青斑豆也。以二大麻子准之。如小豆者。今赤小豆。如大豆者。以二小豆准之。如梧桐子者。以二大豆准之。

凡煮湯欲微火。令小沸。其水數依方多少。大略二十兩藥。用水一斗。

煮取四升。以此為隄。然利湯欲生少水而多取汁。補湯欲熟多水而少取汁。

凡湯中用芒硝。飴糖。阿膠。須候湯熟。絞淨清汁。方納于內。再上火兩三沸。烺盡乃服。

凡湯中加酒醋。童便。竹瀝。薑汁。亦候湯熟。絞汁盞內。加入便服。

凡湯中用沉香。木香。乳香。沒藥。一切香竄藥味。須研細末。待湯熟。先傾汁。小盞內調服訖。然後盡飲。

凡丸散藥。亦先咀細片。曝燥。纔依方派輕重。稱淨分兩和勻。共磨研細末。其天門冬。地黃。葷。濕潤難乾者。冬春略增。蝕數搗。地黃。秋亦同。眾藥曝燥磨之。

凡篩丸藥末。用重密絹令細。若篩散草。藥用輕疎絹。其丸藥。研磨者。雖已篩細。和諸藥末。又必重複篩過。庶色理和。同為佳。

凡丸藥用蜜。每藥末一斤。則用蜜十二兩。文火煎煉。掠去沸沫。令色焦黃。滴水成珠為度。再加清水四兩和勻。如此丸成。庶可爆乾。經久不爛。

凡藥末入蜜和勻。須令力士。於石春內杵搗千百。自然軟熟。容易丸成。不然或散或粘。在手弗妙。一應作糊合者。亦做此式。勿違。

凡通大便丸藥。或有巴豆。或加硝黃丸成者。必用川蠟。熔化為衣。取其過膈不化。能達下焦。脾胃免傷。誠為良法。儻人體氣壯實。毋以此拘。

凡丸藥。或用硃砂末。或用金銀箔為衣飾者。必須丸成。乘濕粘上。

服餌先後

凡病在胸膈以上者。先食後服藥。病在心腹以下者。先服藥而後食。病在四肢血脈者。宜空腹而在。且病在骨髓者。宜飽滿而在。夜在。

病在四肢血脈者。宜空腹而在。且病在骨髓者。宜飽滿而在。夜在。

上者不厭頻而少在下者不厭頓而多。少服則滋榮于上。多服則  
嘔補于下。

各經主治引使

治寒

肝氣吳茱萸  
血當歸

心氣桂心  
血同

脾氣吳茱萸  
血同

肺氣麻黃  
血乾薑

腎氣細辛  
血附子

膽氣生薑  
血川芎

大腸氣白芷  
血秦艽

小腸氣茴香  
血玄胡

三焦氣黑附子  
血川芎

膀胱氣麻黃  
血桂枝

包絡氣附子  
血川芎

治熱

肝氣柴胡  
血黃芩

心氣麥門冬  
血黃連

脾氣白芍藥  
血生地黃

肺氣石膏  
血梔子

腎氣玄參  
血黃柏

膽氣連翹  
血柴胡

胃氣葛根  
血大黃

三焦氣連翹  
血地骨皮

膀胱氣滑石  
血黃柏

大腸氣連翹  
血大黃

小腸氣赤茯苓  
血木通

包絡氣麥門冬  
血牡丹皮

治勞

肝當歸  
柴胡

心生地黃  
黃連

脾芍藥  
木瓜

治熱

肺桑白皮  
石膏

腎生地黃  
知母

膽柴胡  
枳實

胃石膏  
硝石

三焦石膏  
竹葉

膀胱滑石  
澤瀉

大腸大黃  
硝石

小腸赤茯苓  
木通

治風

肝川芎

心細辛

脾升麻

肺防風

腎獨活

胃升麻

三焦黃芪

膀胱羌活  
滑石

大腸白芷

小腸藜蘆

包絡川芎

治濕

肝白朮

心黃連

脾白朮

肺桑白皮

腎澤瀉

胃白朮

三焦陳皮

膀胱茵陳

大腸秦艽

小腸車前

包絡菖蒲

治燥

肝當歸

心麥門冬

脾麻仁

治燥 肝 當歸 心 麥門冬 脾 麻仁

圖傳本草家客

肺 杏仁

腎 栢子仁

三焦 山藥

膀胱 茴香

大腸 硝石

小腸 茴香

包絡 桃仁

用藥法象

形 金木水火土 真假 輕枯虛薄緩淺假宜治上

色 青赤黃白黑 深淺 重潤實厚急深真宜治下

性 寒濕溫涼平 急緩 其中平者宜治中餘隨臟

味 辛酸鹹苦甘 厚薄 腑所宜處方

體 虛實輕重平 枯潤

畢

# 歷代名醫圖姓氏

按唐甘伯宗撰歷代名醫自三皇始而迄於唐繪列成圖宋許慎齋又錄唐及五季末金數代之人如通真子劉元賓潔古老人張元素等序次以續伯宗所作名之曰歷代名醫探源報本之圖然窮其圖雖顯名醫之名而無傳文可攷未免不無年代差譌姓名各別之患如趙宋之王纂列於南宋大唐之蘇恭贅於南梁范汪作范汪

圖象

卷

伏義皇帝



孝崇作孝宗之類。覽者莫不狐疑。予不揣庸愚。固知固陋。竊以前圖詳加校訂。訛者正之。闕者補之。間嘗討尋史子。百氏諸醫方書。作為傳義。以發明行事之實。復以元人禪續於後。倘或搜求未及。而姑缺之名之曰醫學源流。附載於醫書大全卷首。斯乃圖繪名相。具載傳文。餘則惟具姓氏而已。名之曰原。醫圖倘要窮究其出處事實。則詳見源流本傳云。

成化丙申春二月勿聽子鰲峰熊宗立識



○太昊伏羲氏風姓。代燧人氏而王。蛇身人首。始畫八卦。造書契。以代結繩之政。制嫁娶。以儷皮為禮。結網罟。教佃漁。養犧牲。以庖厨。故曰庖犧。

歷代名醫圖贊曰

茫茫上古

世及庖犧

始畫八卦

爰分四時

究病之源

以類而推

神農之降

得而因之

神農炎帝



軒 轅 黃 帝



○炎帝神農氏姜姓。人身牛首。繼風姓而立。火德王。斲木為耜。揉木為耒。始教耕作。以耨鞭。鞭草木嘗之。始興醫。教劉安云。神農嘗百草。滋味一日而七十毒。由是醫方興焉。益上世未著文字。師學相傳。謂之本草。

歷代名醫圖贊曰

仰惟神農

植藝五穀

斯民有生

以化以育

慮及天傷

復嘗草木

民到於今

悉沾其福

○黃帝姓公孫名軒轅又曰有熊國君少典之子。炎帝世衰。諸侯相征伐。軒轅乃習干戈。以征不享。平定天下。殄滅蚩尤。以土德王天下。內經素問序云。安不忘危。存不忘亡。救民之瘼。恤民之隱者。往聖之用心也。在昔黃帝之御極。以理身緒餘。治天下。坐明堂之上。臨觀八極。考建五常。以謂人之生也。負陰而抱陽。食味而被色。外有寒暑之相盪。內有喜怒之交侵。天昏扎瘡。國家代有。將欲斂時五福。以敷錫厥庶民。乃與岐伯等。上窮天紀。下極地理。遠取諸物。近取諸身。更相問難。垂法後世。於是雷公之倫。受業傳之。而內經作矣。

歷代名醫圖贊曰

偉哉黃帝

聖德天授

岐伯俞跗

以左以右

導養精微

日窮日究

利及生民

勿替于後

天師岐伯



○素問內經問答岐伯為黃帝之師。故稱之曰天師。岐伯全元起註素問內經有曰。素者本也。問者黃帝問於岐伯也。方陳性情之源。五行之本。故曰素問。又曰三皇時有儗貸季。為岐伯祖世之師。理色脉而通神明之妙。

歷代名醫圖贊曰

天師岐伯

善答軒轅

製立素問

始顯醫源

# 太乙雷公



○黃帝坐明堂。救生民之瘼。恤民之隱。大聖之用心也。故引雷公問。拯濟生靈之道。雷公對曰。誦而頗能解。解而未能明明。而未能彰。黃帝因而授之。事見素問內經十二卷。著至教論篇。由是雷公醫道益著。有炮炙論。其序載在本草云。公姓雷名敷。

歷代名醫圖贊曰

太乙雷公

醫藥之宗

灸燻炮製

千古無窮

神應王扁鵲



秦越人號扁鵲盧國渤海人得素問靈樞之旨設  
為問答作八十一難以釋疑義其間榮衛度數  
尺寸部位陰陽王相藏府虛實脉法證病與夫  
經絡流注針刺俞穴莫不該備為醫之祖焉

○傳曰扁鵲少為舍長舍客長桑君過扁鵲奇之常  
善遇之長桑君曰我有藥方年老欲傳與子乃  
出懷中方飲以上池之水三十日當知物矣扁  
鵲如其言從此視病盡見五臟之癥結一日見  
齊桓侯曰君疾在腠理侯曰寡人無疾後五日  
復見曰君疾在血脉又五日復見曰君疾在腸

胃。又五日望見桓侯曰。疾居腠理。湯熨之所及。在血脉。針石之所及。在腸胃。酒醪之所及。今在骨髓。雖司命無奈之何。後數日。侯疾作。扁鵲逃去。侯遂薨。然則學未至醫。可易言哉。

歷代名醫圖贊曰

秦神扁鵲

精研醫藥

編集難經

古今欽若

倉公淳于



醫聖張仲景



○太倉令淳于意。精窮醫道。齊王太后病。召意入診。脉曰。風痺客肘。難於大小便。溺赤。意飲以火齊。湯一飲。即前後溲通。再飲。病已。溺如故。病得之。流汗出。滌者。去衣而汗稀也。所以知太后病者。診其脉。切其太陰之口。溼然。風氣也。脉大而躁大者。膀胱氣也。躁者。中有熱而弱。赤見。史記本傳。

歷代名醫圖贊曰

漢淳于意

時遇文帝

封贈倉公

名傳萬世



良醫華佗



○漢長沙太守張機字仲景南陽人醫中之亞聖作藥性神農本經為傷寒論垂萬世不易之法然後醫乃大備先聖後聖若合符節至晉王叔和以仲景之書撰次成叙得成全帙遂為眾方之祖雜病未見其書或於諸方中載其一二矣如金匱方要亦有遺意焉

歷代名醫圖贊曰

漢張仲景

傷寒論證

表裏實虛

載名亞聖

○魏華佗善醫。史記魏志曰。甘陵相夫人有娠腹痛不安。方得六月。名佗診視脉曰。胞已死矣。使人手摸知所在。在右則女。在左則男。其人曰在左。於是為湯下之。果下男形而愈。又有人病腹中攻痛十有餘日。鬢髮皆墮落。名佗診視。佗曰。是脾之半腐。可以剗腹治之。使病者飲湯藥令穩臥。以刀破腹而不覺痛。既視脾果半腐壞。以刀斷之。割去惡肉。然後以膏傅之。而以藥線縫之。數日即瘡。魏太祖聞而異之。名佗常在左右。太祖一日苦頭風。每發作心亂目眩。佗針其鬢。其疾應針。隨手而愈。漢魏已來。名醫益眾。張機華佗輩。始因古學。附以新說。通為編述。本草由是見於經錄。然舊經方三卷。藥品止三百六十五種。謂之神農本草經云。

歷代名醫圖贊曰

魏有華佗

設立瘡科

剔骨療疾

神効良多

太醫王叔和



○王叔和，西晉高平人也。為太醫令。性度沉靜，博通經史，窮研方脈精意，診切尤好著述。洞識修養之道。撰《脈經》十卷、《脈訣》四卷、《脈賦》一卷。仲景作《傷寒論》，錯簡遺叔和，撰次成序，得成全書。其行事具在唐甘伯宗《名醫傳》中。

歷代名醫圖贊曰

晉王叔和

方脈之科

撰成要訣

普濟沉痾

皇 甫 士 安



○皇甫謐字士安西晉時人號玄晏先生博通古今聚書萬卷精究方脉深於醫廣湯液作甲乙經

歷代名醫圖贊曰

皇甫士安

經言甲乙

治法千般

造化寔難

抱樸子葛洪



東晉葛洪字稚川丹陽人仕晉為勾漏令善為治政覽究典籍尤好神仙導養之法隱居羅浮山鍊丹得仙號曰葛仙翁在山積年優游閒養著述不輟撰經効方三卷名曰肘後救卒方又曰肘後備急方自號抱樸子因以名書云終年八十一殞歛後舉輕發棺視之惟衣而已世以為屍解云。

歷代名醫圖像贊

隱居羅浮

優游養導

世號仙翁

方傳肘後

真 人 孫 思 邈



孫思邈京兆華原人也。七歲就學。日誦千言。及長。盛談莊老百家之說。周宣帝時。以王室多事。隱於太白山。學道鍊氣。養形求度世之術。洞曉天文。推步精究醫藥。審察聲色。迥蘊仁慈。凡所舉動。務行陰德。用心自固。濟物為功。偶出路行。見人欲殺小青蛇。已傷血出。思邈求其人。脫衣贖而救之。以藥封裹。放於草間。後出行。見一白衣少年。僕馬甚盛。下馬迎拜。謝言小第。昨蒙所救。父母欲相見。以別馬載思邈。偕到一城郭。門庭炫赫。人物繁盛。儼若王者之居。少年延思邈入

見一人端美白。恰帽絳衣。侍從甚衆。欣喜相接。謝曰。前者小兒偶出。忽為愚人所傷。賴道者救贖。獲全其命。感再生之恩。乃命女子領一青衣小兒出拜。思邈省思。嘗救青蛇。但不知此何所也。心甚異之。潛問左右曰。此涇陽水府也。恰帽乃命設酒饌。妓樂以宴。思邈辭以辟穀服氣。惟飲酒。王遂以輕綃珠金贈之。思邈堅辭不受。乃取龍宮所頒藥方三十首。與思邈。謂曰。此真可以濟世救人。俄命僕馬送歸至原處。思邈浚自以為異。後歷試諸方。無不應手神効。遂著千金方三十卷。散載龍宮之方在其內。又著脉經一卷。皆盛行於世。隋文帝徵為國子博士。不就。唐高宗召拜諫議大夫。復固辭。年九十餘。視聽不衰。永徽三年二月十五日晨起沐浴。嚴其衣冠。端坐而化。經月餘而顏色不變。後舉屍入棺。既葬。舉棺如空。發棺視之。惟衣衾在。而屍已解矣。後世醫家咸繪其像。深加敬仰。如師道焉。

歷代名醫圖贊曰

唐孫真人

方藥絕倫

扶危拯弱

應効如神

藥王 韋慈 藏



○藥王姓韋氏名訊道號慈藏。大唐人醫中之聖。藥中之靈。應如神。人皆仰之。今醫家皆圖繪其像而祀之。

歷代名醫圖贊云

大唐藥王

德號慈藏

老師韋訊

萬古名揚



圖像本草蒙筌卷之一

新安陳嘉謨廷采父

纂輯

門生

歙邑葉棐

鮑倚

校訂

婿胡一貫

姪晨

潭陽後學劉孔敦

若樸

增補

○草部上

人參 味甘氣溫微寒氣味俱輕升也陽也陽中微陰無毒東北境

域有陰濕山谷生

詳載下文

高麗

國名

誌讚云三椹五葉

初生小者一椹

五葉年久漸生

三椹葉並生于椹之端也

昔陽向陰欲來求我假

音假

樹相尋

其樹類梧桐大葉

蔽日陰濃故多生

樹種類略殊形色弗一紫團參紫大稍匾出潞州紫團山

白堅且圓出邊外百濟國

今臣屬高麗

黃參

生遼東

邊也

名

條參

俗呼羊角參白堅且圓出邊外百濟國

今臣屬高麗

黃參

生遼東

邊也

名

上黨

真州西南黃潤有鬚梢纖長高麗參

俗呼

近紫體虛

新羅

國名

名

參亞黃味薄並堪主治須別麗良獨黃參功効易臻人銜走氣息

自若

唐本註云凡試上黨參令一人對之一人不對同肖人形神

具

難得而人參之名亦因相類若也類鷄腿力洪雷公云此使大

輕匏取春間因汁升萌芽抽梗

春參無力雖用一錢重實採秋後得

汁降結暈成膠布金井玉闌入方劑極品和細辛留久不蛀

和細辛一兩封固去蘆梗咀薄纔煎反藜蘆惡鹵鹹畏五靈脂諸

虛兼調五臟俱補肥白人任多服蒼黑人宜少投

丹溪云肥白氣健脉理中生津止渴開心益志明

目輕身卻驚悸除夢邪消胸脇逆滿養精神安魂魄甦心腹鼓疼

腸胃積冷溫平霍亂吐瀉止息定喘嗽通暢血脉瀉陰火

陰虛生滋補元陽潔古云補上焦元氣而瀉脾肺胃中

火邪升麻為引補下焦元氣而瀉腎中火邪茯苓為使東垣曰人

參黃耆甘草三味退虛火聖藥也丹溪治外感挾內傷證但氣虛

熱甚者必與黃耆同用托住正氣仍恐性緩不能速達少加附子

資其健悍之性以助成功是知火與元陽勢不兩立一勝一負輒

用匡扶經曰邪所奏正必虛是爾蘆發吐痰沫善毆味總甘和緩

不峻虛羸雷音老弱膈壅煎宜衍義亦云難服藜蘆用此可代

誤按集要註曰肺受寒邪短氣少氣虛喘宜用肺受火邪喘嗽

及陰虛火動勞嗽吐血勿用蓋人參入手太陰而能補火故肺

受火邪者忌之王氏此言迺述海藏肺寒用人參肺熱用沙參

及後好事者假名東垣輯成括曰肺寒則可服肺熱還傷肺

東既云退虛火聖藥豈復踵其遺轍亦引寒熱對云安知寒熱之

語此故知後人假名也中猶有虛實之別也肺中實熱忌之固宜肺中虛熱用之何害

况丹溪云虛火可補參朮之類是也又曰龍火反治夫龍火者

乃空中龍雷之火。卽虛火也。在人身雖指下焦相火爲云。然而上下同法。肺中虛火亦相侔焉。此火非水可撲。每當濃陰驟雨之時。火焰愈熾。或擊碎木石。或燒毀房屋。燔灼酷烈之勢。誠不可抗。太陽一照。火自消彌。可見人身虛火無間。上中下三焦之殊。但證有見於外。必非寒涼助水之藥可制。務資此其溫補陽之劑。補足元陽。則火自退爾。補中兼瀉。瀉中有補。正經所謂溫能除大熱是也。矧斯議者。匪特丹溪獨知。如前潔古東垣。俱謂能瀉火者。亦因洞燭此理。輒言之真切用之的確。如山石而不移焉。王氏弗知。參能瀉火之邪。反畏補火爲忌。惟引寒熱不辯實虛。妄著示人。深可哂也。大抵人參補虛。虛寒可補。虛熱亦可補。氣虛宜用。血虛亦宜用。雖陰虛火動。勞嗽吐血。病久元氣虛甚者。但恐不能抵當其補。非謂不可補爾。苟非王氏之言爲拘。則前王氏生者。亦何屢用而不忌乎。如張仲景治亡血脈洪芤。不知火動也。用此而補。謂氣虛血弱。補氣則血自生。陰生于陽。其能生血故也。葛可久治癆瘵。大吐血後。亦非不知由火載血上也。用此一味煎調而命名曰獨參湯。蓋以血脫須先益其氣爾。丹溪治勞嗽火盛之邪。製瓊玉膏。以之爲君。或此單熬。亦曰人參膏。頻服後肺火反除。嗽病漸愈者。又非虛火可補。龍火反治之驗歟。抑不特此而已。古方書云。諸痛不宜服參者。此亦指暴病氣實者而言。若久病氣虛而痛。何嘗拘于此耶。東垣治中湯。同乾薑用。治腹痛吐逆者。亦謂裏虛則痛。補不足也。是以醫家臨病用藥。貴在察證。虛實爲先。當減當加。自合矩度。匪但病者不懼天枉之殃。而在已亦得以免殺人不用刀之咎矣。

潞州人參



威勝軍人參



黃耆

味甘。氣微溫。氣薄味厚。可升可降。陰中陽也。無毒。種有三品。

治無兩般。木耆莖短理橫。功力殊劣。此為下品缺歲多收倍用。煎服亦

宜。本經不載。州土必出。黃耆處並有之。如稀稜之賤。自產穀田。兇年多收。亦可代糧也。水耆生白水赤水二

鄉。俱屬西白水頗勝。此為中品綿耆出山西沁州綿上。鄉名有此品極佳

上品。咸因地產僉名。總待秋採入藥。久留易蛀。勤曝難侵。務選單

股不岐直如箭。輪皮色褐潤。肉白心黃。折柔軟類綿。嚼其甜近蜜

如斯。應病獲効如神。市多採苜蓿根假充。謂之土黃耆。煤利殊不

知此堅脆。音翠味苦。能令人瘦。耆柔軟味甘。易致人肥。每被亂真。尤

宜細認。夫耆者。惡白鮮龜甲。製去頭刮皮。生用治癰疽。蜜炙補虛

損。入手少陽。入足太陰。主大人小兒五勞七傷。骨蒸體瘦。消渴。腹

痛。瀉痢腸風。治女子婦人月候不勻。血崩帶下。胎前產後。氣耗血

虛。益元陽。瀉陰火。扶危濟弱。略亞人參。溫分肉而充皮膚。肥腠理

以司開闔。固盜汗自汗。無汗則發。有汗則止。托陰瘡癩瘡。排膿止

痛。長肉生肌。外行皮毛。中補脾胃。下至傷寒。尺脉不至。是上中下

內外三焦藥也。性畏防風。而防風能制黃耆。黃耆得防風其功愈

大。蓋相畏而相使者。故二味世多相須。而用衍義又云。因多補益

之功。藥中呼為羊肉。久服勿已。耐老延年。

謨按參耆甘溫。俱能補益。證屬虛損。堪並建功。但人參惟補元

氣。調中。黃耆兼補衛氣。實表。所補既略差異。共劑豈可等分。務

尊專能用爲君主。君藥宜重。臣輔減輕。君勝乎臣。天下方治。臣強于主。國祚漸危。此理勢自然。藥劑倣之。亦不可不注意也。如患內傷。脾胃衰弱。飲食怕進。怠惰嗜眠。發熱惡寒。嘔吐泄瀉。及夫脹滿痞塞。力乏形羸。脈息虛微。精神短少等證。治之悉宜補中益氣。當以人參加重爲君。黃耆減輕爲臣。若係表虛。腠理不固。自汗盜汗。漸致亡陽。併諸潰瘍。多耗膿血。嬰兒痘疹。未灌全漿。一切陰毒不起之疾。治之又宜實衛護榮。須讓黃耆倍用爲主。人參少入爲輔焉。是故治病在藥。用藥由人。切勿索驥按圖。務須活潑潑地。先正嘗曰。醫無定體。應變而施。藥不執方。合宜而用。又云。補氣藥多。補血藥亦從而補氣。補血藥多。補氣藥亦從而補血。佐之以熱則熱。佐之以寒則寒。如補中益氣湯。雖加當歸。當歸血藥也。因勢寡則被。參耆所據。故專益氣。僉名。又當歸補血湯。縱倍黃耆。黃耆氣藥也。爲性緩。亦隨當歸所引。惟以補血標。首佐肉桂附子少熱。八味丸云。然加黃藥。知母微寒。補陰丸是爾。舉隅而反。觸類而推。則方藥之應乎病機。病機之合乎方藥。總在君臣佐使之弗失。纔致輕重緩急之適中。時醫不以本草加工。欲望製方。如是之通變合宜者。正猶學射而不操。夫弓矢。其不能也。决矣。

憲州黃耆



甘草 味甘。氣平。生寒。炙溫。可升。可降。陰中陽也。無毒。產陝西川谷。

逢秋後採根。因味甘甜。故名甘草。忌猪肉惡遠志。反甘遂海藻。及

大戟芫花。入太陰少陰厥陰足經。用白朮乾漆苦參引使。生瀉火。

炙溫中。稍去尿管澁痛。節消癰疽。煖腫。子除胸熱。三者宜生。身選

壯大橫紋。刮皮生炙。隨用。懸癰單服。即散。凡毒生陰裏後。此門前

五錢酒煎。服下即散。咽痛。旋嚙能除。同桔梗治肺痿膿血齊來。同生薑。止下

痢赤白雜至。小兒初生。加黃連煎湯。拭口有益。飲饌中毒。伴黑止

煮汁。恣飲無虞。中碑毒者。曾以此方救活百人。卻臍腹急疼。鼓臍腑邪熱。堅筋骨

長肌肉。健脾胃。補三焦。止渴除煩。養血下氣。解百藥毒。免害。和諸

藥性。杜爭。後人尊之。稱為國老。又因性緩。非解諸急。故熱藥用之。

緩其熱寒。藥用之。緩其寒。如附子理中。用。恐僭諸上調胃承氣

用者。恐速于下。是皆緩之。非謂和也。小柴胡湯。有柴胡黃芩之寒。

人參半夏之溫。內加同煎。此却調和相協。非謂緩焉。鳳髓丹中。又

為補劑。雖緩腎濕。實益元陽。經云。以其補之。以其緩之。以其瀉之。

悉可徵矣。中滿證。恐其能作脹。切禁莫加。下焦藥。因性緩難達。務

宜少用。凡諸嘔吐。亦忌煎嘗。久服輕身延年耐老。

漢按五味之用。苦直行而瀉。辛橫行而散。甘上行而發。酸束而

收。斂。鹹止而軟。堅。甘草味之極。其當云上發可也。本草反言下

氣何耶。蓋其味有升降浮沉。可上可下。可內可外。有和有緩。有

補。有瀉。居中之道。具盡故爾。

汾州甘草



大粉草



白木 味苦并辛。氣溫。味厚。氣薄。可升可降。陽中陰也。無毒。浙木俗呼

雲頂種乎壤。頗肥大。由糞力滋。漚欵木俗呼狗頭木。產深谷。雖瘦小。得

土氣克盈。寧國也。州昌化。產者並與欵類。境界相隣。故也。採根。秋月俱同。製度。烘曝。却異

浙者。大塊。旋曝。每潤。滯油多。欵者。薄片。頓烘。竟乾燥。白甚。凡用。惟

白為勝。仍覓欵者。尤優。咀後。人乳汁潤之。制其性也。潤過。陳壁土

和炒。痛彼氣焉。取向東陳年壁土。研細。和炒。褐色。篩去土。用之。此必拘

此製。入心脾胃。三焦四經。須仗防風地榆。引使除濕。益燥。緩脾生

津。啟胃。脘食積。痰涎。消臍腹水腫。脹滿。止嘔逆。霍亂。補勞倦。內傷

手足。懶舉。貪眠。多腹。益善。飲食。怕進。發熱。倍川。正宜。開發。痲音。瘡

殊功。兩日一發者。平暴注。瀉立効。水瀉不發者。或四製。研散。飲汗。出東。或單

味粥。丸調脾。出月。奔豚。積息。前因。常閉。氣癰。疽毒。禁用。為多生。臄

治皮毛。間風。利腰。臍間。血。故上而皮毛。中而心胸。下而腰膝。在氣

主氣。在血。主血。又無汗。則發。有汗。則止。與黃耆。同功。同枳實。為消

痞方。助黃芩。乃安胎。劑哮喘。誤服。壅窒。難當。○又種。色蒼。乃名。蒼

木。出茅山。屬直隸。第一。擇潔。質尤良。刮淨。麤皮。泔漬。炒燥。米泔漬

咀片。入防風。地榆。使引入足經。陽明。太陰。消痰。結窠。囊去胸中。窄

狹。治身面。大風。風眩。頭痛。甚捷。辟山嵐。瘴氣。瘟疫。時氣。尤靈。煖胃

安胎。寬中。進食。啟痲。痺氣。塊。止心腹。脹疼。因氣。辛烈。竄衝。發汗。除

上焦。濕。其功。最優。若補。中焦。除濕。而力。甚不及于白也。仍與黃藥

同煎。即二。健行。下焦。濕熱。神農。經曰。必欲。長生。當服。山精。卽此。是

矣。二木。所忌。雀蛤。李桃。

謹按木。雖二種。補脾。燥濕。功用。皆同。但白者。補性。多。且有。欵汗

之効。蒼者。治性。多。惟專。發汗。之能。凡入。劑中。不可。代用。然白木

既燥。本經。又謂。生津。何也。蓋脾。惡濕。脾濕。既勝。則氣。不得。施化。

津何由生故曰膀胱津液之府。氣化出焉。今用白朮以燥其濕。則氣得周流。而津液亦隨氣化而生矣。他如茯苓亦係滲濕之藥。謂之能生津者。義與此同。

荆門軍朮



石州朮



生乾地黃

一名味苦其氣寒氣薄味厚沉也陰也陰中之陽無毒秋

深汁降根實採收日乾者平。火乾者溫。蒸乾者溫補。生乾者平。宜地產南北相殊。藥力大小懸隔。江浙種者多種受南方陽氣質雖光潤力微。懷慶郡名屬河南生者多生深谷稟北方純陰皮有疙瘩力大用

試寸水分別三名。浮者天黃。沉者地黃。半浮沉者人黃。惟地黃獨

優取服。餘二者並劣。檢除。畏蕪黃。惡貝母。忌三白。咀犯鐵器。腎消

竹刀切碎食同蘿蔔。髮皓得麥門冬。善為引導。拌薑汁炒。不泥膈痰。凡飲

酒人服此必依製之酒病多痰恐滯膈作脹滿也如上達補頭腦虛。或外行潤皮膚燥。必

資酒浸。方促効。臻入手少陰。及手太陽。涼心火。血熱。俾去眼瘡。瀉

脾土濕熱。使長肌肉。骨蒸勞熱。可退。五心煩熱。堪毆。止血溢吐。衄

單方。療傷折金瘡。要藥。又治婦人月經閉絕。產後血上攻心。妊娠

下血。漏胎。崩中。下血不止。患人脈洪多熱。加用何妨。儻或脾胃不

寒。切宜斟酌。花名地髓。服可延年。實研水調。効與根等。○酒潤蒸

黑名熟地黃。性微溫。稍除寒氣。入手足少厥陰經。大補血衰。倍滋

腎水。增氣力。明耳目。填骨髓。益真陰。傷寒後。脛股最痛者。殊功。新

產後。臍腹急痛者。立効。烏髭黑髮。悅色駐顏。仲景製八味丸。為君



取天<sub>甲</sub>一所生之源專補腎中元氣天一生水故人元氣屬腎主之東垣立四物湯作主演癸乙同歸一治兼療藏血之經癸水屬腎乙木屬肝肝為血海故云藏血經也久久服之明目益壽

謨按丹溪云氣病補血雖不中病亦無害也讀之不能無疑焉夫補血藥劑無逾地黃當歸若服過多其性纏滯每於胃氣亦有虧爾嘗見胃虛氣弱不能運行血越上竅者用此合成四物湯以為涼血補血之劑多服調治反致胸膈痞悶飲食少進上吐下瀉氣喘嘔血日漸危迫去死幾近此皆因血藥傷其冲和胃氣安得謂無害耶大抵血虛固不可專補其氣而氣虛亦不可過補其血所貴認證的真量劑佐助庶幾不失於偏損也

黃地州



黃地州沂



當歸

味甘辛氣溫氣味俱輕可升可降陽也陽中微陰無毒生秦

蜀兩邦

秦屬陝西蜀屬四川有大小二種大葉者名馬尾當歸黃白氣香肥

潤

此為上品市多以低假小葉者名蠶頭當歸質黑氣薄堅枯此為下品潤澀問克賣不可不察

堪入藥

一說川歸力剛可攻秦歸力柔堪補凡覓拯病優劣當分

畏薑藻蒲蒙

生薑海藻蒙惡蘭茹濕麩蘆苻夫淨醇酒製精行表洗

片時行上漬一宿體肥痰盛薑汁漬宜曝乾咬咀治血必用東垣云頭止血上行身養血中守尾破血下流全活血不走易老云入

手少陰以心主血也。入足太陰以脾裹血也。入足厥陰以肝藏血也。若和劑在人參黃耆皆能補血。在牽牛大黃皆能破血。從桂附芩黃則熱從芒硝大黃則寒。別說又云。能使氣血各有所歸。故名曰當歸。逐跌打血凝。併熱痢刮疼。滯住腸胃內。主欬逆氣上。及溫瘧寒熱。泥在皮膚中。女人胎產諸虛。男子勞傷不足。眼疾齒疾。痛難忍。癰瘡金瘡肌不生。中風攣蹇。中惡昏亂。崩帶湛漏。燥澁焦枯。並急用之。不可缺也。又同川芎。上治頭痛。以其諸頭痛皆屬肝木。故亦血藥主之。甚滑大便瀉者須忌。

謨按正傳云。當歸能逐淤血。生新血。使血脈通暢。與氣並行。周流不息。因以為號。然而中半已上。氣脈上行。天氣主之。中半已下。氣脈下行。地氣主之。身則獨守平中。而不行也。人身之法象亦猶是焉。故淤血在上焦。與上焦之血少。則用上截之頭疼血。

在下焦。與下焦之血少。則用下截之尾。若欲行中焦。淤血與補中焦血。虛則用中截之身。匪獨當歸為然。他如黃芩防風桔梗柴胡亦皆然也。觀此一說。較前東垣雖殊。思亦近理。不妄采附篇末。憑人所宗。○又按經云。主欬逆上氣。議者以當歸血藥。如何治胸中氣也。殊不知當歸非獨主血。味兼辛散。乃為血中氣藥。况欬逆上氣。非止一端。亦有陰虛陽無所附。以致然者。今用血藥補陰。與陽齊等。則血和而氣降矣。本經所謂義或由斯。

文州當歸



滁州當歸



牛膝 味苦酸氣平無毒忌牛肉畏白前所惡之藥有三螢火陸英  
 龜甲地產尚懷慶註種類有雌雄雌牛膝節細莖青根短堅脆無  
 力雄牛膝節大莖紫根長柔潤有功秋後採根曝乾待用云飽爛  
 黑黴選肥壯鮮明因與牛膝同形人故假此為譽凡入藥劑酒漬  
 咬咀善理一身虛羸能助十二經脉主手足寒濕痿痺大筋拘攣  
 理膀胱氣化遲難小便短少補中續絕益陰壯陽填髓除腰膝痠  
 疼滑血滋髮髮烏黑竹木刺入肉嚼爛厚罨老瘡久弗痊單煎連  
 服卒得不識惡毒搗生根敷上即差尿管澀痛幾危煮濃酒飲下  
 立愈治女人血癥血瘕月水行遲療產婦血暈血虛兒枕痛甚同  
 麝香墮胎甚捷壯牛膝一兩麝香一錢搗細焙引諸藥下走如奔  
 故凡病在腰腿胛踝之間必兼用之而勿缺也亦宜久服耐老輕  
 身

單州牛膝



黃精 味甘氣平無毒山谷土肥俱出茅山嵩山獨良莖類桃枝脆  
 柔一枝單長葉如竹葉略短兩葉對生一說其葉偏生不相對者為偏精葉相對者為正精  
正精功用尤勝又華陀漆藥青和散云青黏即黃精之正藥者未審的否花開似赤豆花實結若白黍  
米亦有不堪服餌抱朴子云服花勝實服實勝根但花難得生  
結實者並堪服餌花一斛只乾得一二升非大有役力者不能  
辦勿厭採收冬月挖根嫩薑彷彿僊家稱名黃精俗呼為野生薑  
 也洗淨九蒸九曝代糧可過凶年因味甘甜又名米舖入藥療病  
 生者亦宜鈎吻略同切勿誤用安五臟六腑補五勞七傷除風濕

壯元陽。健脾胃。潤心肺。旋服年久。方獲奇功。耐老不饑。輕身延壽。  
小兒羸瘦。多啖彌佳。

按博物誌曰。太陽之草名黃精。餌之可以長生。太陰之草名  
鈎吻。食之入口立死。夫鈎吻。野葛之別名也。人但言鈎吻殺人。  
並無敢食之者。何嘗信黃精延壽。而餌之不厭者耶。本經註中  
載古一婢。逃入深山得黃精餌之。日間不饑。久漸輕身。飛越山  
頂。莫有能追之者。此亦非虛誣也。

洪州黃精



相州黃精



遠志

味苦。氣溫無毒。莖類麻黃而青。兗州名泰山並屬山東俱有根名

遠志。四月採。枚用宜。去骨取皮。甘草湯漬一宿。因苦下行以甘漉

向日曝乾。入劑前畏真珠。藜蘆。蟾蠩。宜冬。葵。茯苓。龍骨。雄附附子

大毒亦能殺除。益精壯陽。強志倍方。辟邪氣。去邪夢。定心氣。安心

神。增益智慧。不忘。和悅顏色。耐老。仍利九竅。亦補中傷。效逆能駭

驚悸可止。治小兒驚癇。客忤。療婦人血禁失音。○小草。苗葉之名。

古方曾用。獲効。除胸痺。心痛。氣逆。范汪方治此證有小草丸禁虛損。夢魘。精遺

泗州遠志



威勝軍遠志



石菖蒲

味辛苦。氣溫無毒。池郡屬南直隸最多。各處亦有。生石澗中為

美。一十九節方靈。揀去露根。埋土者堪用。露出者去之。勿犯鐵器。入藥搗碎。使

宜。秦九惡地膽麻黃。忌飴糖羊肉。主手足濕痺。可使屈伸。貼發背

癰疽。能消腫毒。下氣除煩悶。殺蟲愈疥瘡。消目翳。去頭風。開心洞

達。出音聲。益智慧。通竅。虛靈劫耳聾耳鳴。禁尿遺尿數。腹痛或走

者易効。胎動欲產者即安。鬼擊。惜死難甦。急灌生汁。溫瘧積熱不

解。宜浴濃湯。單味入酒煎。療血海敗。併產後下血不止。細末鋪席

臥。治遍身毒。及不癢發痛瘡瘍。多服聰明不忘。久服延年耐老。

謨按生石澗而葉細嫩者名菖蒲。根小節稠。味甚辛烈。堪收入

藥。通竅開心。種池塘而葉龐長者名菖陽。根大節疎。味兼和淡。

惟取作餞。饜酒點茶。故古方中但用此味。特加石字于上。示其

所優。使人之不誤取也。匪特菖蒲為然。他如梔子茨菇。每加山


字。亦此意。爾藥必求真。服纔獲効。本經註下。載原有服石菖蒲

一十二年。身生長毛。冬袒不冷。日誦萬語。牢記常全。今讀書士

亦或取和遠志為丸。朝夕吞服。蓋因目擊其說。欲假以開聰明

益智慧之一助也。

戎州菖蒲



天門冬

味苦甘。氣平大寒。氣薄味厚。沉也陰也。陽中之陰。無毒。山

谷俱有。夏秋採根。蒸爛去皮去心。曝乾。旋咀。旋用。咀又易生微垢。則黑點不明亮。

也畏曾青。忌鯉魚。儻俱食。中毒取浮萍解之。使宜貝母地黃。經入

手肺足腎療風溼痺補虛損勞傷殺三蟲去伏屍且強骨髓潤  
 五臟悅顏色尤養肌膚解渴除煩消痰住嗽保肺氣不被熱擾通  
 腎氣能除熱淋止血溢妄行潤糞燥閉結同參者煎服定虛喘促  
 神方和薑蜜熬膏天門冬自然汁三碗蜜一破頑痰癖劫劑單用  
 研末調酒久久益氣延年肺痿肺癰亦堪調治蓋因苦泄滯血甘  
 助元氣寒去肺熱此三者天門冬之功焉虛熱人加用正宜虛寒  
 者切禁莫服因專泄不能專收故爾

冬門天州亮



冬門天州温



麥門冬味甘微苦氣平微寒降也陽中微陰無毒潤和平堤土肥  
 則產葉類蒨草長秀根如麥顆連珠故因名麥門冬也畏苦參青  
 蘘木耳惡苦芙蓉款冬去心用不令人煩擇肥大方獲効速地  
 黃車前爲使入手太陰少陰治肺伏火邪及肺痿膿吐腥臭補心  
 勞傷損併心血錯經妄行益精強陰啟煩解渴心腹結氣能散腸  
 胃傷飽可消美顏色悅肌膚止嘔吐愈痿音促去心下支滿退虛  
 熱客邪經枯乳汁不行堪資作引肺燥效聲連發須仗爲君加五  
 味人參三者同煎名生脉散子專補元氣與地黃阿膠麻仁共用  
 能潤經益血復脉通心按本經多治脾胃臟腑後用者專療心肺  
 兩經久服輕身不饑不老

謹按天麥門冬並入手太陰經而能啟煩解渴止欬消痰功用  
 似同實亦有偏勝也麥門冬兼行手少陰心每每清心降火使

肺不犯於賊邪故止咳立効。天門冬復走足少陰腎。屢屢滋腎助元。令肺得全其母氣。故消痰殊功。蓋痰係津液凝成。腎司津液者也。燥盛則凝。潤多則化。天門冬潤劑。且復走腎經。津液縱凝亦能化解。麥門冬雖藥劑滋潤則一。奈經絡兼行相殊。故上而止咳。不勝於麥門冬。下而消痰。必讓於天門冬。爾先哲亦曰。痰之標在脾。痰之本在腎。又曰。半夏惟能治痰之標。不能治痰之本。以是觀之。則天門冬惟能治痰之本。不能治痰之標。匪但與麥門冬殊。亦與半夏異也。

隨州麥門冬



睦州麥門冬



五味子

味酸。氣溫。氣輕。味厚。降也。陽中微陰。無毒。江北最多。江南亦有。春生。苗莖赤色。漸蔓。高水引長。葉發似杏葉。尖圓。花開若蓮。

花黃白。秋初結實。叢綴莖端。粒圓紫。不異櫻珠。核匾紅。儼若猪腎。採收日曝。膏潤難乾。南北各有所長。藏留切勿相混。風寒欬嗽。南五味為奇。虛損勞傷。北五味最妙。惡萎蕤。勝烏頭。以菴蓉為使。入肺腎二經。收斂耗散之金。滋助不足之水。生津止渴。益氣強陰。感煩熱。補元陽。解酒毒。壯筋骨。霍亂瀉痢可止。水腫腹脹能消。冬月欬嗽。肺寒。加乾薑煎湯治効。夏季神力困乏。同參耆麥。藥人參黃。冬黃。藥皮。服良。其熱嗽。火氣盛者。不可驟用。寒涼之藥。必資此酸味。而斂束。然不宜多用。若多用。則恐致虛熱。以為殃。蓋因皮甘。內酸。核中辛苦。俱兼鹹味。故名曰五味子。本經只云酸者。本為五行先也。宜預搗碎。則其味具。方後投煎。

號州五味子



菟絲子

味辛甘。氣平。無毒。朝鮮國多產。宛句屬山東兗州府獨佳。蔓延草

木之間。無根。假氣而出。實如蠶子。秋採。陰乾。色黃細者。名赤綱。色淺大者。名菟蘂。種類雖二。功效並同。先用水洗去砂。次以酒漬。朽爛。捏成薄餅。向日曝乾。研末為丸。不堪煎液。益氣強力。補髓添精。虛寒膝冷腰疼。正宜多服。鬼交夢遺精泄。勿厭頻吞。肥健肌膚。堅強筋骨。服之久久。明目延年。莖葉煎湯。小兒可浴。解熱毒癩癬散。瘡塌痘瘡。

單州菟絲子



靈芝草

色分六品。味應五行。氣稟俱平。服餌無毒。○青芝如翠羽

一名龍芝應木味酸。產泰山。專補肝氣。與仁恕強志。明眼目安魂。○赤芝如珊瑚。一名丹芝應火味苦。產衡山。善養心神。增智慧。不忘。開胸膈除結。○白芝截肪可比。一名玉芝味辛。應金。華山生。益肺定魄。止欬逆潤皮毛。○黑芝澤漆堪倫。一名玄芝味鹹。應水。常山出。益腎。肢癢。利二便。通九竅。○黃芝與黃金類。一名金芝嵩嶽山多。○紫芝與紫衣同。一名木芝高夏山有。並味甘。應土。咸。逐邪益脾。堅骨健筋。悅顏駐色。六芝



白僵蝨



蛾



桑螵蛸

味鹹甘。氣平無毒。係螳螂所生。逢荆棘俱有。獨取桑樹者

入藥。欲得桑津氣引經。桑皮善行水故能引達腎經。如不得真者加桑白皮佐之。二、三月中方

可收採。曝乾復炙。常中破開灸之。免洩大腸。畏旋覆花。宜白龍骨。主女人

血閉腰痛。治男子虛損腎衰。益精強陰。補中除疝。止精泄。而愈白

濁。通淋閉。以利小便。又禁小便自遺。故本經註云。凡夢遺方中。不

可缺也。俗謂禁尿窠亦指此焉。

俱主祥瑞夜視光彩映人燒不焦藏不朽久服延壽常帶辟兵世所難求醫絕不用但附其說俾識其詳

芝 赤



芝 玄



芝 紫



甘菊花

味甘微苦氣平屬土與金有水火可升可降陰中陽也

無毒種類顏色多品應候黃良月令云菊有黃花是也餘色不入藥山野間味

苦莖青名苦蕒勿用薄黃花亦黃色但氣藥反損爾家園內味苦莖紫謂甘

菊堪收苦者胃氣在者陰血兼補為使一味宜桑白皮豉頭

風止痛暈眩清第一養眼血收眼淚腎膜明眼目無雙變

老人皓白成烏同地黃釀酒昏迷易醒共葛花煎湯散濕

痺去皮膚死肌安腸胃除胸膈煩熱利一身血氣逐四肢遊風腰

痛陶陶亦堪主治久服弗已輕身延年搗根葉取汁頓嘗夏秋採

採根救疔腫垂死即活

謨按月令于桃李桐但言花而不言色獨于菊曰黃花取其得

時之正况當其候田野山側盛開滿眼皆黃花也月令所取不

無意焉入藥用黃蓋本諸此又考根苗花葉亦可共劑成方三

月上寅日採苗六月上寅日採葉九月上寅日採花十二月上

寅日採根並陰乾百日各等分稱勻擇成日製之搗千杵為末

用蜜煉熟豆大丸成酒服七丸一日三服百日身輕潤澤一年

髮白變烏二年齒落更生三年貌如童子至賤之草而有至大

之功特附其詳以為老者益壽之一助爾

衡州菊花



齊州菊花



薏苡仁

味甘。氣微寒。無毒。近道俱出。真定

郡名屬北直隸

者良。多生曠野

澤中。莖高三四尺許。葉類垂黍。花開淺黃。結實而名薏珠。小兒每

穿為戲。醫家採用。春殼取仁。或和諸藥煎湯。炒熟微或攪粳米煮

粥。薏苡仁粒硬須先煮半熟。專療濕痺。且治肺癰。筋急拘攣。屈伸

不便者最効。此濕咳。嗽。涕。唾。膿。血。併出者極佳。此肺除筋骨邪入

作疼。消皮膚水溢發腫。利腸胃。主渴消。久服益氣輕身。多服開胃

進食。但此藥力和緩。凡用之時。須當倍於他藥。爾若挖根煮汁。可

次 烟墮胎。肺癰服之。亦臻神効。

大 謨 按衍義云。本經謂主筋急拘攣。須分兩等。大筋縮短。拘急不

伸。此是因熱拘攣。故此可用。倘若因寒筋急。不可用也。又云。受

濕者。亦令筋緩。再按丹溪曰。寒則筋急。熱則筋縮。急因于堅強。

縮因于短促。若受濕則弛。弛因於寬長。然寒於濕。未嘗不挾熱。

而三者又未始不因於濕。薏苡仁。去濕要藥也。二家之說。實有

不同。以衍義言。觀之。則筋病因熱可用。因寒不可用。以丹溪言

觀之。則筋病因寒因熱因濕皆可用也。蓋寒而留久。亦變為熱。

况外寒濕與熱。皆由內濕啓之。方能成病。內濕病酒麵為多。魚

陳又燒炙辛香乾硬皆致濕之。因宜戒之。謂之日三者未始不因於濕。是誠盲者日

月聾者雷霆歟。

薏苡仁



薯蕷即山藥又名山芋味甘氣溫平無毒南北州郡俱產惟懷慶者獨良秋

採曝乾灰藏不蛀柴灰同藏罐內則不蛀壞性惡甘遂其劑不宜使天麥門冬

紫芝入手足太陰兩臟治諸虛百損療五勞七傷益氣力潤澤皮

膚長肌肉堅強筋骨除寒熱邪氣煩熱兼除却頭面遊風風眩總

却羸瘦堪補腫硬能消開心孔聰明澁精管洩滑理脾傷止瀉參

茯白朮散頗加逐腰痛強陰六味地黃丸當用搗篩為粉作糊甚

粘久服不饑延年耐老

按山藥能消腫硬因能益氣補中故爾經曰虛之所在邪必  
湊之着而不去其病為實非腫硬之謂乎故補其氣則邪滯自  
不容不行丹溪云補陽氣生者能消腫硬正謂此也

明州薯蕷



永康軍薯蕷



石斛

味甘氣平無毒多產六安州名屬南直隸亦生兩廣廣東廣西莖小有節

色黃類金世人每以金釵石斛為云蓋亦取其象也其種有二細

認略殊生溪石上者名石斛折之似有肉中實生櫟木上者名木

斛折之如麥稈中虛石斛有效難尋木斛無功易得賣家多採易

者代克不可不預防爾惡凝水石巴豆畏白殭蠶雷丸以酒浸蒸方宜入劑卻驚定志益精強陰壯筋骨補虛羸健脚膝毆冷痺皮外邪熱堪逐胃中虛火能除厚腸胃輕身長肌肉下氣

溫州石斛



春州石斛



知母

味苦辛氣寒氣味俱厚沉而降陰也陰中微陽無毒多生徐

解二州

並屬南直隸

形類菖蒲柔軟肥白有力枯黯無功去淨皮毛忌

犯鐵器引經上頸酒炒纔升益腎滋陰鹽炒便入乃足少陰本藥而又入足陽明入手太陰也補腎水瀉去無根火邪消浮腫為利

小便佐使初痢臍下痛者能却久瘧煩熱甚者堪除治有汗骨蒸

熱勞療往來傳屍疰病潤燥解渴患人虛熱口乾宜倍用之止欬消痰久服不

宜令人作瀉仍治溪毒河澗澡洗先以藥末投水上流自無患矣

漢按東垣云仲景用此為白虎湯治不得眠者煩燥也蓋煩者

肺燥者腎以石膏為君佐以知母之苦寒以清腎之燥緩以甘

草粳米之甘使不速下也經云胸中有寒者瓜蒂散表熱裏寒

者白虎湯瓜蒂知母味皆苦寒何謂治胸中寒也曰讀者當逆

識之如亂臣十人亂當作治仲景言寒舉其効言之熱在其中

矣若果為寒安得復用苦寒之劑且白虎湯證脈尺寸俱長其

熱明矣豈可因其辭而害其意乎

### 衛州知母



### 肉蓯蓉

味甘酸鹹氣微溫無毒。陝西州郡俱有。馬蹏落地所生。端午採乾。用先酒浸刷去身外浮甲。劈除心內膜筋。或酥炙酒蒸。仍碎搗入劑。忌經鐵器。切勿犯之。治男子絕陽不興。洩精尿血遺瀝。療女人絕陰不產。血崩帶下。陰疼助相火。補益勞傷。暖腰膝。堅強筋骨。丹溪云。雖能峻補精血。驟用反動大便。○又種瓊陽亦產陝西味甘可啖。以酥塗炙。代用亦宜。煮粥彌佳。入藥尤効。潤大便燥結。若

瀉者切補陰血虛羸。興陽固精。強陰益髓。但本經原缺未載。此丹

漢續補為云。○仍草蓯蓉。巖石多產。根類初生。蓮藕本經一名。別

當溫補略同。功力殊劣。或壓匾。假克前藥。以此壓匾。假克又以金

### 肉蓯蓉



### 補骨脂

即破故紙味苦辛。氣大溫。無毒。生廣西諸州。子圓匾而綠。鹽酒浸

宿。浮酒面者。輕虛去之。蒸過曝乾。又同炒。伴烏油麻。炒熟去麻。單用。亦為丸

搗胡桃肉。再加杜仲青鹽。即青娥丸治男子勞傷。療婦人血氣腰膝疼

疼。神効。骨髓傷敗。殊功。除囊濕而縮小便。固精滑。以興陽道。却諸

風痺去四肢冷疼惡甘草須知忌芸薹羊肉。

### 梧州補骨脂



羌滑 味苦甘辛。氣平微溫。氣味俱輕。升也。陽也。無毒。多生川蜀。亦產隴西。得風不搖。無風自動。因又名獨搖草也。本與獨滑同種。後人分有二名。紫色節密者為羌。黃色成塊者為獨。今醫家用羌滑多用鞭節。用獨滑多用鬼眼。羌滑則氣雄。獨滑則香細。氣雄者入足太陽。香細者入足少陰。是知羌滑本手足太陽表裏引經之藥。而又入足少陰厥陰二經。名列君部之中。非比柔懦之主。此誠撥

亂反正。大有作為者也。故小無不入。大無不通。能散肌表入風之邪。善利周身百節之痛。排巨陽肉腐之疽。除新舊風濕之證。須去黑皮腐爛煎服。方有神功。如若加入川芎。立止本經頭痛。○獨滑主治較羌稍殊。乃足少陰表裏引經。專治痛風。與少陰經伏風。而不治太陽經也。故兩足濕痺。不能動履。非此莫痊。風毒齒痛。頭眩目暈。有此堪治。雖伏治風。又資燥濕。經云。風能勝濕。故也。但今賣者多採土當歸假克。不可不細辯爾。

按會編云。羌滑獨滑。本經既云同種。再無別條。則非二物可知矣。後人因見形色氣味略殊。故立異論。不思物之不齊。物之情也。是以羌滑獨滑雖經一種。而一種之中。亦有不同。有緊實者。有輕虛者。仲景用獨滑治少陰。必緊實者。東垣用羌滑治太陽。必輕虛者。正如黃芩。取枯飄者名宿芩。用治太陰。取圓實者。

名子苓。用治陽明義也。况古方但用獨滑。今方既用獨滑。又用  
羌滑。不知病宜兩用耶。抑不知未之考耶。  
第四卷桑根白皮款後謨按宜參看

文州羌活



文州獨活



柴胡

味苦。氣平微寒。氣味俱輕升也。陽也。陰中之陽。無毒。州土各  
處俱生。鉞夏州名屬陝西出者獨勝。根鬚長如鼠尾。一二尺餘。香氣直  
上雲端。有鶴翔集。八月收採。折淨蘆頭。療病上升。用根酒漬中行  
下降。用梢宜生。畏女苑。藜蘆。使半夏一味。乃手足少陽厥陰四經

行經藥也。瀉肝火去心下痰結熱煩。用黃連猪膽為佐。治瘡癩。散  
諸經血凝氣聚。與連翹同功。止偏頭疼。胸脇刺疼。及膽痺疼痛。解  
肌表熱。早晨潮熱。併寒熱往來。傷寒門實為要劑。溫瘧證。誠作主  
方。且甦濕痺拘攣。可作濃湯浴洗。在臟主血。在經主氣。亦婦人胎  
前產後血熱必用之藥也。經脈不調。加四物。秦艽。牡丹皮。治之最  
効。產後積血。佐巴豆。三稜。蓬莪。茂攻之。即安。又引清氣。順陽道。而  
上行。更引胃氣。司春令。以首達。亦堪久服。明目輕身。○葉名芸蒿  
辛香可食

謨按衍義云。本經並無一字治勞。今人治勞方中。鮮有不用。誤  
世甚多。嘗原勞。快雖有一種真臟虛損。復受邪熱。熱因虛致。故  
曰勞者。牢也。亦須斟酌。微加熱。去即當急已也。設若無熱。得此  
愈增經驗方。治勞熱。青蒿煎丸。少佐柴胡。正合宜爾。故服之無



不効者。日華子竟信爲實。就註本經條下。謂補五勞七傷。除煩而益氣力。藥性論。又謂治勞之羸瘦。是皆不智。妄自作偏者也。若此等病。苟無實熱。醫者執而用之。不死何待。本草註釋。豈可半字鹵莽耶。萬世之後。所誤無窮。誰之咎也。明達之醫。固知去取。中下之士。寧不蹈其轍哉。非比仲景治傷寒。寒熱往來如瘧之證。製大小柴胡及柴胡加龍骨。柴胡加芒硝等湯。此誠要切之藥。萬世之所宗仰。而無罅議者也。

溜 芎 朮



江寧府柴胡



升麻

味苦甘。氣平微寒。氣味俱薄。浮而升。陽也。無毒。雖多。陝地惟

尚益州

屬四川今改成都府

入藥宜根。逢秋纔採。曝乾形輕實者第一。削出

青綠色者亦佳。擇鷄骨相同。去黑皮腐爛。乃足陽明太陰行經之

藥。凡補脾胃必此引之。若得白芷葱白同煎。又走手經陽明太陰。

非此四經不可用也。解百毒。殺百精。殃鬼。釋諸瘴。辟諸疫。瘟邪。去

傷風於皮膚。散發熱於肌肉。儻太陽證。具誤服。是先引賊寇破家。

東垣云。初病太陽証。便服升麻葛根湯。是遺太陽。不惟遺經。反引太陽邪氣入于陽明。不能解也。故曰引賊破家云。務認分

明。切勿鹵莽。止頭痛。喉痛。齒痛。併中惡。腹痛。理口瘡。疥瘡。斑瘡。及

跖痘。爛瘡。治風腫。風癩。療肺癰。肺痿。故聖藥爲瘡家之號。的藥來

風家之稱。升提元陽。不下陷陰。分挾引諸藥。同行達四經。東垣云。

引葱白散。手陽明風邪。引石膏。止足陽明齒痛是也。稍子收取堪


治脾瘕。久服不夭。輕身益壽。

誤按仲景傷寒論云。瘀血入裏。若衄血吐血者。犀角地黃湯主之。夫犀角乃陽明聖藥也。又曰如無犀角。代以升麻。其犀角升麻氣味大相遠隔。何以代云。不過知升麻亦陽明經藥。用之以引地黃及諸藥。同入陽明經爾。舍此他用。豈復能乎。

麻升州滁



麻升州漢




車前子

味甘鹹。氣寒無毒。山野道途處處生長。一名牛舌草。又謂

蝦蟇衣。葉中起苗。苗上結子。細類葶藶。採擇端陽。專入膀胱。兼療肝臟。通尿管。淋瀝澀痛。不走精氣。為奇。毆風熱。衝目赤痛。旋去醫

膜。誠妙。濕痺堪卻。生產能催益精強陰。令人有子。故今種子方內所製五子衍宗丸。枸杞菟絲五味覆盆。斯亦列其名者。蓋由得此說也。根葉搗生汁飲之。治一切衄血。尿血。亦利水道。堪逐氣癰。久服輕身。延年耐老。

滁州車前子



地膚子

一名落帚子

味苦。氣寒無毒。生于平澤中。苗名鐵掃帚。葉如荊芥

子類。蠶沙。秋末採收。陰乾入藥。專利水道。去熱膀胱。多服益精強陰。又服明目聰耳浴身。卻皮膚瘙癢熱疹。洗眼除熱暗雀盲。溢疹

葉搗絞汁服之又散諸惡瘡毒。泄瀉分滲。血痢兼毆。

密州地膚子



蜀州地膚子



决明子

味鹹苦甘。氣平微寒。無毒。川澤多生。苗高數尺。葉頗首偃。潤大。堪作菜蔬。子如菘豆。銳圓。可入藥劑。冬月採曝。搗碎。纒煎。惡火麻。使著實。除肝熱。尤和肝氣。收目淚。且止目疼。誠為明目僊丹。故得决明美譽。仍止鼻衄。水調末。急貼腦心。更益壽齡。蜜為丸。空心吞服。治頭風。須築枕臥。消腫毒。亦調水敷。頭痛兼毆。蛇毒可解。  
第二卷青葙子款後 謨 按宜參看

决明子



蒺藜子

味苦辛。氣溫微寒。無毒。多生同州沙苑。屬河南亦產近地道

旁。牧馬草場。布地。蔓出。詩云。墻有茨者是焉。使宜烏頭。種分黑白。

黑成顆粒。較馬藻子略殊。此種多白多刺芒。比鐵蒺藜無異。此種

近地黑僅合丸散。生取研成。白堪用煎湯。刺須炒去。破婦人癥結積

聚。止男子遺溺泄精。催生落胎。止煩下氣。乳發帶下。易効。肺痿膿

吐可瘳。療雙目赤疼。醫生不已。治遍身白癩。瘙癢難當。除喉痺。用

瘡消痔瘻。陰汗。久服堪斷穀食。輕身明目。長生。葉煮浴湯。亦

癢

同州白蒺藜



秦州蒺藜子



藍實

味苦甘。氣寒無毒。閩贛閩係福建贛屬江西甚多。近道亦有。所產須分

數種。木藍馬藍并松藍與藍俱不入藥入藥惟用蓼藍。認狀的真。與蓼無異。人家園

圃亦每種栽。秋採實曝乾。微研碎煎服。殺蟲蚊。挂鬼惡毒。毆五臟

六腑熱煩。益心力。填骨髓。補虛聰耳目。利關節。要竅。久服勿厭。黑

髮輕身。莖葉可作靛染青。生搗堪絞汁頓飲。散熱風赤腫。愈疔毒。金瘡和麝香點諸蟲咬傷單飲下。追驚癩脹痛。中百藥毒總解生

諸惡瘡。並毆衍義云。藍屬水有木。能使散敗之血。分諸經絡。故解

諸毒。而得効之速焉。又治小兒壯熱成疳。更療婦人產後血暈。消

赤眼暴發。止吐衄時來。天行瘟疫熱狂。並宜急取煎服。丹溪普濟

消毒飲中。加板藍根者。卽此是也。○造成青靛亦入醫方。火癩火

丹塗之卽退。○又染甕上浮沫。卽靛花雖名青黛。非真。真者出波斯

國間。真青黛形狀與靛花不同類路遠罕有。此却因功效相類。本經註云。靛花

功特假爲名。旋收曝乾。色甚紫碧。市家多取乾靛克賣。殊不知靛

枯黑重實。花嬌嫩輕浮。不可不細擇爾。以水飛淨灰脚。合丸製散

隨宜治。小兒發熱驚癇。調小兒疳蝕消瘦。瀉肝止暴注。下毒殺惡

蟲。收五臟鬱火有功。清上膈痰火最効。毆時疫頭痛。斂傷寒赤斑

水調服之。應如桴鼓。○染成青布。堪剪燒灰。外科方中。亦每單用

敷惡瘡。經年不愈。貼炙瘡出血難差。

按靛花雖非青黛然治小兒疳蝕消瘦發熱屢有奇功古傳歌括一章附後令人便覽歌曰小兒雜病變成疳不問強羸女與男腹內時時如下痢青黃赤白一般般眼澁面黃鼻孔赤穀道開張不欲看煩熱毛焦兼口渴皮膚枯槁四肢癱唇焦嘔逆不乳哺壯熱增寒臥不安此方便是青黛散取効猶如服聖丹

蜀州藍葉



藍 實




天麻


味辛苦氣平無毒春初始生苗葉彷彿芍藥成叢中起梗二三尺高因名赤箭下發根玉瓜般大此謂天麻鄆利二州並屬山

谷俱有秋月採取乘潤刮皮略老及沸湯曝乾入藥治小兒風癇驚悸療大人風熱頭眩毆濕痺拘攣主癰瘰寒滯通血脉開竅利腰膝強筋諸毒癰疽並堪調愈○再考赤箭原號定風益氣力強陰下支蒲除疝殺鬼精蠱毒消惡氣腫癰久服增年輕身肥健  
謨按別說云天麻言根用之有自內達外之理赤箭言苗用之有自表入裏之功蓋根則抽苗徑直而上豈非自內達外乎苗則結子成熟而落反從榦中而下至土而生又非自表而入裏乎以此而觀麓可識其內外主治之理也

赤箭



天 麻



蘭葉 味辛甘。氣平寒。無毒。即春秋開花蘭香葉也。幽谷深林。隨處俱有。葉長不瘁。花小甚香。凡入藥中。採葉煎服。利水道。劫痰癖。益氣生津。殺蟲毒。碎不祥。潤膚逐痺。膽瘕必用。消渴須求。東垣有云。能散積久陳鬱之氣。內經亦曰。治之以蘭除陳氣也。久服不老。輕身通神。

謨按蘭草生於深林。似慎獨也。故稱幽蘭。其葉長青。其莖深紫。與蕙相類。逢春出芽。一幹一花。而香有餘者名蘭。一幹五六花。而香不足者名蕙。花同春開。但蘭先而蕙繼之。然江南之蘭。只春芳郁。荆楚閩廣。秋復再芳。故有春蘭秋蘭不同爾。丹溪云。幽蘭葉稟金水清氣。而似有火。人知花香之貴。不知藥用有方。如東垣之所云也。况藥味載諸內經甚少。而蘭獨擅名。非深有力。其能致乎。

幽蘭



蕙草




蒲黃

味甘。氣平無毒。種盛秦州。屬南直隸根滿池澤。經秋盡瘁。逢春復生。初萌孽紅白茸茸。為蒲菹。曾載周禮。漸成柄。甘脆可噉。號蒲筍。

亦著誌書。春深發葉成叢。夏半抽梗中起。花抱梗梢。名蒲莖。類武林棒槌。屑綴花中。即蒲黃。似畫者金粉。市廛收為糶賣。用蜜和作甚益小兒醫家採入藥煎。飾淨曝乾。血病必用。補血止血。須炒破。血消腫宜生。止血熱妄行。吐衄唾咯立効。消瘀血凝積。癥瘕崩帶殊功。調女人血候不勻。去產婦兒枕作痛。療跌撲折損。理風腫癰瘡。久服如

常其功旋奏。輕身兼益氣力。延年可作神仙。但不益極虛之人。若多食未免自利。篩後赤滓。篩去細黃其饒赤滓在篩上者蒲萐當知。赤滓名也止瀉澁腸。亦宜炒使。苗採作薦。乃名香蒲。除臭爛口中。毆邪氣心下。聰耳明目。耐老堅牙。

黃蒲



蒲香



卷栢 味辛苦。氣溫平微寒。無毒。多生石厓濕處。形僅寸半而長。莖葉紫青。彷彿匾栢。遇雨舒開如掌。經晴卷束如拳。凡欲用之。隨時收採。止血用炙。去血宜生。治婦人癥瘕血閉。殊功。療男子風眩痿。

感立効。止脫肛而散淋結。除啼泣以毆鬼邪。尸疰鬼疰腹痛百邪鬼魅啼泣酒煎服之益精強陰。鎮心安魄。煖水臙育孕。和顏色輕身。

海州卷栢



兗州卷栢



何首烏

味甘苦澁。氣微溫無毒。今生近道原出。祐城。縣名屬山籬塹

墻垣。隨處蔓發。有雌雄二種。對長苗成藤。夜交合相聯。晝分開各植。凡資入藥。秋後採根。大類山甜瓜。外有五稜瓣。雌者淡。自雄者淺紅。雌雄相兼功驗方獲。咀竹刀。禁傷鐵器。浸泔水。過宿曝乾。木杵搗春。茯苓引使。忌猪羊血汁。惡蘿蔔菜蔬。主癩癧癰疽。療頭面。

風癰長筋骨悅顏色益血氣止心忡久服添精令人有子婦人帶下為末酒調原取名曰夜交藤後因順州南河縣何翁服之白髮變黑故改稱為何首烏也花採九蒸九曝久服亦駐顏容

按李遠曰此僊草也五十年者如拳夫服一年則鬚髮黑百齒更生二百年者如斗栲栳大服一年則貌如童子走及奔馬三百年者如三斗栲栳大其中有鳥獸山嶽形狀號山精純陽之體久服則成地僊也李君斯言必有所考不然豈妄誕以欺人哉況今臺閣名公競相採取異法精製為丸日吞亦因獲効異常曾令鍍梓傳世或僉曰八僊丹或曰延壽丹或曰八珍至寶丹徵實取名一以重藥之非凡二亦表李君之不誣矣

### 西京何首烏



益母草

一名菀蔚

味辛甘氣微溫無毒方梗凹音凹面對節生枝葉如火麻

花開紫色

此草有二種開白花者不入藥

川澤隨處俱有端午連根拔收風際陰

乾忌犯鐵器單用最効方載女科或研羅細末煉蜜為丸或搗煎濃湯熬成膏汁總調胎產諸證故加益母之名去死胎安生胎行瘀血生新血治小兒疳痢敷疔腫乳癰汁滴耳中又主聾耳細剉醋炒馬齒堪敷且制硫黃尤解蛇毒多服消腫下水久服益精輕身子味相同亦理胎產善除目翳易去心煩



按丹溪云。芫蔚子活血行氣。有補陰之功。故名益母。凡胎前產後有所恃者。血氣也。胎前無滯。產後無虛。以其行中有補也。

### 益母草



續斷

味苦辛。氣微溫。無毒。陝蜀最盛。三月纔生。似苧麻葉。苗榦四稜。類大薊根。皮色黃赤。資之入藥。取根於秋。多有麤良。務擇精細。但認狀如鷄脚者為上。節節斷皮黃。皺者方真。去向裏硬筋。以醇酒浸宿。烈日曝過。薄片咀成。惡雷丸。使熟。苦續筋骨。調血脉。專療跌撲折損。消腫毒。生肌肉。善理金瘡。癰傷。乳癰。瘰癧。殊功。腸風痔瘻。立効。縮小便。頻數。固精滑。遺亦煖子宮。俾育妊孕。久服自回氣力倍常。

### 晉州續斷



漏蘆

味苦鹹。氣寒。無毒。一名野蘭。莖若筋。大葉似白蒿。有莢。花綻

莢端色黃。子結類。油蔴作房。根生如蔓。菁細黑。單州屬山西出者為

勝。八月採根。陰乾。製度如儀。違錯弗効。咀成薄片。相對甘草而蒸。

從已至申。檢淨甘草纜用。出雷公連翹為使。行足陽明。治身體風

熱。惡瘡。去皮膚癢。癩癧。主乳癰。發背。理痔瘻。腸風。補血。排膿。生

肌長肉引經脈下乳汁續筋骨療折傷止遺溺泄精除風眼濕痺  
匪專煎飲亦作浴湯又服益氣輕身耳目聰明不老

秦州漏蘆



沂州漏蘆



忍冬

味甘氣溫無毒多生田坂墜叻或產園圃墻垣凌冬不凋名  
由此得蔓延樹上藤多左纏故又名左纏藤莖梗方小微紫葉如  
薜荔而青四月開花香甚撲鼻初開色白經久變黃因又名金銀  
花又名鷺鷥藤又名金釵股又名老翁鬚凡藥名者蓋乃美其藤  
之異常此則美其花之出類也根莖花葉隨時採收春夏採花葉

專治癰疽誠為要藥未成則散甚多拔毒之功已成則潰大有回  
生之力或搗汁攪酒頓飲或研爛拌酒厚敷或和別藥煎湯隨證  
輕重取効別說又云大治五種飛屍倘被鬼擊作痛亦可服也血  
痢水痢兼治風氣濕氣咸除老人久久服之輕身長年益壽

謨按此草甚多處處生產患人生癰發毒固未肯遺老人益壽  
延年何嘗採服且人莫不欲壽也至易得者尚不肯為反更求  
遠方難得之藥是貴遠賤近  
庸人之情習俗之常也

忍冬藤



巴戟天

味辛甘。氣微溫。無毒。江淮雖有。巴蜀獨優。多生深谷茂林。

葉厚凌冬不瘁。故俗名二蔓草。又名不凋草也。凡入藥劑。採根陰

乾。宿根色青。嫩根色白。用之功力相若。但選肉厚連珠。根原有心

乾。縮自落。人或抽摘。中亦空虛。非自有小孔耳。未去盡者。亦宜抽之。即今方

家。惟以中間紫色者為良。據蜀人云。都無紫色。咸係染成。或用黑豆煮汁沃之。或亦

同煮。紫雖做成。氣味殊失。或又採山葎根。染紫假充。蜀中一種山葎。根形亦相

類。但色白。用醋煮之。乃紫。多採充實。莫能辨認。俱不可不細察也。擊破視之。其中紫而鮮

又有微白。摻如粉。色壘小暗也。製須酒浸。過宿曝乾。惡丹參雷丸。宜覆盆為使。禁

起併小腹。牽引絞疼。安五臟。健骨強筋。定心氣。利水消腫。益精增

志。惟利男人。

天戟巴州滁



天戟巴州歸



者實

味苦酸。氣平無毒。種生蔡州山谷。今河南上蔡縣苗類青蒿作叢。多

者三五十莖。高者六七尺許。莖莖條直。自異群蒿。花類菊花。淡黃。

亦同秋綻。實若楮實。深赤。但不味甜。九月採收。曝乾待用。明目增

智慧。益氣克肌膚。久服不饑。輕身耐老。

謾按劉向說苑云。天下和平。聖君在位。其種長丈。一根百莖。下

必守以靈龜。上常罩有雲霧。蒲山無毒螫。一方絕虎狼。莖採類


鳳尾龍頸。卜筮通天根。月窟誠為神物。世所罕稀。今所生者不

過出蔡州尋常而已。安能得絕妙之如是耶。

省 貫



蔡州著實



五加皮

味辛苦。氣溫微寒無毒。山澤多生。隨處俱有。藤蔓類木。高並人肩。五葉作叢為良。三葉四葉略次。凡仗人藥。採根取皮。畏蛇。蝮人參。宜遠志為使。堪用釀酒。任研為丸。逐多年瘀血在皮筋中。毆常痛風痺纏脚膝裏。堅筋骨健步。強志意益精。去女人陰癢難當。扶男子陽痿不舉。小便遺瀝可止。陰蝕疽瘡能除。輕身延年。長生不老。真仙經藥也。葉採作蔬食。散風麻於一身。根莖煎酒嘗治。

風癱於四末

衡州五加皮




無為軍五加皮



謹按五加之名。據義甚大。蓋天有五車之星精也。青精入莖。則有東方之液。白氣入節。則有西方之津。赤氣入華。則有南方之光。玄精入根。則有北方之飴。黃煙入皮。則有戊巳之靈。五神鎮生。相轉育成。服一年者。貌如童稚。服三年者。可作神仙。故魯定公母。單服此酒。以致不死。張子聲等皆服得生二十餘子。享壽三百多年。昔人嘗云。寧得一把五加。不用金玉滿車。寧得一斤。

地榆不用明月寶珠信非長生藥致是稱乎。



圖像本草蒙筌卷之二

新安陳嘉謨廷采纂輯

門生

歙邑葉集

鮑倚

校刊

譚陽後學劉孔敦

若樸

增補

草部中

芎藭

味辛氣溫升也。陽也。無毒。生川蜀。名雀腦芎者。圓實而重。狀

也。品用治凡病證俱優。產歷陽。屬廬州府名馬銜芎者。根節大莖細。狀如馬銜。含止

齒根血獨效。京芎關中所種。關中自古西京多。種蒔因而得名。功專療偏頭疼。台芎

出台州。屬浙江只散風去濕。撫芎出撫郡。屬江西惟開鬱寬胸。餘產入

藥不堪。煮湯浴身則可。一名香果。嘗載圖經。秋採曝乾。拯疴。形擇

重實潔白。勿用油者。惡黃耆山茱狼毒。畏硝石滑石黃連。反藜蘆使白

芷。乃手少陽本經之藥。又入手足厥陰二經。堪佐升麻。升提氣血

止本經頭痛。血虛頭痛之不可遺。餘經頭痛亦宜用。散肝經諸風。俱各加引經藥。頭面遊風之不可缺。上行頭目。下行血海。通肝經血中之氣藥也。治一切血。破癥結宿血。而養新血。及鼻洪吐血。溺血。婦人血閉無娠。治一切氣。歐心腹結氣。諸般積氣。併脇痛痰氣。疝氣。中惡卒痛。氣塊。排膿消瘀。長肉。兼理外科。溫中燥濕。散寒。專除外感。得牡蠣。療頭風旋暈吐逆。得細辛。治金瘡作痛。呻吟。同生地黃煎。禁崩漏不止。用陳艾湯調末。試胎孕有無。婦人經斷三四月用此藥服。之腹內覺動是孕。否則病也。所忌須知。單服久服。犯則走散真氣。令人暴亾。務加他藥佐之。中病便已。○薜無係芎苗葉。地產又尚雍州。屬陝西。卻風眩止泄瀉。除蠱毒鬼症。主欬逆驚癇。

謨按芎藭不宜單服久服。犯則走散真氣。令人暴亾。無乃因其氣味辛溫。辛甘發散之過。丹溪嘗此示人也。又古一婦人感患

頭風服芎半年。一旦暴死。亦載經註。垂戒叮嚀。迹此觀之。芎散之禍。信弗輕矣。故今明醫。每用四物湯。治虛怯勞傷。減去其芎。亦鑒此轍。奈何鄉落愚民。罔明藥性。時採土芎煎茶。謂製香羊體氣稍實。僥倖無虞。儻涉虛羸。鮮不蒙其禍者。惟歸天命。果亦天作孽耶。抑自作孽耶。

鳳翔府芎藭



永康軍芎藭



**芎藥** 味苦酸。氣平微寒。氣薄味厚。可升可降。陰中之陽。有小毒。近道俱生。淮南獨勝。開花雖顏色五品。入藥惟赤白二根。山谷花葉

單根重實有力。家園花葉盛。根輕虛無能。反藜蘆惡硝斛。石斛畏  
 硝石鼈甲小薊。使烏藥沒藥雷丸。入手太陰肺經。及足太陰脾臟。  
 赤白因異。製治亦殊。赤芍藥色應南方。能瀉能散。生用正宜。白芍  
 藥色應西方。能補能收。酒炒纔妙。若補陰酒浸日曝勿見火赤利小便去熱消  
 癰腫破積堅。主火盛眼疼要藥。白和血脉緩中。固腠理止瀉痢。為  
 血虛腹痛捷方。已後數條。惟白可用。得甘草炙為輔佐。兼主治寒  
 熱腹疼。熱加黃芩。寒加肉桂。與白朮同用補脾。與參耆同用益氣。  
 與川芎同用瀉肝。凡婦人產後諸病。切忌煎嘗。因其酸寒。恐伐生  
 發之性故也。儻不得已要用。桂酒肉桂煎酒漬炒少加。血虛寒人亦禁  
 莫服。經云。冬月減芍藥。以避中寒。則可徵矣。

謨按芍藥何入手足太陰也。蓋酸澁者為上。為收斂停濕之劑。  
 故爾。雖主手足太陰。終不離於收降之體。又至血海而入九地  
 之下。直抵於足厥陰焉。氣味酸收。又何利小便也。蓋腎主大小  
 二便。用此益陰滋濕。故小便得通。仲景治傷寒。每多月者。却非  
 以其主寒熱利小便乎。一說芍藥本非通利之藥。因其能停諸  
 濕。而益津液。故小便自利。於義亦通。又何謂緩中也。蓋損其肝  
 者。緩其中。即調血止痛之謂。丹溪云。芍藥惟止血虛腹痛。然諸  
 痛並宜辛散。此僅酸收。故致血調。血調則痛自止。豈非謂緩中  
 也。

### 澤州芍藥



**黃芩** 味苦。氣平。大寒。味薄。氣厚。可升可降。陰也。陰中微陽。無毒。所  
 產尚彭城。屬山東凡用擇深色。剔去內朽。刮淨外衣。薄片咀成。生炒

如式單惡葱實勿令同煎畏丹砂牡丹藜蘆用山茱龍骨引使枯  
 飄者名宿芩入手太陰上膈酒炒為宜堅實者名子芩入手陽明  
 下焦生用最妙宿芩瀉肺火消痰利氣更除濕熱不留積於肌表  
 間子芩瀉大腸火養陰退陽又滋化源常克溢於膀胱內一赤痢  
 類併可止一赤眼脹痛能消得五味蒙蠟五味子牡蒙牡蠟育妊娠得白  
 木砂仁安胎孕療鼠瘦同耆欵赤豆黃耆白欵赤小豆治腹疼同厚朴黃  
 連又煎小清空膏載丹溪方單味而清頭腦總除諸熱收盡全功子研  
 細煎湯治腸澀膿血

耀州黃芩



潞州黃芩



黃連

味苦氣寒味厚氣薄可升可降沉也陰也陰中微陽無毒宜

連出宣城

屬南直隸

肥麓苗少去苗收者

川連

生川省

瘦小苗多帶苗收者

並取

類鷹爪連珠不必分地土優劣日曝待甚乾燥布袋摺音落淨鬚苗

治諸火邪依各製炒火在上炒以醇酒火在下炒以童便實火朴

硝虛火醞醋痰火薑汁伏火火伏下焦者鹽湯氣滯火同吳茱萸血痕

火拌乾漆末食積瀉亦可服陳壁土向東者妙研炒之硝茱漆土俱研細調水和炒

肝膽火盛欲毆必求猪膽汁炒又治赤眼人乳浸蒸或點或吞立  
 能劫痛勝烏附烏頭附子畏款冬惡芫菊芫花菊花玄參忌猪肉冷水為使  
 黃芩龍骨入手少陰心經巴豆遇之其毒即解可熬膏煎液任合  
 散為丸香連丸廣木香和攪為腹痛下痢要藥茱連丸吳茱萸佐  
 助乃吞吐酸水神方如止消渴便多單研蜜為丸亦効同枳殼治  
 血痔同當歸治眼瘡佐桂蜜煎服空心黃連為君佐官桂少許煎百沸入蜜空心服之使



心腎交於頃刻。鎮肝涼血。凡治血防風為上使黃連為中使地榆為下使調胃厚腸。益膽止驚。瀉心除痞。滿去婦人陰戶作腫。愈小兒食土成疳。消惡瘡。惡癰。卻濕熱鬱熱。○又種生羌胡國土。因以胡黃連為名。乾如楊柳枯枝。折斷一線煙出。氣平寒。味尤苦甚。心內黑。皮略淡黃。惡玄參菊花。亦解巴毒。忌猪肉悞食。令人洩精。療癆熱骨蒸。治傷寒欬嗽。溫瘧多熱。即解。久痢成疴。竟除。補肝膽。劫目痛。九靈理腰腎。欬陰汗最捷。小兒盜汗潮熱。婦人胎蒸虛驚。並宜用之。不可缺也。

謨按苦先入心。火必就燥。黃連苦燥。乃入心經。雖云瀉心實瀉脾臟。為子能令母實。實則瀉其子也。但久服之。反從火化。愈覺發熱。不知有寒。故其功效。惟初病。氣實熱盛者。服之最良。而久病氣虛發熱。服之。又反助其火也。

雅州黃連



宣州黃連



廣州胡黃連



桔梗 味辛苦。氣微溫。味厚氣輕。陽中陰也。有小毒。嵩山前註雖盛。近道亦多。交秋分後採根。噬味苦者入藥。蘆苗去淨。泔漬洗宋泔焙乾。入手足肺膽二經。畏白芨龍眼龍膽。開胸膈除上氣壅。清頭目。

散表寒邪。毆脇下刺疼。通鼻中窒塞。咽喉腫痛急覓。中惡蠱毒當求。逐肺熱。住欬下痰。治肺癰排膿養血。仍消恚怒。尤卻怔忡。又與國老草甘並行。同為舟楫之劑。載諸藥不致下墜。引將軍黃大可使上升。解利小兒驚癇。開提男子血氣。○薺危別種味甘氣寒。在處山谷生。苗與桔梗似。根甚甘美。可亂人參。土人取蒸。扎匾以克人參。賣者即此是也。善解諸毒。別無所能。蛇蟲毒搗敷。藥石毒生服。以毒藥與之共處。其毒氣自旋消無。野猪被毒箭中傷。亦每食此物

潤州薺危



蜀州薺危



和州桔梗



秬樓實

味苦甘。氣寒。味厚氣薄。屬土有水陰也。無毒。春生山野僻處。苗係藤蔓引長。葉作叉有毛。似甜瓜葉花淺黃六瓣。似葫蘆花實結拳大

青漸赤黃。皮黃蒂小正圓者名秬。皮赤蒂麓銳長者名樓。名傳雖異。證治相同。霜降採收。罔圖搗爛。或煨蛤蜊粉和。擇紫口者煨研

半斤或研明礬末攪。括樓一斤。明礬四兩。各以新瓦貯盛。置於風日處所。待甚

干燥復研細霜。明礬者號如聖丹。用薑汁打糊丸。就生薑湯吞下出向良碧方

蛤蜊者勝真海粉。可多備聽用一年。出諸證方並主痰喘欬哮。服下神効立獲取子。剝殼用仁。滲油。重紙包裹。磚壓滲之。只一度。免人惡心。母多

捷性潤下氣佳令垢滌鬱開故傷寒結胸必用俾火彌痰降凡虛怯癆嗽當求解消渴生津悅皮膚去皺下乳汁炒香酒調未服仁取炒香熟為末酒調一七覆面臥少時止諸血並炒入藥煎湯一切血症並治莖葉搗汁濃煎中暍音謂傷暑服効○又天花粉即栝樓根挖深土者曝乾刮麤皮淨咀片善潤心中枯渴大降膈上熱痰腫毒排膿潰瘍長肉消撲損瘀血除時疾熱狂毆酒疸去身面黃通月水止小便利仍治偏疝酒浸微煎如法服之住痛如劫先以錦袋包煖陰囊取天花粉五錢以醇酒一碗早晨漬至下午微煎滾於天空下露過一宿次早低凳坐定雙手按膝飲下即愈如未効再服一劑造粉調粥日食亦潤枯燥補虛

栝樓根名天花粉  
內有花紋天然而成故名之



衡州栝樓



均州栝樓



貝母

味辛苦氣平微寒無毒荆襄多生苗莖青色葉如大麥葉花類鼓子花近冬採根曝乾聽用有瓣如聚貝子故人以貝母名黃白輕鬆者為良油里董硬者勿用去心咀片入肺行經消膈上稠痰久欬嗽者立効散心中逆氣多愁鬱者殊功仲景治寒實結胸製小陷胸湯以栝樓子黃連輔斯作主因味辛散苦瀉故能下海氣今方改用半夏候也藏療產後無乳立三母散用牡蠣知母尊此為君煮猪蹄湯調服足生人面惡瘡燒灰油敷收口產難胞衣不出研末酒服離懷時疾黃疽

能毆赤眼膚腎堪點除疝瘕喉痺止消渴熱煩○又丹龍睛係獨  
顆瓣無分拆儻候煎服令遍身筋不收持藍汁黃精合飲即解

護按世俗多以半夏有毒棄而不用每取貝母代之殊不知貝  
母乃太陰肺經之藥半夏乃太陰脾陽明胃經之藥何得而相  
代耶且夫欬嗽吐痰虛勞吐血咯血痰中見血咽痛喉閉肺癰  
肺痿婦人乳難癰疽及諸鬱證此皆貝母為向導也半夏乃為  
禁用若涎者脾之液也美味膏梁炙博大料皆生脾胃濕熱故  
涎化稠粘為痰久則生火痰火上攻故令昏懵不省人事口噤  
偏廢僵仆蹇澁不語生死旦夕自非半夏南星局可治乎若以  
貝母代之則束手待斃矣

貝母實



丹龍睛 圓無瓣者勿用



貝母



款冬 味辛甘氣溫陽也無毒生常山 縣名屬浙江 山谷及上黨 註煎水

傍葉大成叢似葵花出根下如菊百草中惟此不顧冰雪最先春  
者也原呼鑽凍今名款冬擇未舒嫩莖採收去向外裹花零殼甘  
草湯浸一宿待乾揉碎纔煎惡硝石皂莢玄參畏麻黃辛夷貝母  
仍畏四味芩連者黃芩黃連黃耆青葙使杏仁宜紫苑治肺癰膿血腥臭  
止肺欬痰唾稠粘潤肺瀉火邪下氣定喘促卻心虛驚悸去邪熱  
驚癇補劣除煩洗肝明目又毆久嗽燒煙吸之

晉州款冬花



紫苑

味苦辛。氣溫無毒。近道多生。真定郡名屬北直隸獨勝。根甚柔細。春

初採收。水洗淨去頭。蜜浸宿焙用。忌雷丸遠志。惡瞿麥天雄。畏茵

陳蒿。使款冬。莖主欬逆痰喘。肺痿吐膿。治小兒驚癇。寒熱結氣。虛

勞不足能補。蠱毒痲瘖堪毆。仍佐百部款冬。研末薑梅湯下。共治

久嗽。立建神功。欬冬莖各一兩。百部五錢。為末。每服三錢。○女苑

氣味同。漢中郡名屬陝西川谷產。一名白苑。惟畏鹵鹹。紫苑缺時用此

可代。亦主驚癇。寒熱氣喘。又止霍亂。瀉痢腸鳴。除肺傷。欬勤。去膀胱

脫支滿。

解州紫苑



馬兜鈴

味苦。氣寒。陰中之陽。無毒。山谷俱有。野坂尤多。藤蔓繞樹

而生。結實如鈴。五瓣。去革膜。取向裏。匾子。入藥劑。微炒。燥為良。燒

煙熏。痔瘻。蠱瘡。煎湯。劫痰。結喘。促。去肺熱。止欬。清肺氣。補虛。○根

名青木香。亦為散氣藥。

信州馬兜鈴



滁馬兜鈴



木香

味甘苦。氣溫。味厚於氣。降也。陰中陽也。無毒。出自外番。來從  
閩廣。形如枯骨。苦口粘牙。凡欲用之。勿見火日。合丸散。日際熏乾。  
煎熟湯。臨服投末。氣劣氣不足。能補氣。脹氣窒塞。能通和胃氣。如  
神。行肝氣最捷。散滯氣於肺上膈。破結氣於中下焦。毆九種心疼。  
逐積年冷氣。藥之佐使。亦各不同。破氣使檳榔。和胃佐薑橘。止霍  
亂吐瀉。嘔逆翻胃。除痞癥塊。臍腹脹疼。安胎健脾。誅癰散毒。和  
黃連。治暴痢。用火煨。實大腸。辟瘟疫邪。禦霧露瘴。易老云。總調諸  
氣之劑。不宜久久服之。

謨按王海藏謂本經云。主氣劣氣不足。藥性論謂安胎健脾。是  
皆補也。衍義謂瀉胸腹窒塞積年冷氣。日華子謂除痞癥塊。  
是皆破也。易老總謂調氣之劑。不言補。不言破。諸說不同。何也。  
恐與補藥為佐。則補與瀉藥為佐。則瀉。故云然也。

除州青木香



廣州木香



大茴香

即懷香子

味辛。氣平。無毒。鄉落多生。秋月方採。殼有八角。子赤藏

中嚼甚香甜。鹽酒炒用。入心腎二臟。及小腸膀胱。主腎勞疝氣。小  
腸吊氣。攣疼。理乾熱脚氣。膀胱冷氣。腫痛。開胃止嘔。下食。調饌止  
臭生香。為諸痿霍亂捷方。補命門不足。要藥。療惡腫癰毒。搗根葉  
汁吞。○又小茴香。家園栽種。類蛇床子。色褐。輕虛。亦治疝散疼。每  
同煎取効。飲饌大料。增入尤奇。○別種蒔蘿。出自閩廣。顆粒似蔓  
椒開口。俗呼蒔蘿椒。內有黑子。但皮薄。色褐。不紅耳。氣味比茴香更辛。散氣除脇肋膨

調饌殺魚肉毒消食開胃溫中健脾

大茴香



藜香子

小茴香



廣州蒞蘿



香附子

即莎草根味苦甘氣微寒氣厚於味陽中陰也無毒近道郊野俱

注高州屬廣東出者獨勝狀如棗核周匝有毛秋取曝乾忌犯鐵器

預春熟童便浸透復搗碎砂鍋炒成若理氣疼醋炒尤妙乃血中

氣藥凡諸血氣方中所必用者也快氣開鬱逐瘀調經除皮膚癢

癢外邪止霍亂吐逆內證炒黑色禁崩漏下血調醋末敷乳腫成

癰宿食可消泄瀉能固毆熱長毛髮益氣克皮毛久服利人之劑

亦當解悟又引血藥至氣分而生血故因而稱曰婦人要藥也

謨按本經諸方用逐瘀血調經是下氣而推陳也用治崩漏不

止是益氣而止血也又云引血藥至氣分而生血是又能補何

如言相背戾用相矛盾耶雖然亦陰生陽長之義爾但本經

未嘗言補惟下老湯用之言于老人有益意有存焉蓋于行中

兼有補補中兼有行正如天之所以為天者健而有常也健運

不息所以生生無窮即此理也

澧州莎草



益智

味辛。氣溫。無毒。嶺南州郡。歲歲有生。去殼取仁。研碎入藥。主

君相二火。入脾肺腎經。在四君子則入脾。在集香丸則入肺。在鳳  
髓膏則入腎。三經而互用者。蓋有子母相關意焉。和中氣。及脾胃  
寒邪。禁遺精。併小便遺溺。止嘔噦。而攝涎唾。調諸氣。以安三焦。更  
治夜多小便。入鹽煎服。立効。

雷州益智子



縮砂蜜

味辛苦。氣溫。無毒。產波斯國中。及嶺南山澤。苗高三四尺。

許

類高良薑苗莖

葉有八九寸長

闊半寸許

開花近根。嬌媿結實成穗。連綴皮

緊厚多皺。色微赤黃。子八漏一團。粒如黍米。故名縮砂蜜也。秋採  
陰乾。精製如式。先和皮慢火炒熟。纔去殼取仁。研煎與益智子入  
參為使。入脾。與白檀香。荳蔻為使。入肺。黃蘗。茯苓為使。入膀胱腎。  
赤白石脂為使。入大小腸。除霍亂。止惡心。卻腹痛。安胎。溫脾胃。下  
氣。治虛勞冷瀉。併宿食不消。止赤白洩痢。及休息痢證。總因通行  
結滯。服之。悉應如神。起酒味甚香。調食饌亦妙。

新州縮砂蜜

即砂仁





草菓 味辛氣溫升也陽也無毒惟生閩廣八月採收內子大粒成團外殼緊厚黑皺凡資入劑取子剉成氣每熏人因最辛烈夏月造生魚鱠亦多用此釀成故食饌大料方中必仗以為君也消宿食立除脹滿去邪氣且卻冷疼同縮砂溫中焦佐常山截疫癘碎山嵐瘴氣止霍亂惡心

按草菓本經原未載名今考方書補其遺缺但性辛烈過甚此合諸藥同煎氣獨熏鼻則可知矣雖專消導大耗元陽老弱虛羸切宜戒之

草菓仁



肉豆蔻 味苦辛氣溫無毒胡國多生嶺南亦產一名肉菓形類彈丸油色肥實佳麵包煨熟用所入經絡推手陽明療心腹脹疼卒

成霍亂者可止理脾胃虛冷不消宿食者能溫男婦傷暑血痢有功小兒傷乳吐瀉立効痢疾助之白粥飲吐瀉佐以生薑湯

廣州肉豆蔻



白豆蔻 味辛氣大溫味薄氣厚陽也無毒原出外番今生兩廣苗

類芭蕉最長葉如杜若不開花淺黃結子作朶生青熟白七月採收入手太陰肺經別有清高之氣散胸中冷滯益膈上元陽溫脾土卻疼退目雲去障止翻胃嘔消積食膨

### 廣州白豆蔻



草豆蔻

味辛。氣溫。陽也。無毒。交趾

名國

多生。嶺南亦有。苗類杜若梗

根似高良薑。花作穗。嫩葉卷之而生。葉漸舒。花漸出。如芙蓉。淡紅

實結苞。至秋成殼而熟。秋方老。殼方黃。似龍眼微銳。外皮有稜。如

稜子無鱗

甲中子連綴

亦似白豆蔻多粒

甚辛香。應時採收。曝乾收貯。入劑

剝殼取子。行經惟胃與脾。去膈下寒。止霍亂吐逆。絞臍上痛。逐客

忤邪傷。酒毒尤消。口臭即解

謨

按草豆蔻。用治中脘冷疼。鮮有得其真者。市家多以草仁假

代。安獲奇功。考究圖經。著明形色。俾後醫士。過目即知。即但可

取効。病人。抑亦不受欺於賣者也。

### 草豆蔻



藿香

味辛甘。氣微溫。味薄。氣厚。可升可降。陽也。無毒。嶺南郡州。人

多種。蒔七月收。採氣甚芬香。市家多攙棉花葉。茄葉假克。不可不

細擇。爾揀去枝梗。入劑。專治脾肺二經。加烏藥。順氣散中。奏功于

肺。加黃耆。四君子湯內。取効在脾。人傷寒方。名正氣散。理霍亂。俾

嘔吐止。開胃口。令飲食增。禁口臭難聞。消風水延腫

### 蒙州藿香



高良薑 味辛苦。氣大温。純陽無毒。高良係廣屬郡。今誌改名高州。薑乃地土所生。形多細小而緊。健脾消食。下氣温中。除胃間冷逆。衝心。卻霍亂轉筋瀉痢。翻胃嘔食可止。腹痛積冷堪毆。○結實秋收。名紅豆蔻。善解酒毒。餘治同前。

儋州高良薑



雷州高良薑



胡椒 味辛。氣大温。屬火有金。無毒。來從南廣。出自西戎。蔓生。苗莖軟柔。長僅寸半。延發枝條細嫩。與葉相齊。子結條中。兩兩相對。其藥晨開暮合。合則將子裝藏。陰氣不沾。故甚辛熱。狀如鼠李。六月採收。番人呼為昧履支。中國稱曰胡椒子。殺一切魚肉蒜薑之毒。調諸般食饌湯飲之需。下氣去風痰。温中止霍亂。腸胃冷痢可卻。心腹冷痛堪除。療產後血氣刺疼。治跌撲血滯腫痛。食勿過劑。損肺傷脾。○又葷澄茄。柄籠帶圓。係嫩胡椒青時摘取。一云向陽生者為胡椒。向陰生者為澄茄。化穀食。理逆氣多効。消痰癖。止嘔噦。殊功染鬚髮。香身逐鬼氣。除脹傷寒。欬噫亦每用之。○山胡椒。所在俱生。顏色烏。顆粒略大。止痛破滯。俗用亦靈。

胡椒



防風

味甘辛。氣温升也。陽也。無毒。種生沙苑。屬河南根類蜀葵。秋後

採收曝乾入藥。殺烏頭大毒惡。藜斂芫薑藜蓋白斂芫薑擇堅實脂潤  
 為良去蘆頭釵股不用係太陽本經之藥又通行脾胃二經職居  
 卒伍卑賤之流聽命即行隨引竟至盡治一身之痛而為風藥中  
 之潤劑也治風通用散濕亦宜身去身半已上風邪稍去身半已  
 下風疾收滯氣面頰尤瀉肺實有餘眩暈頭顱更開目盲無見  
 故云除上焦風邪要藥儻或誤服反瀉人上焦元氣為害豈淺淺  
 哉花止痛骨節間亦治風効子消殺胃脘內又調食香葉收採煎  
 湯主風熱汗出

# 防風



防已

味辛苦氣平寒陰也無毒多生漢中府西通行十二經畏

草薺殺雄黃毒惡細辛宜使殷藥狀與木通近似氣吹亦貫兩頭  
 賣家因難得真多採似者假代殊不知氣味大異無益有傷凡覓  
 拯疴甚宜細審種因根苗各治名分漢木兩呼漢防已是根破之  
 紋作車輻解黃實馨香木防已是苗皮皺上有丁足子青白虛軟  
 宗此辯認庶不差訛並刮淨麤皮纔咀成薄片漢者主水氣名載  
 君行抗木者理風邪職僉使列故云腰已下至足濕熱腫痛脚氣  
 及利大小二便退膀胱積熱消癰散腫非用漢者不能成功若療  
 肺氣喘嗽膈間支滿併除中風攣急風寒濕瘧熱邪此又全仗木  
 者以取効也

謨按東垣云防已性苦寒純陰能瀉血中濕熱通血中滯塞補  
 陰泄陽助秋冬瀉春夏之藥也譬諸於人則險而健者類之夫

險健者每每幸災樂禍。遇有風塵之警，必竟借為亂階。然而見善亦喜，見惡亦怒。如善用之，可使禦敵兇暴之人衝突險固之地，亦不為無益者也。故凡瞑眩之藥，聖人安得因之而便廢耶？亦必存之以待善用。今夫防已聞其臭則可惡，下咽則令身心煩亂，飲食減少。藥之瞑眩誠為拇拙，至於通行十二經以去濕熱，壅塞腫疼，反治下注脚氣，除膀胱積熱而庇其基，則非此不可。誠為行經之僊藥也。然雖藥力之能，亦在人善用而不錯爾。復有不可用者，數端。今悉舉陳使知警省。如飲食勞倦，陰虛內熱，元氣穀氣已虧之病，而以防已瀉去大便，則重亡其血。此不可用一也。如大渴引飲，是熱在下焦，氣分宜滲瀉之。其防已乃下焦血藥，此不可用二也。如外感風寒，邪傳肺經，氣分濕熱，而小便黃赤，甚至不通，此上焦氣病，禁用血藥。此不可用三也。若人久病津液不行，上焦虛渴，宜補以人參、葛根之甘溫。僊用苦寒之劑，則促危亡。此不可用四也。仍不止如此。但上焦濕熱者，皆不可用。若係下焦濕熱，流入十二經，以至二陰不通，必須審用可也。學者宜併覽之。

興化軍防已



黔州防已



紫蘇 味辛氣微溫無毒。各園圃俱栽。葉背面並紫，氣味香竄者甚美。五月端午日採乾發表，解肌療傷，風寒甚捷。開胃下食，治作脹。蒲易差脚氣兼除，口臭亦辟。梗下諸氣略緩，體稍虛者用。宜子研。

毆痰降氣定喘潤心肺。止欬逆消五膈。破癥堅利大小二便。卻霍亂嘔吐。

紫蘇



簡州蘇



荆芥 味辛苦氣溫氣味俱薄。浮而升陽也。無毒山谷生。在處有。作蘇香氣。又名假蘇。夏末採收。陰乾待用。須取花實成穗。能清頭目。上行發表。能解利諸邪。通血脉。傳送五臟下痰。血除濕痺。破結聚。散瘡癢。搗和醋。煎風腫疔瘡。研調酒理中風強直。仍治產後血暈。許未燒入童便。

成州假蘇卽

今荆芥是也



白芷 味辛氣溫氣味俱輕升也。陽也。無毒所在俱生。吳地尤勝。氣甚香。竄又名芳香。根收處暑蛙無。是口收。色選黃澤。効速。惡旋覆。

使當歸通行手足。陽明二經。又爲手太陰經之引使也。

痛中風寒熱解利之要藥。亦女人漏下赤白血閉。陰

黑作面脂。去面癩。散目癢。止目淚。去肺經風寒。治風

血痛。止痛多宜。外散乳癰。背疽。內托腸風。痔瘻。排膿

肌一切瘡瘍。並用調治。與細辛辛夷作料。治久患鼻塞。

圖像本草卷之二  
名高麻道家常採煎湯浴體能殺尸蟲

### 澤州白芷



細辛 味大辛氣溫氣厚於味升也陽也無毒山澤多產華陰屬各

西獨良葉類馬蹄莖如麥蘖其根甚細其味甚辛藥中惟採根煎故因名曰細辛也賣者多以杜蘅假代殊不知氣雖小異入口吐人不可不細擇耳反藜蘆忌生菜畏滑石硝石惡狼茱狼毒山黃者雖手少陰引經乃足少陰本藥或用獨滑為使或佐曾青棗根止本經頭痛如神治諸風濕痺立効安五臟尤益肝膽溫陰經旋

去內寒利竅通精氣下氣得歸芍牡本莖芷甘草當歸芍藥牡丹皮藜本川芎白並甘療婦人血閉神方得尖明魚膽羊肝石尖明青魚膽青羊肝止風淚目麻黃附子細辛及蠶齒腫疼煮濃汁熱舍冷吐過半錢單服令氣寒命傾揚載仲景方白臭

### 信州細辛




麻黃 味甘辛氣溫氣味俱薄輕清而浮升也陽也無毒青州彭城

並屬俱生滎陽中牟並屬獨勝惡細辛石葦宜陳久年深凡欲用之須依法製去根節單煮數沸傾上沫用火焙乾任合丸散煎湯

方不令人煩悶以厚朴為使。入手足四經。手太陰經。本經之藥。陽明經榮衛之藥。而又入足太陽經。手少陰經也。發汗解表。治冬月正傷寒。如神。岐風散邪。理春初真溫疫。果勝。泄衛實。消黑斑赤疹。去榮寒。除身熱。頭疼。春末溫瘧。勿加夏秋寒疫。切禁。因時已變。溫熱難抵。劑之輕揚。仍破積聚。癥堅更劫。欬逆痿痺。山嵐瘴氣。亦可禦之。若蜜炒煎湯。主小兒瘡疱。患者多服。恐致亡陽。止汗固虛。根節是妙。

護按東垣云。麻黃治衛實。桂枝治衛虛。雖俱治太陽之經。其實榮衛藥也。肺主衛。心主榮。麻黃為手太陰之劑。桂枝為手少陰之劑。故冬月傷寒。傷風欬嗽者。用麻黃。桂枝即湯液之源也。然麻黃又為在地之陰。陰當下行。何謂發汗而升上。經云。味之薄者。陰中之陽。麻黃屬陰。氣味俱薄。薄則陰中有陽。可知矣。安得不為輕揚之劑。升土而發汗乎。但入手太陰經。終亦不能離少陰之本體也。

茂州麻黃



同州麻黃



葛根味甘。氣平寒。氣味俱薄。體輕上行。浮而微降。陽中陰也。無毒。各山谷俱生。成藤。曼旋。長春初發葉。秋後採根。入土深者。力洪。去皮用之。効速。殺野葛。巴豆百毒。入胃足陽。明行經。療傷寒。發表解肌。治肺燥。生津止渴。解酒毒。卒中卻溫瘧。往來散外。瘡疹止疼。提中胃氣。除熱。花消酒。不醉。殼治痢。實腸。生根汁。乃大寒。專理天行。



時病止熱毒吐衄去熱燥消渴婦人熱悶能甦小兒熱痞堪卻葛粉甘冷醉後宜食除煩熱利大小便壓丹石解鳩鳥毒葉敷金瘡搗爛蔓祛喉痺燒灰

成州葛根



海州葛根



歲靈僊

味苦氣溫可升可降陰中陽也無毒隨處平澤俱有不聞水聲者良先於衆草而生莖方數葉相對花開淺碧根甚密稠冬月採根陰乾日選丙丁戊巳去蘆酒洗忌茗麵湯消膈中久積痰涎除腹內痞瘕氣塊散爪甲皮膚風中瘰癧利腰膝斷濕疹冷

疾蓋性好走能通行十二經爲諸風濕冷痛要藥也仍因瘰癧尤療折傷虛者切禁用之多服疏人真氣

石州威靈仙



寧化軍威靈仙



秦元 味苦辛氣平微溫可升可降陰中陽也無毒出甘松龍洞及河陝諸州長大黃白色爲優新好羅紋者尤妙用菖蒲爲使入太陽手經養血榮筋除風疽肢節俱痛通便利水散黃疸遍体如金除頭風解酒毒止腸風下血去骨蒸傳尸

石州秦艽



寧化軍秦艽



藁本

味辛苦。氣溫。氣厚。味薄。升也。陽也。無毒。多產河東。亦生杭郡。

春採根曝三十日。成。因其根上苗下。狀與禾藁相同。故以藁本為名。爾惡藺茹。畏青箱。氣力壯雄。風濕通用。止頭痛。顛頂上。散寒邪。巨陽經。得白芷作面脂。同木香辟霧露。○實以鬼卿為譽。主風流。

入四肢

寧化藁本



荆州藁本



薄荷

味辛苦。氣溫。氣味俱薄。浮而升。陽也。無毒。又名鷄蘇。各處俱有。

種。姑蘇龍腦者第一。龍腦地名。在蘇州府儒學前。此處種者。氣甚香。窠因而得名。古方有龍腦鷄蘇。此即此是也。五月端午日採乾。與薤作菹。相宜。和蜜炒。饑益妙。入手厥陰包絡。及手太陰肺經。下氣令脹滿消弭。發汗俾關節通利。清六陽會首。毆諸熱。生風退骨蒸。解勞乏。善引藥入榮衛。乃因性喜上升。小兒風涎。尤為要藥。新病瘥者忌服。恐致虛汗亡陽。貓誤食之。即時昏醉。益亦物相感爾。

蘇州薄荷



香薷音柔味辛氣微溫無毒。三伏堪為菜蔬。兩京亦每栽種。入藥拯病。隨處可收。大葉者種優。陳年者効捷。主霍亂中脘絞痛。治傷暑小便澀難。散水腫有徹上徹下之功。肺得之清化行熱。自下也。去口臭有撥濁回清之妙。脾得之鬱火降氣不上焉。解熱除煩。調中溫胃。○又有一種名石香薷。延生臨水附崖。葉細辛香。弥甚。今多採此。拯治亦佳。

香薷



姜蕤女萎


味甘。氣平。無毒。泰山山谷多生。滁州舒州俱有。葉長而

狹。表白裏青。莖榦黃精相同。強直似竹有節。故一名玉竹。又名地節。咸取象也。根大如指。一二尺長。色黃多鬚。甘美。可啖。開青花春末。結圓實。夏初。入劑採根。竹力刮淨。蜜水浸宿。文火烘乾。勿誤取。鈎吻黃精。二物俱似姜蕤。但姜蕤節上有毛。莖斑葉尖處有小黃點。為異。須仔細辨認真假。考古方多用。畏鹵鹹。勿加。益氣補中潤肺。除熱。主心腹結氣。虛熱濕毒。治腰脚冷痛。天行熱狂。止皆爛。雙眸。逐風。淫四末。澤容顏。去面黑點。調氣血。令體康強。○又種女萎。辛溫氣味。與姜蕤全別。似白欵。蔓生。開白花。結細子。在荆襄。每名曰蔓地楚。今人常謬以為白頭翁。採得陰乾。去頭上白蓋。剉成細片。拌豆淋酒蒸。從巳至申。方取曝用。主霍亂。腸鳴。洩痢。灑浙風寒。理遊氣。上下無常。癩癩寒熱。消食。毆積。出汗散邪。

按姜蕤本經與女萎同條。考其諸註。有指一物二名。有謂自

是二物。又後女萎與前女萎同名。亦云功用並同。信非二物。疑乃剩出一條也。但考陳氏所註謂古方用者。又似差殊。胡洽治時氣洞洩。墮下。有女萎丸。治傷寒冷下。結腸丸。亦有女萎。治虛勞。小黃耆酒。云下痢者。加女萎。詳此數方所用。乃後加圈女萎。緣其性溫。主霍亂洩痢故也。又茵芋酒用女萎。主賊風手足枯痺。四肢拘攣。女萎膏治身體癩斑。剝乃似前與萎蕤同條。女萎緣其主風淫四末。及去黑黥澤容顏。故陳藏器亦謂更非二物。是不然。况此女萎性平味甘。後條女萎性溫味辛。性味既殊。功用又別。安得為一物乎。又續命鼈甲湯。治傷寒七八日不解。鼈甲湯。治脚弱。並用萎蕤。又萎蕤飲。主風熱項急痛。四肢骨肉煩熱。萎蕤丸。主風虛熱發。即頭痛。乃似前與女萎同條。萎蕤緣其主虛熱濕毒故也。三者主治既殊。則非一物明矣。又云。萎蕤一各地節極似偏精。疑即青黏。即華佗所服漆葉青黏散。是此也。然世無復能辯者。未敢為信。姑著之以俟明達折衷爾。

淶州萎蕤



舒州女萎



莫耳實

味苦甘。氣溫。葉苦辛微寒。有小毒。本生蜀川。今發各處。一名蒼耳實。小刺多。羊過即粘綴毛中。故又名之曰羊負來也。秋採微炒入藥。最忌猪肉米泔。散疥癬細瘡。遍身瘙癢者立効。毆風濕周痺。四肢攣急者殊功。止頭痛。善通頂門。追風毒。任在骨髓。殺疰蟲濕。主惡肉死肌。益氣開聰明。強志煖腰膝。亦堪久服。明目輕

身根葉逢端午收藏。辟惡入病家無畏。汁攪小便同飲。去疔腫如神。接安舌下流涎。治目黃好睡。若被犬咬。急服彌佳。痔發肛門。煎湯熏妙。

### 滁州菜耳



**天名精** 味甘辛。氣寒無毒。各處江湖俱生。平原川澤尤盛。與蔞荷同狀。逢夏秋抽條。花開紫白相兼。葉似菘菜而小。本經別款地菘。卽此是也。五月採曝。一種數名。辛味似薑。有麥句薑之號。香氣如蘭。有蟾蜍蘭之稱。仍謂蝦蟇藍。因藍狀頗類。又呼天蔓菁。爲蔓菁略同。別說載名天門精。爾雅載名菘菘豕首。昔劉燼曾拔塞剖麿而蹶起。晉劉燼射一麿。剖除臍腸。拔此草塞腹內。後復相傳云。

活鹿草。亦曰劉燼草。名之疊出如許之多。苟弗考詳。寧無疑惑。單用垣衣爲使。專療折傷金瘡。拔腫毒惡疔。下瘀血血瘕。利小便。以逐積水。除結熱。而止渴煩。追小蟲。去濕痺。亦堪久服。耐老輕身。謨按一種數名者甚多。名各有因者誠少。此名疊出。咸載所因。但旣稱活麀之功。當亦著濟人之効。歷考古傳方劑。並無用之。各省明醫絕無識者。有用之藥。不得濟用。當時徒列多名。正所謂雖多亦奚以爲也。

### 明州天名精



### 防葵

味甘辛。苦氣寒。無毒。一云有小毒。不生他郡。惟產襄陽。屬荆廣

一本三莖。一莖三葉。中抽大幹。花開幹端。色白如葱葉類。葵葉色青。根若防風香竄。故因名防葵也。三月三日採根曝乾。最易蛀損。依時入水能浮。切勿悞用。狼毒二根形頗相類。但防葵根浮水。狼毒根沉水。略少異耳。善惡大差。用宜謹。藥劑修合。製法須知。甘草湯浸成塊。一宵。黃精汁拌咀片炒。燥。主膀胱熱結。尿溺不通。治鬼瘧癩癘。驚邪狂走。疝瘕腸洩。堪理小腹支滿。能毆強志除邪。益氣堅筋骨。血氣瘤大如椀。摩醋塗上。即消。中火者不可服之。令恍惚如見鬼狀。

### 襄州防葵



### 蛇床子

味苦辛甘。氣平無毒。在處田野俱產。揚州襄州獨勝。春生苗葉成叢。青碎彷彿蒿狀。開白花細綴百餘一窠。四五結黃子。輕虛粒如黍米。近秋收採。背日陰乾。所惡之藥有三。牡丹。巴豆。貝母。入藥取仁炒用。浴湯帶殼生煎。治婦人陰戶腫疼。溫煖子臟。療男子陰囊濕癢。堅舉尿莖。欽陰汗。卻癩癘。掃瘡瘍。利關節。主腰膝腫痛。祛手足痺頑。大風身癢難當。作湯洗愈。產後陰脫不起。絹袋熨收。婦人無娠。最宜久服。

### 蛇床子



草龍膽 味苦澁氣大寒氣味俱輕陰也無毒山野俱有苗高一餘  
 葉類龍葵略尖根同牛膝甚苦故因名草龍膽也須近冬月方採  
 其根甘草湯浸一宵漉出曝乾待用仗貫衆為使惡防葵地黃止  
 洩痢去腸中小蟲卻驚癩益肝膽二氣胃中伏熱及時行溫熱能  
 除下焦濕腫併酒疸黃腫堪退療客忤瘖氣治癰腫口瘡敵驚癩  
 殺蠱毒酒浸為柴胡輔佐上行治眼目赤疼努肉必加翳障通用  
 空腹勿服令人溺遺

信陽軍草龍膽



襄州草龍膽



澤瀉 味甘酸氣寒氣味俱厚沉而降陰也陰中微陽無毒淮北雖  
 生不可入藥漢中所出方可拯痾蓋因形大而長尾有兩岐為異  
 耳但易蛀朽須密收藏製宗雷公酒浸曝用畏海蛤文蛤二藥入  
 太陽少陽足經君五苓散中因其功長於行濕佐八味丸內引桂  
 附等歸就腎經去陰汗大利小便瀉伏水微養新水故經云除濕  
 止渴聖藥通淋利水仙丹久服輕身多服昏目葉壯水臟通血脉  
 行乳汁催生實主風痺除濕邪強陰氣益腎服久無子惟面生光  
 護 按澤瀉多服雖則昏目暴服亦能明目其義何也蓋味鹹能  
 瀉伏水則胞中留久陳積之物由之而去也瀉伏水去留垢故  
 明目小便利腎氣虛故昏目二者不可不知

邢州澤瀉



瞿麥

味苦辛。氣寒降也。陽中微陰。無毒。生泰山山川谷。今處處有之。

結實與麥同形。故因名曰瞿麥。立秋收採。風際陰乾。惡蠅蝟。使藁

壯藁草利小便。君主可用。決癰腫。佐使堪為。去目腎逐胎。下閉血

出刺。

絳州瞿麥



通草

味甘淡。氣平。味薄。降也。陽也。陽中陰也。無毒。產江淮山谷。如

指大藤莖。正月採收。陰乾入藥。因孔節相貫。吹口氣即通。故此得

名。去皮咀片。瀉小腸火鬱不散。非他藥可倫。利膀胱水閉不行。與

琥珀相等。消癰疽作腫。療脚疽嗜眠。解煩噦。開耳聾。出音聲。通鼻

塞。行經下乳。催產墮胎。實結如小木瓜。名曰鷲腹。白瓢亦能治翻

胃證。除熱三焦。根治項下癭瘤。多取絞汁頓服。○又種心空有瓠

與燈草同。乃通脫木立名。憑棗碎用。潔白輕虛可愛。女工每剪飾

花。利水使陰竅通和。退腫令癢閉舒泰。更治產後下乳如神。

漢按通草通脫木。經云。行水專利小腸。且多他證之治。既為良

藥。當勿傳訛。奈何時醫。每以通草認作別條。木通以通脫木。反

呼名曰通草。致使市家真偽混賣。悞人甚多。殊不知本草立名。

各有寓意。通脫木。因瓠中藏脫木得之名。竟直述通草藤莖不



甚長大故以草稱木通係俗指葡萄藤莖且大且長特加木字  
總曰通者孔竅悉同行水利腸固並建効其治他證雖百木通  
不能及一通草矣齊驅並駕安得謂乎况木通栽多家園皮薄  
堅確實名葡萄通草產自山谷皮厚軟柔實名鷲腹通脫木輕  
虛潔白皮木脫除三者內似外殊極易分別名正言順何得悖  
違只緣堅信耳聞不復詳考經意錯亂顛倒莫覺其非醫悞猶  
閑病悞深可憫也

### 興元府通草



玄參 味苦鹹氣微寒無毒春生深谷莖方葉似芝蔴又如槐柳細長秋取  
傍根切用初白乾旋紫黑鼻間微臭吐片忌銅誤犯餌之噎喉喪

自古人深戒吳載醫通柳韓氏惡者棗薑菜黃者大棗生薑山菜反藜蘆五

味可為君藥惟走腎經強陰益精補腎明目治傷寒身熱支滿忽  
忽如不知人療溫瘧寒熱往來灑灑時常發顛除女人產乳餘疾  
毆男子骨蒸傳尸逐腸內血瘕堅癥散頸下痰核癰腫蓋此乃樞  
機之劑管領諸氣上下肅清而不致濁治空中氤氳之氣散無根  
浮游之火惟此為最也

### 江州玄參



沙參 味苦甘氣微寒無毒江淮俱多宛句前註尤妙叢生崖壁上苗  
高二尺餘葉類枸杞有叉枒根若葵根而筋大近夏花開白色瓣  
瓣有白粘膠圖經嘗云此為小異秋後採根曝用中正白實者佳

反藜蘆惡防已。乃足厥陰本經藥也。治諸毒。排膿消腫。安五臟。益肺補肝。止疝氣絞疼。散浮風瘙癢。除邪熱。去驚煩。易老用代人參。形實不同。蓋取味之苦甘。馮中兼補。略相類爾。

### 淄州沙參



**丹參** 味苦。氣微寒。無毒。山谷有。在處多。莖方稜。長尺餘。青色。葉相對。似薄荷。有毛。花紅紫。夏開。根麓長。冬採。畏寒水。石也反藜蘆。專調經脈。勻善理骨節痛。生新血。去惡血。落死胎。安生胎。破積聚。癥堅。止血崩帶下。脚痺軟能健。眼赤腫可消。散癭贅惡瘡。排膿生肉。碎精魅鬼祟。養正。馭邪。更治腸鳴幽幽。滾下如走水狀。

### 隨州丹參



**青葙子** 味苦。氣平微寒。無毒。圓圓俱有。江淮獨多。莖直似蒿。青紅。葉大如柳。柔軟。花上紅下白。形類鷄冠。即野鷄冠花。純白者勝。子黑匾而光。粒同莧實。六月收取。多治眼科。去肝臟熱毒。上衝青盲。腎腫。除心經火邪。暴發赤障。昏花。堅筋骨。鎮肝。益腦髓。聰耳。莖葉亦妙。春採陰乾。治風熱瘙癢。於皮膚。療疥痔。蟲匿於下部。止金瘡去血。塞鼻。衄來紅。

按本經款內。載日子名草。决明。意謂功專治眼。特假別名以

美之。非真爲決明子也。若以爲然。則原揭諸簡端。何不直書而但曰青葙子乎。正猶沙參一名知母。龍眼一名益智。名同而實異也。且別條所載決明子藥。粒狀稍大。主治尤優。世醫弗明。或偏執一。不免得此失彼。大辜藥味之能矣。幸而此曰草決明。彼曰決明子。兩名雖一。上下字差。略此分別不同。讀者不可不識也。

### 滁州青葙子



**木賊** 味甘微苦。無毒。苗長尺餘寸。寸有節。產自秦隴諸郡。色青。凌冬不凋。夏將莖收。手搯節淨。憑煎湯液。任合散丸。益肝膽。退目翳。

暴生消積塊。止月經久滴。極易發汗。大能疎邪。得麝香牛角腮。休息痢證。得芎歸餘糧石。治赤白崩中。得桑耳槐鵝療腸風下血。得槐子枳殼療痔瘻來紅。

### 秦州木賊




**惡實** 即牛蒡子 味辛苦。氣平。無毒。原產鄧州。屬河南 今生各處。葉如茵芋。葉長大實似葡萄。核褐黃。殼類粟稗。小而多刺。鼠過之則綴惹不落。故又名曰鼠粘子也。秋後採取。製宜酒蒸。止牙齒蝕疼。散面目浮腫。退風熱咽喉不利。及腰膝風凝。肢風濕癰。瘰盈肌。供瘡瘍毒。盛坐吞一粒。即出瘡頭。明目補中。潤肺散氣。

蜀州惡實



敗醬 味苦鹹氣平微寒無毒俗呼苦蕪菜多生深谷中入劑用之  
夏初收採因似敗豆醬氣故以敗醬為名入足少陰腎經及手厥  
陰包絡除腫癰排膿散血破癰結催產落胎去疽痔疥癩卻毒風  
痿痺鼻洪吐血能止腹痛凝血可推

江寧府敗醬



白薇 味苦鹹氣平大寒無毒近道處處俱生根類牛膝短小三月  
三日收採陰乾惡黃者大黃乾薑及乾漆山茱大棗主中風身熱  
支滿忽忽人事不知療溫瘧寒熱痰咳洗洗有時發作狂惑鬼邪  
堪卻傷中淋露可除利氣益精下水滲濕

滁州白薇



白前 味甘辛氣微溫無毒出江浙蜀川生洲渚砂磧葉如柳樹葉  
苗似堯花苗根麓長與牛膝頗同但堅脆而柔軟鮮有凡資入  
藥秋後採根甘草湯浸一宵折去莖鬚焙用嗽上氣能降胸脇

逆氣堪駭。氣壅膈。倒睡不得者。殊功。氣衝喉。呼吸欲絕者。立効。仍治氣塞咽。嗌時作水鷄聲。鳴。故古人氣嗽方中。每每用之。不遺。亦以其善主一切氣也。又能保定肺氣。溫藥佐使。尤奇。

按白薇。白前。近道俱有。苗莖根葉形色。頗同。儻誤採收。殺人頃刻。必辨認的實。方入藥。拯疴。白前似牛膝。麓長堅脆。易斷。白薇似牛膝。短小。柔軟能彎。仍噬汁味相參。庶不失於差悞。此醫家大關鍵。匪特一藥為然。凡相類者。俱不可不細察爾。

成州白前



舒州白前



白鮮

味苦鹹。氣寒無毒。山谷俱有。苗莖尺餘。葉稍白。似槐葉。

尤繁。花淡紫。

四月開

如蜀葵。略小。根與蔓菁彷彿。心實皮色白黃。二月採根取皮。差晚則虛。忌也。因艱作羊羶。氣息故俗加羊字呼名。

俗呼為白羊鮮。惡桔梗。蜈蚣。及茯苓。草薢。療遍身黃疸。濕痺。手足不能屈伸。治一切癩毒。風瘡。眉髮因而脫落。消女人陰腫。或產後餘疼。止小兒驚癇。併淋瀝。欬逆。時熱發狂。飲水多多。煎服尤宜。葛洪治鼠瘻。有膿。熬白鮮皮膏。吐出立愈。李兵部理肺嗽不已。製白鮮皮湯。飲下即差。

飲下即差

滁州白鮮



圖傳本草卷之二  
三十三  
薇銜 味苦氣平微寒無毒素問名曰麋銜南人謂之吳風草也根  
莖赤黑。花開淺黃葉叢生似芫蔚有毛種兩般分大小各喚大者  
名大吳風草小者名小吳風草麋鹿有疾銜此草差素問之名又  
因此出產漢中川谷及宛句鄆鄆屬陝西秋採莖葉陰乾須得秦皮  
為使主風溼濕痺致歷節痠疼療吐瀉驚癇及鼠瘦癰腫卻熱除  
痿蹙逐水消暴癥婦人服之絕產無子。

謹按神農經中藥之靈者不計千百何獨麋銜矢醴並著素問  
擅名滑氏讀鈔亦嘗論及乃曰矢醴麋銜治人疾也豈誠二藥  
果有過乎諸藥之能以致喋喋贊美之如是邪蓋緣上古之人  
俗尚質朴人所病者多中實邪二藥專攻正與相對用每輒効  
故錄其名中古以來咸溺酒色病之着體虛損居多藥宜補調  
難行攻擊由是鷄矢淬酒無復下咽麋銜之名絕不聞耳正孟  
子所謂彼一時此一時故也不然利前之藥豈有不利於後乎

### 薇銜



菴藟子 味苦氣微寒微溫無毒苗如蒿艾處處叢生十月採實陰  
乾。荆實薏苡為使。江南人家亦多種此以辟蛇也。消食明目。益氣  
輕身。主女人經澁不通。扶男子陽痿不舉。消水氣作脹。散瘀血成  
癰。打撲折傷。風寒濕痺。腰膝重痛。骨節痠疼。多服獲効。全安。久服  
延年不老。

寧州蒼蘭子



狗脊 味苦甘。氣平微溫無毒。深谷多生。在處俱有。根採類金毛狗脊。故假為名。酒蒸須從巳至申。纔咀入劑。惡敗醬。使革薺。治腰背強疼。閉機緩急。理脚膝軟弱。筋骨損傷。女子傷中。欠調。老人失溺。不節。周痺寒濕。並可醫痊。

温州狗脊



茵陳蒿

味苦辛。氣平微寒。陰中微陽。無毒。隨處俱產。泰山者良。葉細青。蒿雖同。葉背白色。却異。秋後葉落。莖梗不凋。至春復發。舊枝故因名茵陳蒿也。所行經絡。惟足太陽。專治疸症。發黃。入劑。依為君主。佐梔子。附子。分陽熱陰寒。陽黃熱多有濕。有濕。濕黃加梔子。大黃湯服。燥黃加梔子。橘皮湯煎。如茵。涉則濕黃。茵旱則燥黃。濕則瀉之。燥則潤之意也。陰黃寒多。只有一證。須加附子。共劑成功。解傷寒。大熱。仍除退瘴。瘧。風熱。悉逐。行滯止痛。寬膈化痰。久服輕身。益氣耐老。

江寧府茵陳



絳州茵陳蒿



草蒿即青蒿味苦氣寒無毒山谷川澤隨處有生葉實根莖並堪入藥

春夏採用莖葉為宜入童便熬膏退骨蒸勞熱生搗爛絞汁卻心

痛熱黃瘧肉腫癰燒灰淋濃湯點洩痢鬼氣研末調米飲吞秋冬

用之取根與實實須炒過根乃咀成愈風癩疥癢止虛煩盜汗開

胃明目辟邪殺蟲○白蒿即蓬蒿別名似青蒿而葉龐大有白毛錯流補中氣治

濕黃長毛髮殊功○邪蒿似青蒿細軟利腸胃通血脈續不足有

功○一名齊頭蒿克皮膚血脈滿盛○角蒿花罷作角

主口齒疳惡瘡○蘆蒿比小薊略殊下氣破血○蒿蒿與黃菊

近似安心養脾○又馬先蒿類芫蔚葉俗呼虎麻芫蔚亦理風濕

癩瘍

按諺云三月茵陳四月蒿人每誦之只疑兩藥一種因分老

嫩而異名也殊不知葉雖近似種却不同草蒿葉背向俱青且

結花實茵陳葉面青背白花實全無况遇寒冬尤大差異茵陳莖幹不凋至春復舊幹上發葉因幹陳老故名茵陳草蒿莖幹俱凋至春再從根下起苗如草重出乃名草蒿發舊幹者二月可採產新苗者四月纔成是指採從先後為云非以苗分老嫩為說也

草 蒿 角 蒿



白蒿



青蒿



茅根

味甘。氣寒。無毒。曠野平原。無處不產。本為葢屋草。俗呼過山龍。收採洗去衣皮。指斷忌犯鐵器。甘美可啖。斷殺甚良。下淋利小便。通閉逐瘀血。除客熱在腸胃。止吐衄。因勞傷。解渴堅筋。補中益氣。苗破血。且下水腫。花止血。仍置金瘡。又有茅針。一名茅筍。禁崩漏。塞鼻洪。腫毒未潰服之。一針便潰。一孔屋茅。陳久酒浸煎濃。吐衄血來服亦即止。爛茅。老屋上及葢牆者。得醬汁和研。斑瘡蠶咬瘡可敷。屋四角茅。收治鼻洪。尤驗。取茅屋滴溜水飲。殺雲母石毒。須知。○又種管音管花甘溫無毒。亦止吐衄。可貼多瘡。

澶州茅根



鼎州茅根



僊茅

味辛。氣溫。有毒。西域多有。蜀浙亦生。葉青似茅。故此為譽。其根獨莖而直。旁附細根。內肉黃白。多涎。外皮麁褐。二月八月採根。曝乾。梵語呼阿輪乾。南人呼婆羅門。蜜咀。禁鐵器。製浸米汁。去赤汁。毒出無防。忌兩般。牛肉牛乳。主心腹冷氣。不能食。療腰足攣痺。不能行。丈夫虛損勞傷。老人失溺無子。益肌膚。明耳目。助陽道。長精神。又服之通神。強記。傳云。十斤乳石。不及一斤僊茅。亦表其功力。爾誤服中毒。舌脹者。急飲大黃朴硝數杯。仍以末摻舌間。遂旋愈也。

戎州仙茅



江寧府仙茅



甘蕉根 味甘。氣大寒。無毒。種類不一。地產亦殊。川蜀者作花大萼

堪觀。卷葉中抽幹作花初生大萼如倒垂萼閩廣者結實極美。可噉。他處雖有花實

俱無。近歲都下往往種之。並係芭蕉莖葉頗同。實非共一種也。此

指有子者為是。須待立秋後採根絞汁服。王天行狂熱悶煩。誤服

金石燥渴。產後脹悶。奇効。悉臻。搗爛敷去小兒赤遊丹毒。大人發

背癰疽。風癩頭瘡。神功。立應。蕉油在於皮內。竹筒插入吸來。如取漆法

煩渴。飲差鬚髮塗黑。暗風癩悶。暈欲倒。急飲下一吐便甦。子生青

熟黃。可曝乾寄遠。北地以為珍果。食每蒸熟取仁。潤心肺生津。通

血脉。填髓。○芭蕉根性雖相類。醫方內不載。搔疔。但吸其油亦能

黑髮。

芭蕉花



芭蕉根




景天 味苦酸。氣平。無毒。一云有小毒。人家園亭多以盆植。莖葉堅

厚。隨插隨生。俗名掛壁青。謂無土卷不瘁。又名慎火草。因治火瘡


立差。煎湯浴小兒熱刺癩瘡。搗爛敷小兒赤遊丹毒。金瘡。蠱毒。兼

療風驚熱燥。總醫花。香細淺紅。帶赤白能止。

景天



徐長卿 味辛氣溫無毒。淄齊淮間俱有。卑濕川澤皆生。春暖茂榮。冬寒枯槁。葉如柳葉。兩兩相當。根類細辛。區區短小。氣與亦似。三月採收。斮杵以少蜜拌勻。磁甌蒸三伏。曝用。去蠱毒疫疾。殺鬼物。精邪。溫瘧。祛惡氣。逐久服。強悍。輕身延年。



徐長卿

黃藥根

味苦氣平。無毒。藤生三四尺高。莖根與小桑類。萬州屬廣者。藥重。他處者輕。虛。十月採根。外科多用。主咽喉痺塞及諸惡腫。毒瘡疽。治蛇犬咬傷。併馬走心。肺積熱。生搗取汁。亦合亦塗。子肉

酸消癭甚捷。收須浸酒。日飲數杯。見効即停。不爾項縮。

黃藥根

藥黃



石龍薺 味苦氣寒微溫無毒。生長山谷濕地。九節多味者良。又名龍鬚。織席堪用。五月採莖。日曝。九月採根。陰乾。通小便。不利熱淋。除內傷不足。虛痞。殺鬼。注惡毒。去尿管澀。潤皮毛。槁枯。卻心腹邪氣。久服延壽。明目輕身。○敗蘆煎湯。治淋亦効。

石龍薺



石龍芮 味苦氣平無毒。雖生川澤。惟出益州。一叢數莖。一莖三葉。葉芮芮短小多缺。子綴綴色黃味辛。又云。有兩種類。水生者。葉光澤。子圓。陸生者。葉有毛。子銳。入藥劑內。水生者佳。二月八月採皮。五月五日收子。以大戟為使。畏蛇蛻吳茱。平胃氣。欠和。胃熱作滿。補陰氣不足。莖冷失精。風寒濕痺。齊肢。心腹邪氣。竟解。通利關節。悅澤皮膚。又服明目輕身。令人結孕育子。其陸生者。天灸另名。取少葉。揉繫臂上一宵。作大泡。狀如火燔。赤善惡懸隔。不可不知。

石龍芮



絡 味苦。氣溫微寒。無毒。陰山峻壁。隨處有之。多包絡石上。或延木上。莖節着處。即生根鬚。葉圓。凌冬常青。花白。結子黑。與薛荔。木連。地錦。石血等。同一類焉。人家亭園。石山亦每種植。翫飾採莖。葉入藥。擇附石為良。畏貝母。菖蒲。使牡丹。杜仲。埃閉不通。欲絕水煎湯。下立甦。背癰。焮腫。延開。蜜和汁服。即効。堅筋骨。強健腰足。利關節。潤澤容顏。去風熱。死肌。解口舌乾燥。蛇毒。心悶。堪散刀斧瘡。口可封。久服輕身。通神明目。延年耐老。○薛荔。雖同絡石。莖葉龐大如藤。治背癰。將葉採收。煎酒飲下。利即愈。○木連。味苦。附木而生。苗藤似寄生。黃綠直上。枝葉如石韋。豐厚且圓。任採煎湯。或收浸酒。初服壯陽。卻病。久服耐老。延年。藤汁取之。堪敷風毒。掃白癩。風癬。除疥癬。癰瘍。子生大類蓮房。一年一熟。房內多白汁。又漸黑。凝破血甚良。依時收採。子亦入藥。並載圖經。○地錦。味甘。葉

如鴨掌。藤蔓著地隨節有根亦緣木石沿長。每耐寒凍不瘁。煎湯浸酒。破血止疼。祛產後血凝。逐腹中血痕。○又種石血亦以血攻狀與絡石相同。但葉尖而半赤。石崖多產。收取無時。煎酒建功。墮胎亦速。

絡石



本草

圖像本草蒙筌卷之三

新安陳嘉謨延采纂輯

門生

歙邑葉棐

鮑倚

校刊

姤胡一貫

姪晨

潭陽後學劉孔敦

若樸

增補

草部下

附子

味辛甘。氣溫大熱。浮也。陽中之陽也。有大毒。係烏頭傍出。故

附子僉名。皮黑體圓底平。山芋狀相彷彿。畏人參黃耆甘草。併黑

豆烏韭防風惡蜈蚣。使地膽。種時川蜀蜀人春每種時冬月收採者汁全

頂擇正圓一兩一枚者力大。製宗陶氏槌法。以刀去淨皮臍。先將

薑汁鹽水各半。入砂鍋緊煮七沸。次用甘草黃連各半兩加童

便緩煮一時。撈貯罐中。埋伏地內。晝夜週畢。囑音忽圖音輪曝乾。藏須

密封。用旋薄剉。仍文火復炒。庶劣性盡除。氣因浮中有沉。功專走

而不守。凡和群藥可使通行諸經以為引導佐使之劑也。除四肢厥逆去五臟沉寒。噤閉牙關。未納鵝管吹入。紅突丁毒。末調醞醋

塗消。口瘡久不差。醋麴和末貼脚底。脚氣暴發腫醋汁攪末敷患

間。漏瘡判片如錢。封口加艾可灸。煖脚膝健步。堅筋骨強陰。佐入

味丸中。壯元陽益腎。非附子不能補下焦陽虛故入味尤加桂附

也丹溪謂加為少君木附湯內。散寒濕温脾。陰經直中真寒。薑附

湯煎可禦。此須生用不在製拘。助甘緩參芪成功。健潤滯地黃建

効。內傷熱甚。速入勿疑。此藥治外感證非偏身表涼四肢厥者不

身表熱甚而氣虛脈細者正宜俗醫不知。誤為補劑。日相習用寧

不殺人。孕婦忌煎。墮胎甚速。○立春生者。乃謂烏頭。因有腦類烏

烏頭。顛竟假名為醫家呼喚。氣味製度。俱與附同。本經云。春採為

烏頭。冬採為附子。又云附子頂圓正。烏頭頂歪斜。宗此別之。庶弗

差謬。忌鼓汁。惡藜蘆。反半夏括蕡。暨貝母芫欬。白欬遠志為使諸

經通行。理風痺。卻風痰。散寒邪。除寒痛。破滯氣。積聚。去心下痞。堅

亦能墮胎。孕婦切忌。煎膏名射罔。須識數箭射禽獸。即匹。倘誤中

人。甘草急嚼。藍青萍草。亦可解之。○烏喙。音兩岐。頂上兩狀如牛

角。喙者乃烏之口。因類亦假為名。一應俱同。烏頭惟使別用。莽草

主風濕陰囊癢。癢。止寒熱。歷節掣疼。亦墮妊娠。更消癰腫。○天雄

亦係一種。其體略細而長。氣味相同。製度弗異。惡腐婢。使亦遠志

忌歧汁。制須乾薑專補。上焦陽虛善治一切風氣。肢寒濕痺。緩急

拘攣。卻頭面風。往來疼痛。助武勇。力作不倦。消結積。身輕健行。調

血脉益精。墮胎孕通竅。○側子。狀如棗核。又從附子旁生。畏惡無

差。但宜生用。理脚氣。驗散風。癰良。掃鼠癩。惡瘡。劫冷氣濕痺。如前

墮孕。女科當知。○吡穗。亦一名木鼈子。者是令人喪目。藥中忌之

謨按附子烏頭烏喙天雄側子射罔木鼈子七名實出一種但  
 治谷有不同今尊會編附其總論天雄長而尖者其氣親上故  
 曰非天雄不能補上焦陽虛附子圓而矮者其氣親下故曰非  
 附子不能補下焦陽虛烏頭原生苗腦形如烏鳥之頭得母之  
 氣守而不移居乎中者也側子散生傍側體無定在其氣輕揚  
 宜其發四肢克皮毛為治風癱之神妙也烏喙兩岐相合形如  
 鳥嘴其氣鋒銳宜其通經絡利關節尋蹊達徑而直抵病所也  
 煎為射罔禽獸中之即死非氣之鋒銳捷利者能如是乎又有  
 所謂木鼈子乃雄喙烏附側中有毗穗者其形摧殘其氣消索  
 譬如疲癯殘疾之人百無一能徒為世累且又令人喪日宜其  
 不入藥用也

四卷木部中有此同名專入外科之用

附子




大附子

八角附子

烏頭形

烏喙形

真圖正




成州烏頭




天雄



天雄形



側子形



峽州側子



天南星

味苦辛氣平可升可降陰中陽也。有毒。下澤極多。在處俱

有苗類荷梗直起。高僅尺餘。葉如蕩葉抄生。兩岐相抱。花若蛇頭。黃色。子結作總鮮紅。根比芋猶圓。肌細膩且白。本經載虎掌草即

此。後人以天南星改稱亦與鬼蒟蒻相侔。每逢冬月間誤採。殊不

知蒟蒻莖斑花紫。根極大肌麤。南星莖青花黃。根略小肌細。炮之

易裂。得此纔真製須多泡生薑湯。七八次佳或研填入牯牛膽。牯牛膽

一箇用兩星研末風乾過年成塊。剉碎復炒極痛。方書謂之牛膽

南星。即此是也。倉卒不能得此依前薑湯泡或乃上行治肺經本

藥。欲下行資黃藥引之。畏生乾薑。及黑附子。散跌撲即凝瘀血墜

中風不語稠痰。利胸膈下氣墮胎。破堅積。誅癰消腫。水摩籬蛇蟲

咬毒。醋調貼破腦傷風。瘤突額顱。麝加敷愈。先用小針十數枚作

用新南星醋摩加麝少許日

用一次雖如梳大半月全消



江寧天府南星



滁洲天南星



半夏

一名田字味辛微苦。氣平。生寒熱濕沉而降。陰中陽也。有毒。山谷川

澤處處有之。苗起一莖。莖端三葉。根名半夏。八月採收。反烏頭惡

皂莢。畏雄黃。生薑。乾薑。秦皮。龜甲。忌羊肉。羊血。海藻。飴糖。使宜射

干柴胡。經入足膽脾胃。久藏入藥。同橘皮。謂二陳。生嚼戟喉。生用

喉龍宜沸湯製七次。仍加薑制。纔可投瓶。若研末。揅少枯礬。明泡

夏四兩入枯礬一兩共研拌薑汁捏作小餅。諸藥包裹。風際陰乾。此又名半夏

麵也片則力峻。麵則力柔。總主諸痰。驗證佐助。火痰黑。老痰膠。如

芩連。稻樓。海粉。寒痰。清濕。痰白。入薑。附蒼。木陳皮。風痰。卒中昏迷

皂角。天南星。和痰核。延生腫突。竹瀝。白芥子。攪劫痰厥。頭疼。止痰

飲脇痛。散逆氣。除嘔惡。開結氣。發音聲。脾瀉兼毆。心汗且欵。蓋脾

惡濕。半夏專能燥濕。勝水故爾。孕婦忌用。恐墮胎元。如不得已用

之。復加薑汁炒過。消渴并諸血證。尤禁。莫加因燥。反助火邪。真陰

愈被熬害。津枯血耗。危殆日侵。不得不預防也。生半夏消癰腫。成

顆者。摩水敷。蠍子螫人。塗上即愈。婦人產後暈絕。為丸塞兩鼻中。

能頃刻回甦。此扁鵲捷法。

謹按內經云。腎主五液。化為五濕。自入為唾。入肝為淚。入心為

汗。入脾為痰。入肺為涕。丹溪又云。有痰曰嗽。無痰曰欵。因嗽而


動脾之濕也。半夏惟入脾。以瀉痰之標。不能入腎。以瀉痰之本。

然欵無形。嗽有形。無形則潤。有形則燥。所以為流濕潤燥之劑。

也。又小柴胡湯中。加之以治傷寒。寒熱。半助柴胡以主惡寒。半助黃芩而能去熱。及往來寒熱。皆用之。有各半之意。故因而名曰半夏云。本經別以守田目之者。蓋緣夏半前後。人多耘蒔在田。斯又指名而生意也。

第二卷貝母款後謾按宜參看

齊州半夏



京三稜 味苦辛。氣平。陰中之陽。無毒。生荆襄陂澤。近霜降採根狀若鯽魚。黃白。體重者美。麵包火炮。加醋復炒。過靈色白。屬在氣邊。

專破血中之氣。故消癥瘕。血塊。證兼。毆積。聚氣。滯痰。虛者忌煎。恐損真氣。○仍有三種。亦附其名。黑三稜。色若烏梅。輕鬆。去皮則白。○草三稜。形如鷄爪。屈曲。根上生根。○石三稜。色黃。體重。堅硬。如石。總消積氣。主治相同。

淄州京三稜



邢州京三稜



蓬莪茂 味苦辛。氣溫無毒。多產廣南諸州。或生江浙田野。子如乾椹。葉似蘘荷。莖錢大略高。根類薑成塊。茂生根底相對似卵大小不常。九月採收。依前炮製。色黑。屬在血分。氣中之血。專毆破癥瘕。

止心疼。通月經。消瘀血。治霍亂積聚。理惡症邪傷入氣藥。仍發諸香。在女科。真為要劑。凡求速効。摩酒單嘗。

端州蓬莪茂



温州蓬莪茂



骨碎補

味苦。氣温。無毒。陰濕山谷。生長最多。根着樹石上有毛。葉

附兩小葉相對。每一大葉邊附小葉。槎牙兩兩相對。不結花實。至冬乾黃。入藥採根。刮去毛。用補骨節傷碎。療風血積痰。破血有功。止血亦効。本名曰胡孫薑。唐明皇以其主折傷甚驗。故易名骨碎補也。

海州骨碎補



舒州骨碎補



牡丹

味辛苦。氣寒。陰中微陽。無毒。多生漢中巴郡。花

富貴表先賢贊揚。賞玩為當世貴重。凡資治療。惟採根皮。家園花辦層。根氣發奪無力。山谷花單瓣。根性完具有神。赤專利多。白兼補最。入劑之際。不可不知。今世多取桔梗皮代克。或採五加皮雜賣。乖謬殊甚。選擇宜精。經入足腎少陰。及手厥陰包絡。忌藟蒜。畏菟絲。涼骨蒸不遺。止吐衄必用。除癥堅瘀血。留舍於腸胃中。散冷熱血氣。攻作於生產後。仍主神志不足。更調經水欠勻。治風癩。定

搗止驚。療癰腫。排膿住痛。

按牡丹乃天地稱。牡則為群花首。花為陰成實。葉為陽發生。  
牡丹皮治無汗骨蒸。蓋有見於此爾。本經又云。主神志不足。神不足。手少陰也。志不足。足少陰也。張仲景八味丸用者。又非主於斯乎。

### 滁州牡丹



### 大小薊

味甘苦。氣溫。一云氣涼。無毒。雖係兩種。氣味不殊。隨處田野俱生。北平今改出者力勝。蓋薊門以薊取名。則可徵矣。凡資治

療用須採根。大薊高三四尺餘。葉多青刺而皺。花開如髻。赤若紅藍。北人因之呼為千針草也。破血捷。消腫奇。吐衄唾咯立除。沃血崩中即止。去蜘蛛蠍子咬毒。平熈突痛甚。癰疽並搗爛絞濃汁。半甌。攪童便。或醇酒飲下。小薊苗高尺許。花亦如前。但葉略差。有刺不皺。僅理血疾。不治外科。

### 大薊 小薊



劉寄奴草 味苦氣溫無毒。山側道傍春煖卽產。凡入藥隨時採收。下氣止心腹急疼。下血卻產後餘疾。消焮腫癰毒。滅湯火熱瘡。子研泡熱水下咽。腸瀉無度者卽已。原因劉裕小名寄奴。用此以治金瘡獲効。竟指名曰劉寄奴草也。

滁州劉寄奴



紅藍花 味辛甘苦氣溫陰中之陽無毒。各鄉俱蒔。五月旋收。因葉似藍。故此爲譽。堪染顏色。可作臘脂。欲留日曝乾。入藥手揉碎。惟入血分。專治女科。下胎死腹中。爲未生聖藥。療口噤血暈。誠已產仙丹。多用則破血通經。酒煮方妙。少用則入心養血。水煎却宜。喉痺噎塞不通。搗取生汁旋嚥。天行瘡難出。研細子末酒吞。搗敷遊毒殊功。○胭脂滴聾耳立効。

紅藍花



延胡索 卽玄胡索 味辛苦氣溫無毒。來自安東。縣名屬南直隸 生從奚國。因避宋諱。改玄爲延。形類半夏。色黃。用須炒過咀片。專入太陰脾肺。一云。又走肝經。調月水氣滯血凝。止產後血衝血暈。跌撲下血淋露崩中。心腹卒疼。小腹脹痛。並治之而卽効也。

茅山玄  
胡索



西玄  
胡索



**鬱金** 味苦。氣寒。純陰。屬土。與金有水。無毒。色赤兼黃。生蜀地者勝。  
 體圓有節。類蟬肚者真。倘或入藥難求。採山茶花可代。燒灰存性。研細調服。  
 凉心。經下氣。消陽毒。生肌。禁尿血。除血淋。兼破血氣。作痛。破惡血。  
 止吐血。仍散積血。歸經。因性輕揚。上行。又治鬱遏。殊効。名由此得。  
 曾載本經

鬱金



**薑黃** 味辛。氣溫。無毒。圖經云。是經種三年已上老薑也。多生江廣。  
 江西亦產。蜀川色比鬱金甚黃。形較鬱金稍大。論主治功力。又烈。  
 過鬱金。破血立通。下氣最捷。主心腹結氣。併疰忤積氣。作膨。治產  
 血攻心。及撲損瘀血。爲痛。更消癰腫。仍通月經。

按鬱金薑黃兩藥實不同種。鬱金味苦寒。色赤。類蟬肚。圓尖。  
 薑黃味辛溫。色黃。似薑瓜。圓大。鬱金最少。薑黃常多。今市家惟  
 取多者欺人。謂原本一物。指大者爲薑黃。小者爲鬱金。則世間  
 之物。俱各大小不齊。何嘗因其異形。而便異其名也。此但可與  
 不智者道爾。若果爲是。則鬱金亦易得者。又何必以山茶花代  
 耶。

宜州薑黃



浸州薑黃




**艾葉** 味苦。氣生寒。熱溫。陰中之陽。無毒。各處田野有。以複道者爲  
 佳。初春布地生。與草蒿狀頗類。但葉背白。風動微香。每端午朝。天

明冬採或懸戶資穰疫癘或藏家防治病邪煎服宜新鮮氣則上  
達灸火宜陳久氣乃下行揉碎入四物湯安胎漏腹痛搗汁攪四  
生飲止吐衄唾紅艾附丸同香附米醋糊丸開鬱結調月經溫煖子宮使  
孕早結薑艾丸同乾薑未蜜丸散冷氣去惡氣免證久纏和研細雄黃熏  
下部墮疰濕痺及疥癬神效和蠟片訶子熏痢後寒熱急痛并漏  
殊功作炷灸諸經穴不差鑿竅拔風濕毒尤驗實取入藥令人有  
娠助水臙壯陽煖腰膝明目○又九牛草產均州山屬湖廣葉圓長  
背白有芒莖獨植高二尺許氣香似艾採亦端陽治諸般風勞止  
遍身疼痛

謨按艾葉本經及諸註釋悉云生于田野類蒿複道者為佳未  
嘗以州土拘也世俗反指此為野艾至賤視之端午節臨僅採  
懸戶辟疫而已其治病症遍求蘄州所產獨整圓葉背白有芒

者稱為艾之精英倘有收藏不吝價買彼處仕宦亦每採此兩  
京送人重紙包封以示珍貴名益傳遠四方盡聞今以形狀考  
之九牛草者即此人多不識並以艾呼經註明云氣雖艾香實  
非艾種醫用作炷以灸風濕痺疼癆熱積聚嘗獲効者亦因辛  
竄可以通利關竅而已謂之全勝真艾未必能然大抵人之常  
情貴遠賤近泥于習俗膠固不移縱有本經之文諸家之註何  
嘗着一目視以為真偽之別耶噫可勝嘆哉可勝嘆哉

### 蘄州艾葉



地榆 味苦甘酸氣微寒氣味俱薄陰中陽也無毒山谷俱有生長

入月採根曝乾。惡麥門冬。宜人頭髮。雖理血病。惟治下焦。止婦人帶下崩中。及月經不斷。卻小兒疳熱瀉痢。毆積瘀時行。止痔瘻來紅。禁腸風下血。散乳疔。愈金瘡。因性沉寒。故諸血熱者可用。倘若虛寒水瀉冷痢。切宜忌之。

第一卷五加皮款後護按宜參看

江寧府地榆



衡州地榆



紫草

味苦。氣寒。無毒。人家園圃多有種栽。三月採根。可煎染紫。凡資入藥。去根取茸。益氣補中。通竅利水。治目黃成疽。療腹滿作水。

合膏敷癰癤瘡瘍。單煮托脫痘瘡癰。

單州紫草



茜草 味苦。氣寒。陰中微陽。無毒。多產郊原。一名地血。苗牽長蔓延草上。根紫色。收採春初煎汁。可染絳紅。入藥勿犯銅鐵。療中多蠱毒。吐下血如爛肝。治跌打損傷。凝積血成瘀塊。虛熱崩漏不止。勞傷吐衄時來。女子經滯不行。婦人產後血暈。凡諸血證。並建奇功。除乳結為癰。理體黃成疽。



茜草

茜根



馬鞭草

味甘苦。氣微寒。有小毒。江淮州郡多。村墟陌路有。苗葉類

菊。又若狼牙。高二三尺。莖圓。抽四五穗。花紫。春開細碎。紫色。秋復再花。穗較鞭

鞘不異。故以馬鞭為名。主下部蠱瘡。併金瘡積血作疼。研末敷妙

曾治楊梅瘡。用此煎湯先熏。後洗。湯氣通。女人月水。及血氣成癥。

纔到便覺爽快。候溫洗之。痛腫隨滅。去小腹卒痛難當。禁火。瘧發熱不斷。絞腸沙

即効。纏喉痺極靈。殺諸般疰蟲。消五種痞塊。

馬鞭草



夏枯草

味苦辛。氣寒。無毒。曠野平原隨處俱有。葉類旋覆花。似丹

參。冬至後發生。夏至時枯。故謂夏枯草也。四月收採。洗淨。陰乾

凡用。搗疴王瓜為使。破癥堅。癭瘤。結氣。散瘰癧。鼠瘻。頭瘡。寒熱。堪

毆。濕痺。兼卻。

按夏枯草。稟純陽之氣。得陰氣即枯。故逢夏至梗枯也。丹溪

有言。善補。養厥陰。血脈之功。能治肝虛目疼。冷淚不止。羞明。怕

日。久視昏花。用夏枯草五錢。香附子一兩。研細為散。茶調下。咽

服之。誠有神功。惜乎本經未之及也。

滁州夏枯草



百部 味甘苦氣微溫。又云微寒。無毒。一云有小毒。隨處生長。用惟取根。劈開去心。酒浸火炒。主肺熱上氣。止年久欬嗽。急求治。傳尸骨蒸。殺寸白。虻蟲。須用。又專治蠱。亦可去疔。燒湯洗牛馬。身蟲不生。燒煙薰樹木。蛀蟲即死。人家燒燼盡。逐蠓蠅。

峽州百部



百合 味甘氣平。無毒。洲渚山野俱生。花開紅白二種。根如葫荽。小瓣多層。人因美之。稱名百合。白花者。養臟益志。定膳安心。逐驚悸。狂叫之邪。消浮腫痞滿之氣。止遍身痛。利大小便。辟鬼氛。除時疫。欬逆。殺蠱毒。治外科癰疽。乳腫喉痺。殊功。發背搭肩立効。又張仲景治傷寒壞後。已成百合病證。用此治之。因此名同。然未識有何義也。蒸食。能補中益氣。作麵可代糧。過荒赤花者。僅治外科。不理他病。凡採待用。務必分留。

合百州滁



合百州成



前胡 味苦。氣微寒。無毒。山谷多產。秋月採根。色白兼黃。氣香甚。凡用入藥。須日曝乾。畏藜蘆。惡皂莢。以半夏為使。去痰實如神。胸脇中痞滿立除。心腹內結氣即逐。治傷寒傷熱。又推陳致新。消風止頭疼。保嬰利疳氣。

壽州前胡



旋覆花 味鹹甘。氣溫無毒。一云冷利。有小毒。叢生深谷之中。名金沸草。顏色深黃如菊。人又呼金錢花。七月採收。曝乾入藥。治頭風明目。逐水濕通便。去心滿暗氣。痞堅。消胸結痰。唾膠漆。驚悸亦止。寒熱兼除。倘病者稍涉虛羸。防損氣。不宜多服。葉理金瘡止血。

根主風濕續筋。

隨州旋復花



大黃 味苦。氣大寒。味極厚。陰中之陰。降也。無毒。形同牛舌。產自蜀川。必得重實。錦紋。勿用輕鬆朽黑。使黃芩一味。入陽明二經。欲使上行。須資酒製。酒浸。連巔頂上酒洗。至胃腕中。並載舟楫。梗少。停仍緩國老。草且不墜。有斯佐助。纔去病邪。如欲下行。務分緩速。欲速生。使投滾湯。一泡便吞。欲緩。熟宜同諸藥。煎方服。入劑多。寡看人實虛。蓋性惟沉不浮。故用直走。莫守調中。化食。雲時水穀利通。

推陳致新。頃刻腸胃蕩滌。奪土鬱無壅滯。定禍亂建太平。因有峻烈威風。特加將軍名號。仍導瘀血更滾。頑痰破癥。堅積聚止疼。敗癰疽熱毒消腫。勿服太過。下多凶險。若研末鷄清調稠。可敷上火瘡取效。

謨按大黃極寒。硫黃極熱。二黃氣味懸隔。何號將軍相同。蓋硫黃係至陽之精。大黃乃至陰之類。一能破邪歸正。挺出陽精。一能推陳致新。戡定禍亂。並有過乎諸藥之能。宜其同得居上之號也。

### 蜀州大黃



**連翹** 味苦氣平微寒。氣味俱薄。輕清而浮。升也。陽也。無毒。莖短微赤。葉狹。常青。花細。瓣深黃。實作房。黃黑。因中片片相比。狀如翹。應故名。凡用採收。須擇地土。生川蜀者。實類椿實。殼小堅。似椿實外未開者外完而無耐。莖則中解。氣甚芬香。纔乾便脫。莖間不擊。自然落下。生江南者。實若菡萏。殼柔軟。外有耐。莖抱之解。脈絕無香氣。自少。乾又尚著莖上。任擊亦不脫離。以此為殊。惟蜀最勝。去梗。旋研入劑。方靈。餘剩。密藏。氣味免失。經入少陰。心臟。手足少陽。陽明。瀉心經。客熱。殊功。降脾胃。濕熱。神效。毆惡癰毒。盡毒。去寸白。蟲虻。瘡科。嘗號聖丹。血證。每為中使。通月水。下五淋。義蓋取其結者散之。故此能散諸經血。凝氣聚。必用而不可缺也。實人宜用。虛者勿投。  
○連翹係根之名。仲景方云去熱。本經未載。此亦附之。

兗州連翹



**射干** 音干 味苦。氣平微溫。屬金。有木與水火陰中陽也。無毒。川澤郊原隨處生長。葉如翅羽扇。俗呼烏髮根。一說葉類萱草。堅強根多。短鬚黃黑。花開四種。紫白紅黃。丹溪取紫為真。只因試過有驗。三月三日採根曝乾。凡藥劑投煎。務米泔浸宿。散結氣。旋平癰毒。逐瘀血。竟通月經。止喉痺刺疼。敲口熱穢臭。去因勞而發之濕熱潰。硬腫殊功。行太陰厥陰之積痰。消笑核甚捷。仍治胸滿氣脹。更療欬急延多。

滁州射干



**篇蓄** 味苦。氣平。無毒。春月布地。生在處沿路。有苗類瞿麥。根若蓬蒿。葉細竹葉。相同莖赤。釵股。近似節間花綻。色微青黃。五月採收。陰乾入藥。主浸淫疥癬疽痔。治丹石發衝。眼疼。去小兒蛇蟲瘰癧。女子陰蝕。

冀州篇蓄



苦參 味苦氣寒沉也純陰無毒田野山谷隨處有生採根曝乾嚼  
 之極苦反藜蘆莫入惡貝母菟絲使宜玄參惟作丸服不入湯散治腸  
 風下血及熱痢刮痛難當療溫病狂言致心燥結胸垂死赤癩眉  
 脫者。岐風有功。黃疸遺溺者逐水立効掃通身癢癢。止卒暴心疼。  
 除癰腫殺疥蟲破癥瘕散結氣養肝氣明目止淚。益腎精解渴生  
 津利九竅通便安五臟定志子生作莢十月堪收亦明日輕身惟  
 又服有驗

成德軍苦參



秦州苦參



牽牛子

味苦氣寒有毒不拘州土處處有之種春時旋生苗作藤

蔓繞墻垣籬壑待秋月方開花

如鼓子花碧色日出開日西關

結實白皮裹外成

毬葉發枝間有三尖角子藏毬內亦三稜稜九月採收曝乾多有

黑白兩種黑者屬水力速白者屬金効遲炒研煎湯並取頭末除

壅滯氣急及痲痺蠱毒殊功利大小便難併脚滿水腫極驗

護按東垣云牽牛非神農經藥出名醫續註云味苦寒能除濕

利小便治下疝脚氣據所說氣味主治俱誤凡藥中用牽牛者

少則動大便多則瀉下如水乃導氣之藥試取嘗之味則辛辣

又嚼雄壯漸漸不絕非辛而何續註謂味苦寒果安在哉牽牛

但能瀉氣中濕熱不能瀉血中濕熱况濕從下受下焦主血是

血中之濕宜用苦寒之味也張仲景治七種濕證小便不利無

一藥犯牽牛者非不知牽牛能瀉濕利小便也為濕病之根在

下焦。是血分中氣病而不可用辛辣氣藥。反瀉上焦太陰之氣。故也。仲景尚不敢輕用。夫何世醫。不分血氣而一藥用之乎。夫濕者水之別稱。有形者也。若肺先受濕。則宜用之。今則不問有濕無濕。但傷食或欲動大便。或有熱證。或作常服。尅化之藥。罔不用之。豈不誤哉。殊不知牽牛比諸辛藥。瀉氣尤甚。張文懿公嘗謂牽牛不可耽嗜。脫人元氣。吾初疑藥有何耽嗜。後每見人因酒食病痞者。多服神芎丸等藥。皆犯牽牛。初服則快。藥過復痞。仍前再服。隨藥而効。由是愈信。耽嗜久服。暗傷元氣。而猶不知悔悟也。治當益脾健胃。使元氣生發。自然腐熟。水穀此治無以加矣。經云。辛瀉氣。肺氣病者無多食辛。况飲食勞倦。所傷在胃。胃氣不行。心火乘之。胃受火邪。名曰熱中。脉經云。脾胃主血。其所生病。當于血中瀉。又潤燥。破惡血。瀉胃之濕熱也。胃熱上炎。肺受火邪。當用黃芩之苦寒。以瀉火。當歸之辛溫。以瀉血。經桃仁之辛甘油膩。以破惡血。兼除燥潤大便。然猶不可專用。須于黃耆人參甘草諸甘溫甘寒。補元氣。瀉陰火。正藥內兼而用之。何則。上焦元氣已自虛弱。津液不足。口燥舌乾。若反用牽牛氣味俱陽。大辛之藥。重瀉其已虛之元氣。復耗其津液。利其小便。以致陰火愈甚。故重則死。輕則天。誠可憫也。牽牛感南方熱火之化。所生者也。血熱而瀉。氣差悞甚矣。若病濕勝。氣不得施化。致大小便不通。則宜用之耳。濕去則氣得周流。所謂五臟有邪。更相平也。經云。一臟不平。以所勝平之。火能平金。而瀉肺者。卽此也。近世錢氏瀉黃散中。獨用防風。過于他藥一二倍者。以防風辛溫。能于土中瀉金之子。不使助母也。經云。從前來者爲實邪。謂子能令母實。故以所勝平之也。晦菴語錄中。有秋食薑

則天人天年經止言辛瀉氣而晦菴云然戒之深也何則秋分  
 食薑令人瀉氣故禁之夏月食薑不禁者熱氣生旺之時宜以  
 汗散薑能發汗以越其熱也薑尚如此况牽牛乎可見味辛之  
 物皆有宜禁之時亦猶牽牛不可一槩用之也

越州牽牛子



葶藶

味辛苦氣大寒沉也陰中之陰無毒一云小毒用之當熬

陝西河北俱多曹州屬山東出者獨勝延生田野收採夏間粒如黍匾  
 小微黃製隔紙文火略炒惡蠶蠶石龍芮使檢皮得酒良種因避

苦兩般證量輕重各用苦葶藶行水走泄迅速形壯證重者堪求  
 一科葶藶行水走泄緩遲形瘦證輕者宜服苟或鹵莽易致殺人逐  
 膀胱伏留熱氣殊功消面目浮腫水氣立効肺癰喘不得臥非此  
 難痊葶藶大棗瀉肺湯主之出仲景方痰飲效不能休用之易愈主癥瘕積聚結  
 氣理風熱瘰癧癩瘡久服虛人須記勿犯

曹州葶藶



丹州葶藶



澤蘭 味苦甘一云苦辛氣微温無毒水澤多生家園亦種苗高二  
 三尺許紫節方莖有稜葉尖對生有毛但不先潤八月花開白色



狀與薄荷花同。初採微辛。此為異耳。採收入藥。防已使良。理胎產百病。淹纏女科。須覓消身。面四肢浮腫。濕中宜求。破宿血。去癥瘕。殊功。行瘀血。療撲損。効散頭風。目痛。追癰腫。瘡膿。長肉生肌。利門通竅。○根色紫黑。地筍為名。與粟根相伴。凡血證俱治。女人產後。堪作菜蔬。○又種益苽草。收彷彿澤蘭葉類。莖色略異。細認纔知。果益苽。續斷乳如神。仍去痔。收脫肛。最捷。炙令香燥。漬酒飲之。

徐州澤蘭



梧州澤蘭



胡蘆巴 味苦。氣溫。純陽。無毒。本經云。乃番國羅蔔子也。原本產諸

胡地。今亦時于嶺南。春月生苗。夏間結子。子作細莢。至秋採收。得桃仁大茴香。治膀胱疝氣効。三味。每用五七十九丸。酒下散。以熱米飲調下。與九子相間。空心服。日各一二服。即効。得硫黃黑附子。療腎臟虛冷。佳。毆脹滿腹脇中。退青黃面頰上。

廣州葫蘆巴



草薺 味苦甘。氣平無毒。盛出河陝荆蜀。蔓生。葉作三叉。秋月採根。狀類山芋。一種莖有刺者。根白實。一種莖無刺者。根軟虛。種雖兩般。白者為勝。又與菝葜小異。凡收切勿混真。蓋菝葜根作塊。赤黃。草薺根細長。淺白。博物誌亦曰菝葜與草薺相亂。時人每呼白菝。

蕪者即草薺也。利刀切片。酒浸烘乾。凡用搔疔。忌食牛肉。畏葵根。牡蠣。及柴胡。大黃。為使。宜薏苡仁。治痺盡。風寒濕。腰背冷痛。止筋。骨掣痛除。補水臟益精。縮小便明目。逐關節久結老血。掃肌膚延。生惡瘡。仍主恚怒傷中。尤療老人五緩。○菝葜別種。亦係蔓生俗。呼金剛根。又呼龍兒。攪根。延發山野地。採根秋月。切片曝乾。浸赤汁。煮米。粉嘗辟時疫瘟瘴。極驗。搗碎末。釀醇酒飲。去風毒。脚痺殊佳。止小。便。益血氣。腰背疼甚。煎服亦靈。

護 接近道所產。呼為冷飯團。即草薺也。俗之淫夫淫婦。多病楊。梅瘡。劑用輕粉。愈而復發。久則肢體拘攣。變為癰漏。剉草薺三。兩。或加皂角刺。牽牛各一錢。水六碗。煎耗一半。溫三服。不數劑。多差。原因水衰。用挾相火凌土。土屬濕生肌肉。濕熱鬱于肌腠。故為癰腫。經曰。濕氣害人皮肉筋脉是也。草薺味甘淡。去脾濕。

濕去則榮衛從筋脉柔。肌肉長而拘攣癰漏並愈。此亦理也。初。病服之不效者。火盛而濕未鬱。草薺長于去濕。而劣于去熱。病。久則火衰而氣已耗。氣耗則濕鬱。用之去熱故効也。

興元府草薺



荆門軍草薺



預知子 味苦氣寒無毒。出淮南。及漢黔諸州。係藤蔓附大水。直上。葉三角綠色。背淺而深。實五月作房。生青熟赤。子藏房內。六七多。枚。如皂角子。褐斑。似飛蛾蟲。光潤。欲求極貴。因得甚難。取二枚綴。衣服領中。遇毒物則有聲。側側。能先知覺。故有此名。服須去皮。研。

細湯下。殺蟲誅蠱諸毒並毆根搗水煎。獲効尤速。

### 預知子



### 豨薟

味苦。氣寒。有小毒。一云去熱無毒。沃壤多生。平澤亦有。氣作

猪臭。故名豨薟。

此草多生江東。其處語言呼猪為豨。呼臭為薟。因其氣類故此名之。

五六月七月採收。

五月五日六月六日

七月七日並宜採

枝葉花實俱用。

惟去麤。蜜酒層層和灑。九蒸九

曝完全。細末研成蜜丸。豆大。蚤起空腹吞服。酒下多寡隨宜。療暴

中風邪。口眼喎斜者立効。治久滲濕痺。腰脚痠痛者殊功。搗生汁

服之。主熱蠱煩滿。服多則吐。惟少為宜。

### 海州豨薟



謨

按此草處處俱生。視之多有異狀。金陵銀線素根紫莖。對節

生枝。方梗圓葉。如式修製服。誠益人。百服則耳目聰明。千服則

鬚髮烏黑。追風逐濕。猶作泛閑古方。毋竭贊揚。深功難盡。著述

可見。至賤之類。却有殊常之能。醫者不可因賤而不收。病家亦

勿謂賤而不製服也。

### 鶴虱

味苦。氣平。有小毒。平原曠野俱有。莖圓一二尺高。葉皺大。彷彿

紫蘇。花白黃。儼若甘菊。八月結子。粒細而尖。任收散。文為丸。大

能殺蟲追毒。虺蜥蟲咬。心腹卒痛者。肥肉汁調下。即安。砒霜毒吞。腸胃未裂者。濃薑汁送下立吐。

除州鶴虱



成州鶴虱



酸醬實 味酸氣平寒無毒。園田坂處處有生。春開白花。旋結青殼。子藏殼內。大若櫻珠。臨熟盡變深紅。五月堪取。啖食。孕婦吞下立分娩。無憂。小兒食之。能除熱。有益根。搗汁極苦。治黃疸。易消。葉採陰乾。亦利水道。定志益氣。解燥除煩。

酸漿



石葦 味苦甘。氣平微寒。無毒。叢生山谷。石上者。真。不聞人聲。水聲者。効。葉長似柳。背有黃毛。不拭射人肺中。即成欬嗽。難治。務先去淨。灸拌羊脂。炒變焦黃。方入藥劑。得菖蒲妙。使杏仁良。治遺溺。成淋。通膀胱。利水。療癰疽。發背。去惡風。止煩。益精氣。補五勞。除邪熱。安五臟。○生瓦上者。瓦葦為名。治淋亦佳。本經曾載。

海州石葦



海金沙 本經不言氣味只云出產黔州屬雲南一二尺高株材葉小  
 七月收取拔起全科晴日襯紙地間將此曝於紙上以杖敲擊自  
 落細沙且曝且敲沙盡為度用為丸散專利小腸得梔子牙硝蓬  
 砂可共療傷寒狂熱本註又云小便不通臍下滿悶者用此一兩  
 臘茶五錢絕細研成煎生薑甘草梢調下三錢不通又再服之旋  
 可以取効也。

黔州海金沙



海藻 味苦鹹氣寒無毒。一云有小毒。東海所生。葉類萍藻。根着水  
 底石上。莖如亂髮而烏。七夕收採。性反甘草。治項間瘰癧消頸下

瘰癧囊利水道通癰閉成淋瀉水氣除脹滿作腫碎百邪鬼魅止偏  
 墜疝疼○又種麗長乃名海帶柔軟堪以繫物入藥多用催生亦  
 療風淫兼下水濕○昆布亦係海菜治與海藻同功散結潰堅並  
 著奇効

護 按榮氣不從外為癰腫堅硬不潰仗此可消蓋三藥味俱鹹  
 經云鹹能軟堅隨各引經藥治之則堅無不潰肺無不消也

海帶



昆布



# 海藻



# 常山

味苦辛，氣寒無毒。川蜀多生，湖浙亦有。擇如鷄骨，入藥方靈。

忌菘菜、鷄肉、蔥、畏玉札。勿令犯，截溫瘧，吐痰沫，殊功。解傷寒，感寒

熱立効。水脹堪逐。鬼蠱能消，勿滾熱下咽。必露冷過宿。此服此須頭晚煎熟

露天空下，一年老久病人全忌。形瘦稍虛者，少煎。蓋性悍兇，感逐

甚捷，功不掩過者也。○苗名蜀漆，味苦純陽。五月收採，陰乾使宜。

稻萹桔梗散，火邪錯逆，破癰疽癥堅，除痞結積癘。碎蠱毒鬼疰，久

虛兼治，欬逆且調，切勿多服，亦防惡吐。

# 蜀漆



色淡黃

常山

# 甘遂

味苦甘，氣大寒，有毒。多產京西川谷。二月採根，陰乾，狀若連

珠。使宜瓜蒂，反甘草。惡遠志，破癥堅積聚如神。退面目浮腫，立効。

食停胃內有之，卽毆水結胸中。非此不解。蓋氣直透所結之處，專

于行水攻決，利從穀道出也。凡用斟酌，切勿妄投。

# 甘遂



白欬 味甘氣平微寒無毒。一云有毒。隨處蔓生。深林猶盛。根如  
 鷄鴨卵。三五同窠。採待中秋時。黑皮洗淨。破片以竹穿。日曝入藥。  
 與白芨並行。反烏頭。使代赭。退赤眼。除熱。散結氣。止疼。理小兒溫  
 瘧。驚癩。療女子陰戶腫疼。殺火毒。為火煨湯。泡聖藥。治外科。敷背  
 癰疔。腫神丹。



白欬

白芨 味苦辛。氣平微寒。陽中之陰。無毒。多出石山。苗高尺許。葉青  
 兩指大。莖端生一莖。花開紫紅。實熟黃黑。根如菱米。節間有毛。二

八月採乾。紫石英為使。惡理石。畏杏仁。名擅外科。功專收斂。不煎  
 湯服。惟熬膏敷。除賊風。鬼擊。癰。緩不收。去潰瘍。敗疽。死肌腐肉。敷  
 山根。額之上。鼻之下。止衄。塗疥癬。殺蟲。作糊甚粘。祿畫多用。

白芨



白附子 味甘辛。氣溫純陽。無毒。一云有小毒。巴郡涼州俱多。砂磧  
 卑濕。纔有。獨莖發葉甚細。周匝生于穗間。形類天雄。入藥炮用。治  
 面上百病。可作面脂。主血痺冷疼。且行藥勢。破諸風。冷氣。解中風。  
 失音。摩醋擦身。背汗斑。尤去疥癬。用油。帶裏邊。燃藥。擦三日。愈。忌。漂洗。研末。收陰囊  
 濕癢。併滅癩痕。

白附子



白附子  
中風  
月試

白頭翁

味苦氣溫可升可降陰中陽也無毒一云味甘苦有小毒

山谷田野在處有之苗作叢葉細稍長葉生杪有毛不澤毛細風

來反靜風去則搖與獨滑赤箭苗莖三者無差異也近根底處白

茸寸餘狀類老翁名由此得交秋收採向日曝乾一云入藥極疴

蠱實為使主溫瘧陽狂寒熱治癥瘕積聚腹疼逐血愈金瘡毆風

煖腰膝消癰癰散癭瘤小兒頭禿羶腥及兩鼻血衄神効男子陰

疝偏腫併百節骨痛殊功牙齒痛亦除赤毒痢必用經云腎欲堅

之劑則下焦虛故必用此純苦之劑以堅之也

白頭翁



商陸

味辛甘酸氣溫有毒一名樟柳多產郊原葉如牛舌舒長

色莖高三尺柔脆青赤

秋開花作孕色赤白兩般花赤者根赤相

同花白者根白無異白根入藥劑專利水對證可煎赤根見鬼神

甚有毒貼腫堪用儻齒莽誤服必痢血喪身釋文又云如人形者

有神其根有似人形雙今術家每云樟柳神者即此是爾實亦入

神之藥花名荔花尤良若陰乾搗末水吞能治人健忘善悟服後

臥思所事開心復記詳明並墮妊娠孕婦切忌

謹按白根治水方載多般或取根雜鯉魚熬湯或咀粒攪粟米



煮粥。或搗生汁調酒。或和諸藥為丸。空心服之。並可獲効。赤根  
 貼腫方亦不同。喉痺室塞不通。醋熬敷外腫處。石癰堅如石者。  
 搗擦取軟成膿。如或搗爛加鹽。總敷無名腫毒。古讚云。其味酸  
 辛。其形類人。療水貼腫。其効如神。斯言盡之矣。

并州商陸



鳳翔府商陸



王不留行

即剪金花

味苦甘。氣平。陽中之陰。無毒。江浙近道俱有。莖青。七  
 八寸長。葉尖如小匙頭。花開係黃紫色。子如黍粟殼黑微圓。三月  
 採根莖。五月取花子。先灑酒蒸一伏。復浸漿水一宵。微火焙乾。收

留待用。主金瘡止血。逐痛。治女科催產。調經。除風痺。風痺內寒。消  
 乳癰。背癰。外腫。出刺。下乳。止嘔。噎。煩。

成德軍王不留行



江寧府王不留行



蒲公英

即黃花地丁草

味苦。氣平。無毒。一云。構糖草。俗呼字字丁。田側道傍  
 逢春滿地。葉如苦苣。有細刺。花類金錢。開莖端。斷其莖。

汁竟流。開罷。花飛絮。隨起。絮中有子。落地則生。庭院有之。因風吹  
 至。採宜四月五月。經入陽明太陰。煎汁同忍冬。臨服加醇酒。潰癰  
 腫。消結核。屢著奇功。解食毒。散滯氣。每臻神効。

蒲公英



穀精草


味辛氣溫無毒生長穀田中採收三月後花白葉細圓小似星故又名戴星草也理咽喉痺塞止牙齒風疼口舌諸瘡眼目腎膜並堪煎服取効霎時又餵馬驢騾能殺蟲類內益力健步長

毛生驤

秦州穀精草



江寧府穀精草



旱蓮草

味甘酸氣平無毒濕地多生苗若旋複花細而白色實圓而作房摘斷枝莖汁出漸黑或煎酒服或熬膏敷染白髮回烏止赤痢變黃鬚眉稀少可望速生而繁火瘡發紅能使流血立已

旱蓮草



金星草

味苦氣寒無毒多生陰濕石上葉長凌冬不凋背有黃點兩行狀若金星相對故因得此名也五月採收風乾入藥解毒消腫專理外科凡百初起惡瘡但諸未潰陽毒沿頸癰癤發背癰疽或剉碎煮酒類吞或研末調水旋服或煎汁淋洗或搗爛敷塗并可建功立能獲効諸丹石毒悉解硫黃毒亦能毆根搗浸真麻油

搽頭。大生毛髮。

### 施州金盞草



佛耳草 味酸氣熱無毒。郊原野坂處處有之。春生苗尺餘。夏開花黃色。葉與馬齒莧類。細小微有白毛。俗呼黃蒿。人每收採。搗爛和米粉作粿。柔韌音軟而香美可嘗。藥劑凡資。曝乾纒用以欸冬。為使治寒嗽及痰。尤去肺寒。大升肺氣。切勿過服。損目失明。

### 佛耳草



燈籠草 味苦氣大寒無毒。在處俱有。八月採收。花實根莖並堪入藥。苗高三四尺許。花紅而類燈籠。故此為名。專主熱嗽。蓋因苦而除燥熱。輕能治上焦。故也。丹溪嘗云。燈籠草治熱痰嗽。佛耳草治寒痰嗽。

### 燈籠草



三白草 味甘辛。氣寒有小毒。出自襄州。屬生臨池澤。每交初夏之月。葉端半白如霜。農人候以蒔田。三葉白草便秀。故此為譽。用惟取根。利大小便。逐脚膝氣。除痞滿去瘡。破堅癖。毆痰。疔腫仍消。積聚尤卻。

三百炒



燈心草 味甘氣寒屬金與火無毒江南澤地叢生苗莖圓細長直多採蒸熟向日曝乾拆取中心白穰用之燃燈照夜此謂熟草不入醫方務求生剝者為良揉碎煎湯液纔効通陰竅利小便除癰閉成淋消水濕作腫鉢插乳香少入油潤全無罐藏冰片多加分兩不耗根採煎服功力尤優○燈花止小兒夜啼亦能治大人喉痺金瘡敷上血禁肌生

灯心草



蛇含草

味苦氣微寒無毒一云有毒石土上並生遠近處咸有一莖五葉七葉兩種略殊當用細葉黃花此品纔妙昔田父見蛇含着別傷蛇即活嘗採此治癰腫去內惡毒立痊由此得名外科多用主驚癩寒熱邪氣心腹邪氣除濕痺疽痔惡瘡鼠癩惡瘡諸丹石燥毒殊功但蛇蠍蜂傷悉効人家多種亦令無蛇又用搗爛成膏堪續已斷手指○其根收取乃名女青搗細木帶之則疫癘不犯主蠱毒而逐邪惡殺鬼魅以辟不祥

蛇含草



水荭草

即天蓼

味鹹氣微寒無毒。一云味辛有毒。雖生各處。多在水傍。

苗莖高尺餘。葉大色赤白。五月採實。用者最稀。去痺氣除惡瘡。下水氣。解消渴。去熱明目。奇効咸臻。○馬蓼葉大同前。卑濕之地亦產。夏收採曝乾入劑。主腸中蟲。蛭輕身。○水蓼生淺水中。大葉有黑點。根莖並採。可用煎湯。搗脚止霍亂轉筋。消脚氣腫滿。吞服止蛇毒攻內。去瘰癧脹疼。水蠱黃腫腹膨。用蒸汗出立愈。二月勿食。傷腎弱陽。若合魚鮓食之。令陰冷痛欲絕。○毛蓼冬根不死。葉上有毛。亦主瘰癧癰疽。引膿長肉。○白蓼紅蓼造酒並佳。

水荭草



山茨菇根

味辛苦。有小毒。俗呼金燈籠。多生沙濕地。初春萌孽。葉

如韭葉。長青。二月開花。狀若燈籠。色白。瓣有黑點。子結三稜。生夏。纔交其苗。卽稿。依時掘地。可得。遲久腐爛。難尋。與老鴨蒜略同。在包裹上分別。蒜却無毛。光禿。茨菇包裹有毛。得之去皮。生焙。任用。生搗爲拔毒。敷藥。頻換。則靈。焙研合玉樞神丹。必資作主。消癰疽。無名疔腫。散癰癩。有毒惡瘡。蛇虺咬傷。並服神効。

山茨菇



山豆根

味苦氣寒。無毒。各處山谷俱有。廣西出者。獨佳。俗呼金鎖匙。

苗長一尺許。葉兩傍而有曲鈕。子成簇。而色鮮紅。粒似豆圓。名

因此得。凡貧瘵病。惟取其根口嚼汁吞。止咽喉腫痛要藥。水調末服。除人馬急黃捷方。敷蛇蟲咬傷。去血氣腹痛。

### 山豆根



### 萱草根

俗名鹿葱

味甘氣涼屬木無毒。園圃多種。五月開花。療酒疸遍身

通黃。絞生根汁嚥下。治沙淋小便澀痛。煮熟嫩苗食之。咀和酒煎

為破腦傷風要藥。搗攪薑汁。係大熱。衄血仙方。安五臟輕身。利胸

膈明目。久久服。餌歡樂無憂。嵇康云。合歡觸怒。萱草忘憂是也。○

宜男係花之字。孕婦佩則生男。丹溪曰。性下行。走陰。分名。宜男者。寧無微意存焉。

### 萱草



### 蘆根


味甘氣寒無毒。洲渚多生。秋冬纔取。掘土擇甘美者。有効。露

出及浮水者。損人。解酒毒。退熱除煩。止嘔噦。開胃下食。食魚蟹中

毒。卽劫懷胎孕。發熱卽歧。○花白名曰蓬茸。主卒霍亂危急。煮汁

頓飲。霎時可安。

### 蘆根



菰根

味甘氣大寒無毒多生江湖陂澤葉如蒲葦尖長抹馬甚肥

作薦誠軟江南呼為菱草即此是焉四時取根搗爛絞汁止小便

利解渴主腸胃熱除煩又浮水面者燒灰研朱火灼瘡敷愈用雞

菰菜即春生菱笋煮食治心腹卒疼樸鯽魚為羹解酒毒開胃丹

石熱發頓食即差須防滑中不宜多食菰首當作菰手係歲久

中生白臺與小兒臂同故取為名喚食少追風去熱止上膈渴消

食多發氣弱陽令下焦冷滑食同白蜜痼疾復生臺中有黑者莖

鬱名用之治小兒赤痢効藥利五臟亦驗食巴豆人忌之子細若

青麻黃名彫胡米俗每合黍粟煮過凶荒年大抵菰之種類皆極

冷利不可過食惟服金石人相宜爾

菰根



菰首



莖



苧根

味甘氣寒無毒鄉落地多種養宿根春自發生葉取飼池魚

面青背白皮剝績暑布一年三收根輕虛白黃採無時入藥搗敷

小兒赤遊丹毒及諸癰疽發背乳房煎療人胎動不安併產前後

發熱煩悶塞胎漏下血罨箭毒蛇傷時疫大渴狂呼非此莫卻金

石服多燥熱飲下立除苧皮藏留產婦堪用作枕眠止血暈安臍

上去腹疼漬苧汁管大解消渴蠶咬中毒一飲即毆故近蠶室種

之則蠶竟不產也

苧根



羊蹄根

味甘氣寒屬水無毒葉如蒿苳多產道傍根取醋摩善走血分主小兒頭禿疥癩除熱治女子陰蝕浸淫殺蟲去痔疽除風癬或採多熬膏加蜜用防風研末和丸粘樓甘草酒吞治前諸證益妙日服二次每次服三十九丸藥作菜茹小兒疳蟲立追食多滑腸作瀉實苦澁平赤白雜痢能止

羊蹄根



芫花

味辛苦氣溫有小毒川谷甚多遠近俱有莖紫花白一二尺長密開花盈舊枝莖如紫稍作穗木出葉採嫩苞莖向晴日曝乾花落葉生不堪用也得之煮醋數沸漉出漬水一宵復曝乾收纔免毒害反甘草使決明散皮膚水腫發浮消胸膈痰沫善唾欬逆上氣能止咽腫短氣可安跖疔痕癰疽除蠱毒鬼瘡令人虛損久服不宜汁漬線絲繫痔易落○根採尤毒乃名蜀桑搗爛堪毒魚研末能敷疥

綿州芫花





按芫花瀉濕利水為要。夫水者，脾胃腎三經所主，有五臟六腑十二經之部分。上而頭目，中而四肢，下而腰膝，外而皮毛，中而肌肉，內而筋骨，脈有寸關尺之殊，診有浮中沉之異，必當審其病在何經何臟，乃可用之。倘若誤投，為害非淺。

芫花 味苦辛，氣寒，有毒。生咸陽川谷，及河南中牟。苗似胡荽刺，無花類芫花色白，狀極細。四五月採，力甚猛，熬令赤收，入藥劑中急欲行水，有是證者，斟酌投煎，破積聚，大堅癥瘕，療痰癖，效逆上氣，咽喉內腫，疰氣可散，臍腹下疰，癖氣鬼能消。

### 芫花



### 貫衆

味苦，氣微寒，有毒。在處山谷有，背日陰濕生。莖有三稜，皮係赤色，葉青綠，如小鷄翅，根紫黑，似老鷄頭，故本經欵中亦載曰：此謂草鷄頭也。一說根形如大瓜，下有黑鬚毛。二八月採根陰乾，赤小豆蘗菌為使，毆諸毒，理金瘡，惡毒，殺三蟲，去寸白，虬蟲，仍除頭風，更破癥瘕。

### 淄州貫衆



### 鳧茨

味甘，氣平，微寒，無毒。苗似龍鬚，葉如芋狀，根黑，指大，皮厚有毛。又一種皮薄無毛者亦同。今人謂之勃臍。本經載曰：烏芋，鳧喜食，又得此名。水田蒔之，在處有者。三月三日採根曝乾，主產後血悶，攻心理，產難，子胞不下，壓丹石，除胸膈痞氣，下石淋，退面目疳，黃風腫，能

消痺熱堪卻開胃進食益氣溫中。性善毀銅着之即碎。故為消堅  
削積要劑也。多食則生他症。卒食則嘔水來。孕婦食動胎。小兒食  
臍痛。葉採搗爛。蛇咬可敷。

皂炭



水萍 味辛酸。氣寒無毒。係柳絮隨風飛起。入池沼得水生成。小者  
藻。背面俱青。大者萍。面青背紫。下無根蒂。水面漂浮。入藥拯痾。惟  
萍可用。七月半採。依法曝之。竹篩攤開。水盆架住。曝向烈日。纔得  
燥乾。盆無水則不燥研末細羅。蜜丸。彈大豆淋酒化。空心頓吞。發汗驟來。  
破風速退。仍治時行熱病。堪浴遍身。瘡瘡。生疥消水腫。利小便。去

暴燥。止消渴。夏夜蚊多。燒煙可除。

謨按普濟大風丹云。東京開河。掘得石碑。梵書天篆。無有曉者。  
林靈素逐字釋解。乃是治中風方。歌曰。天生靈草無根幹。不在  
山間不在岸。始因飛絮逐東風。泛梗青青飄水上。神仙一味去  
沉疴。採時須是七月半。怕甚攤風與中風。酒下三丸都汗散。

大戟 味辛甘。氣大寒。陰中微陽。有小毒。種甚猥賤。處處有生。春發  
紅芽。日漸叢長。凡資入藥。惟採正根。傍附誤煎。冷瀉難禁。惡薯蕷  
使赤豆。反甘草。海藻芫花。畏菖蒲。蘆根。鼠屎。每與甘遂。同利小便。  
消水腫。腹滿急疼。除中風。皮膚燥痛。毆蠱毒。破癥堅。通月信。墮胎。  
散頸癭。逐痰。○苗名澤漆。味苦兼辛。退邪熱。皮膚。卻浮腫。面目。大  
腹水氣。立遣。陰氣不足。堪扶。

河中府大戟



蚤休

一名紫河車

味苦氣微寒有毒川谷俱有江淮獨多不生傍枝一莖

挺立莖中生葉葉心抽莖年久發三四層上有金線垂下故又名金線重樓俗呼七葉一枝花也圖經云葉如鬼白根若肥薑凡入藥中惟採根用主驚癇搖頭弄舌除濕熱發腫作瘡下三蟲解百毒或摩酒飲或摩醋敷

滁州蚤休



蘭茹

味辛酸氣寒有小毒近產河陽原出高麗苗逢春煖方起葉

類大戟常青花色黃結子絕無根皮赤似羅根斷則流汁黑凝如漆故云漆頭五月採根陰乾惟取頭黑者勝使甘草節惡麥門冬載素問中云去惡血古姚僧坦用治癰疽作散頗敷肉滿便止破癥瘕殺疥蟲逐敗瘡死肌除大風熱氣善忘不樂亦著本經○又草蘭茹其根色白因醫取黑頭入劑採多燒熱鐵熨之作假代真主治不異敷潰瘍作散載古方亦多

淄州蘭茹



衛矛一名鬼。味苦。氣寒無毒。深山谷多產。平陸地絕無。莖類栢皮。褐

黃。葉似山茶青綠。幹有三羽。狀似箭翎。削取皮羽陰乾。拭淨赤毛

酥炙。一說只使箭頭每兩用。任煎湯液。專治女科。能墮妊娠。善療

血氣。遣邪祟。殺蠱毒。破癥結。通月經。腹滿汗出立瘳。崩中下漏。卽

止。消皮膚風腫。去腹臟白蟲。產後血絞肚痛。殊功。惡疰卒暴心痛

捷効

### 衛矛



狼毒。味辛。氣平。不大毒。出陝西郡州。似商陸苗葉。採根八月。肉白

皮黃。小者良。入水浮虛者劣。使黑大豆惡麥句薑破積聚痰癥

癥癥。去惡瘡。鼠瘻。疽癰。逐欬逆。上氣。殺蠱毒。鬼精。走獸。飛禽。亦能殺害。

### 右州狼毒



淫羊藿。即仙。味辛。氣寒無毒。莖細而堅。葉圓而薄。所在俱有。凌冬不

凋。俗呼爲三枝九葉草也。但生處不聞水聲者爲美。凡採製須先

酒浸過曝乾。剉碎。對拌羊脂。每斤用。羊脂四兩。火炒。脂盡爲度。羊食貪合

故此著名。治男子絕陽不興。治女人絕陰不產。卻老。景昏。耄除中

年健忘。益骨堅筋。增力强志。久服有損。明載本經。

永康軍淫羊藿



沂州淫羊藿



羊躑躅

味辛氣溫有大毒向陽山谷逢春則生起苗一尺餘高結

莖二月半後葉如桃葉深綠花似瓜花正黃羊誤食之躑躅而死故本經竟名羊躑躅今南人反呼黃杜鵑依時採花陰乾入藥主風濕藏肌肉裏泚泚痺麻治賊風在皮膚中淫淫掣痛鬼疰蠱毒並治瘰癧惡毒疥敗

羊躑躅



藜蘆

味辛苦氣寒有毒近道俱有深谷多生反芍藥細辛及五參

人參沙參玄參丹參苦參勿用惡大黃使黃連三月採根陰乾去蘆微炒入藥專能發吐不用煎湯惟作散用主頭禿疥瘍療腸癰瀉痢殺諸蟲除蠱毒去死肌愈惡癰治喉痺不通理風痰上壅亦能醫馬塗癩併敷馬刀爛瘡

解州藜蘆



解州藜蘆



藜音浪蘆音蕩子即天未苦甘氣寒有毒山谷各處生苗高四尺許葉潤三指夏開白花實同罌粟作房子如黍米成粒五月收採向日曝

乾主風癩癩狂。瘰癧痺拘急。助足健行見鬼。理齒蛀蝕出蟲。久服輕身走及奔馬。炒熟方益。生則瀉人。別說云。煮一二日。尚入土萌芽。用者尤宜審也。


秦州莨菪



續隨子 一名千金子 味辛氣溫有毒。苗如大戟。葉中抽莖。開花黃小。多層結實青而有殼。人家亭園。每種觀瞻。又因秋種冬生。春秀夏實。故又名曰拒冬實也。用須取仁。紙裹壓以重石去油。復研成霜。方可入藥。宜一切宿滯積聚。敷諸般疥癬惡瘡。逐水利大小二腸。散氣除心腹脹痛。破蠱毒鬼疰。消痰癖癥。通月經下痰飲。不可過服。

防毒損人。其莖中白汁。旋收。敷白癩。回好。即去。

廣州續隨子



蓖麻子 味甘辛。氣平。有小毒。園圃中俱種。胡地者益。良子如牛。婢色斑。葉類火麻。厚大。得名由此。其性善收。剝殼取仁。修製忌鐵鹽。湯入砂鍋煮透。牛山為度撈起。以石臼搗糜。用敷無名毒疽。吸出有形滯物。剝骨立起。膿血盡。追塗足心。下胎孕子。胞始神。塗巔頂。收生腸脫肛。甚捷。塗口眼。喎僻。即牽正復元。左患塗右。右患塗左。見効急除。久則反損。因性峻急故也。亦堪服餌。方法須依。毆卒仆風癩。取仁一兩。豆粒一兩。水一碗。又砂鍋中文火旋煮。水盡復添。務過三日。兩夜為度。取去黃連。只用仁。風乾。不得見日。每日一粒。竹刀切四段。每

服五粒作二十段荆芥湯送下食遠日消中滴水脹年壯人水研  
 三服不拘年久日近並効載衛生寶鑑十粒服之去  
 惡沫旋加至二十粒兼逐尸疰惡氣又主寒熱風虛服過者一生  
 三日一服差載經文忌食豆入喉候犯之頃刻作腹脹傾命攝生之士不可不知油榨  
 取敷疥癩瘡瘻調銀硃可為印色葉搗蒸敷脚氣風腫熨顛上即  
 止衄紅油塗灸蒸熨之尤驗

### 明州蓖麻



### 儋州蓖麻



誤按病分血氣藥別陰陽丹溪云蓖麻子屬陰主吸出有形質之滯物故取胎產胞衣剝骨膿血者用之荔枝肉屬陽主散無

形質之滯氣故消瘤癥赤腫者用之苟不明此理而錯用治則不應也。

**華撥** 味辛氣大溫無毒出番國中產竹林內苗作叢高二尺許葉圓綠潤二寸餘五月開花白色在表七月結子小指般長秋末收子陰乾辛烈過於茴醬嶺南海舶貿易常多老黑者不堪紫褐者為上消宿食下氣除胃冷溫中祛癖陰疝痛並驅霍亂冷氣疼立卻禁水洩虛痢止嘔逆醋心得訶子人參桂心乾薑為丸治臟腑虛冷腸鳴洩痢神効仍殺腥穢食味堪調久服走泄真陽令人腸虛下重根名華撥沒黑硬近似柴胡能治諸勞傷陰汗寒疝核腫

### 華撥



鬼臼 味辛。氣微溫。有毒。齊杭裏咬最多。深山陰地纔有。獨莖起土

內。一葉豎莖端。狀如傘蓋。一云葉六。且東向。暮西傾。隨日出沒。枯

一莖為一白。逐歲增添。每年長一莖。莖枯為一。要求真採之。勿買

假誤也。垣衣所畏。制伏可資。辟瘟疫惡氣不祥。殺蠱毒。鬼疰精物。去目赤。膚腎。療喉結風邪。不入湯煎。惟作散用。

舒州鬼臼



齊州鬼臼



乾苔 味鹹氣寒。一云溫。無毒。即地面青苔是也。滲濕有背陰生。療

心腹悶煩。研調水飲。治霍亂嘔吐。採煎汁嘗。發諸般瘡疥。殺蟲下。一切丹石去毒。但服不可過劑。令八少血痿黃。○生老屋上者名

屋遊。利膀胱。吊氣及浮熱。在皮膚間。○生古墻側者。名垣衣。主黃

疸。心煩。致暴熱。攻腸胃內。○陟釐。生水石面。止洩痢。強胃氣。消殺

溫中。○土馬騷。生土墻頭。涼骨蒸。止鼻衄。敗毒。毆熱。○井苔。從井

底。覓療水腫。漆瘡。熱瘡。○船苔。向船底求。治五淋。鼻洪吐血。○君

邪。生山石。去小兒時熱。驚癇。○瓦松。生瓦溝。通女人經絡。閉澁。

謹按至賤之物。如許之名。蓋因所附不同。以致主療各異。瓦松

雖則別種。亦由滲濕而生。故併錄之。以便查考。

鬼督郵 味辛苦。氣平。無毒。所在山谷。有必叢。生苗。惟一莖。類小箭

鋒。葉出莖端。如織。根橫而不發鬚。花開。葉心其色黃白。二月八月。

用。惟採根。甘草水煮。一伏時。漉曝乾。任丸煎服。主鬼疰。卒忤。中惡

及百精毒。去濕瘡。時行疫癘。併心腹邪。強脚。肝益腎力。腰腿諸疾。並可毆除。今醫不審其真。每每以徐長卿。克代。乖戾殊甚。夫長節



赤箭鬼箭雖皆有鬼督郵別名而治大相異也務辯的實切勿混  
淆。

### 鬼督郵



### 蜀葵花

味甘。氣寒陰中之陽無毒。即家園紅白葵花惟川蜀產者  
最勝。色因有二。治亦不同。紅葵花治赤帶赤痢如神。血燥兼治白  
瘰花。敲白帶白痢速効。氣燥亦敲。子能催生墮胎。更療淋澁水腫  
一切瘡疥癰毒。研末俱可敷之。葉搗爛貼金瘡火瘡。又煮食除熱  
痢丹痢。莖理惡瘡散血。根主客熱通便。根莖共煮汁吞。即解丹石  
熱結。○番蜀葵花各種葉狹多缺而尖。催生產尤靈。敷金瘡更驗。

子炒研調酒亦催產捷方。

### 蜀葵花



### 紅葵



### 黃蜀葵



**大青** 味苦。氣大寒。無毒。多生郿蜀濠淄。亦產江東州郡。葉綠似石竹莖紫。花紅如馬蓼根黃。入藥用葉兼莖。春末夏初收採。仲景書內每每擅名。傷寒熱毒發斑。有大青四物湯飲效。傷寒身強脊痛。有大青葛根湯服靈。又單味大青煎湯。治傷寒黃汗黃疸。天行時疫。尤多用之。仍罾腫癰。且解煩渴。○小青異種。惟產福州屬福建。人用治癰瘡。取葉生搗敷上。

大青



**王瓜** 味苦。氣寒。無毒。一云有小毒。生平澤田野。及籬墜垣墻。一名土瓜。處處俱有。月令。四月王瓜生。卽此是也。作藤蔓發葉多刺。微

圓。逢夏至開花。深黃單瓣。實結一二寸許。多刺。七八月間外殼紅黃如秬稷狀。中子紫赤似螳螂頭。採入醫方。根子兩用。治小便破遺不禁。潤心肺。解蠱毒。卻黃病。黃疸。用子宜生。療下痢赤白。雜來。馭腸風除肺痿。止血溢血。吐。用子須炒。根搗汁。去小兒閃癖痞滿。及天行熱疾發狂。痰癰暴生。並可服也。但少爲奇。多服則吐下。根煎湯。破婦人血癥堅癥。併撲損瘀血作痛。乳汁不下。俱當飲之。過多不妙。仍逐骨節中伏水。更消損頸上瘰癧。去濕痺痠疼。散癰疽。癩腫。通經墮孕。益氣愈聾。

均州王瓜



國朝本首卷

卷三

五

六

大清光緒二十六年

